






Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 669 4° copy 4









Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 669 4° copy 4





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 669 4° copy 4



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 669 4° copy 4



1850

Laur. Nielsen 6629

Forsættens vab i trænet.

Se fol. 41, har egen hændig dedikation til  
hans fæderland. Moritz Jfeling, Biskop i Nürnberg  
eller og sin klinger af Melandlon.  
30<sup>1</sup> - 222.  
' 4.  
(Allg. deut. Biogr. 11 pag. 690).

BOX

"... mængde ved en hæng og  
mængde i hæng af  
Ch. i hæng"

hæng i hæng  
hæng - forsætten?



LN 669

ex. 4





Clarissimo atq<sup>ue</sup> Humanissimo  
Viro D<sup>no</sup> M. Mauritio  
Helingo, Superanten,  
deni Noribergesi

Amico suo

charissimo

dt

A<sup>u</sup> + h o r

4993

20

Aprilis

Anno

1574.



DET KÖNIGL. BIBLIOTHEK  
KOPENHAGEN

1968. R. 961



542.

C. ERASMI MICHA-  
ELII LAETI,

DE  
REPVBLICA NORIBERGENSIVM  
LIBRI IIII.

AD  
AMPLISSIMVM AC SAPIENTISSIMVM  
Inclytæ vrbis Noribergensis,  
*SENATVM.*



*Cum gratia & Privilegio Imperiali.*

FRANCOFORTI AD MOENVM,  
Anno 1574.







AMPLISSIMO  
ET SAPIENTISSIMO  
INCLYTAE NORIBERGENSIS  
REIPUBLICAE SENATVI  
S.



ETVS est, Amplissime Senatus; rerum virtutumq; maximarum formas, ingenia, naturas, vsus, proprietatesque ac dignitatem publicis quibusdam literarum monumentis interdum celebrare. Idque eo fine eoque maximè consilio: vt virtus ipsa; quæ sola penè verum cœlestis cuiusdam & diuinæ naturæ inter homines est indicium; in hominum multorum oculis sit conspectior: deq; ea non inani aut temerario affectuum impulsu; sed censura vera, rectaque & honesta animorum sententia iudicium constituatur. Et quidem explicari oratione vix potest, quantum intersit humani generis, quantumq; vniuersis omninò gentibus expediat, creberrimam profectò huius rei mentionem fieri: officiorumque proponi sapiùs atque adornari commendationes: vt in quas veluti in speculum sese humanum genus intuens; conspecta virtutum pulcritudine; cum admirari hæc cepit, ad earum protinus sese imitationem omni studio omni que diligentia comparet & componat. Plerumque enim inter mortales euenire: vt quos doctrinæ præceptorumq; formæ nequeunt ad virtutem flectere: hos exemplorum facies religioque moueat: vt quod in alijs iam admirari ceperint; in semetipsis custodiendum suasq; postea in actio-



## E P I S T O L A

nes vitæ inferendum ac frequentandum esse putent. Ita quò præcepta minus expeditè duxerint : exemplorum certè ratio videtur haud inefficaci laboris fructu interdum multos perdusse. Scitum est quod narrari solet de Leonib<sup>9</sup>; quos cùm magistri instituunt ad mansuetudinem, equidem mirabili artificio immanem efferamque bestiarum vim naturamque parendi legibus inuoluunt. Primùm etenim è canibus catellum hisce quendam sub cōspectum statuunt: deinde iussu quædam proferunt in medium, instruuntque ad operandum. Tandem verò, si præceptis catellus iste pareat, laudant mulcentque, atque aliquo ceu popismate obedientem alacremque excitant, & ad vltiora adhortantur. Quòd si indocilem ille se aut refractarium fortassè præbeat, cædunt virgis, castigantq; & plorare cogunt: vt vel sic tandem quæ sunt præcepta faciat, seque parentem legibus ostendat. Discipuli interea, illa, inquam, præclara Leonum soboles in hanc Magistri solertiam sæueritatemque respiciens: & similia fortassè exhorrescens verbera, assuescit disciplinæ: eoq; pacto & feritatem mitigat, & tractandam sese præbet: quæque iussa sunt, concinnare aliquo modo, & ad vsum accommodare studet. Natura autem inest iuuentuti quædam ceu durities ad obtemperandum: & multis odio sunt leges, quas sublatas cuperent; quòd iniectis vinculis coherceant viuendi petulantiam: minimeque quemque suo sinant arbitrato viuere: sed metas addant actionibus, quas vel pramiorum exhortatione; vel pœnarum metu dirigunt & gubernant. Et quidem dolendum est tantam esse inordinationem, tantum licentiæ desiderium in illorum animis; qui alijs interdum, splendoribus fortunisque & potentiæ ostentatione antecellunt. Quid enim quæso magnatum soboles ad se leges pertinere? imò, quo se vinculo potentes ipsi ad pietatem virtutesque astringi cogiue posse duxerint? qua iuuat, inquit ille,

Reges



## NVNCVPATORIA.

Reges eant. Cùm ergo Præceptorum vim languere videas in multorum hominum pectoribus: cumq; nihil penè commoueri admonitionibus præ se magnates ferant: equidem conandum est Exemplorum formis ac sapiente quadam eorum usurpatione; aliquam saltem virtutis admirationem excitare in quorundam animis: qui si nullo alio moueri se permittant ad officia; saltem maiorum, propinquorumque aut aliorum denique bonorum hominum exempla intuentes; humanitatem sibi ac pietatis studium persuaderi sinant. Nec enim negari potest multis esse hanc in vitæ actionibus proteruiam: ut cum præcepta magnis etiam fastidijs reijciant; si quid ad aliquem inclinent subinde tamen humanitatis cultum, equidem non istuc præceptorum vi autoritateue: sed exemplorum atq; imitationis relligione motos perductosque sese esse, gloriandum inter suos sibi nonnunquam esse putent.

Hoc consilio vniuersa Poësis ab initio scholis introducta est. Nam cum in ea non Præcepta tantum, quæ præclare honesteque viuendi normam continent: sed & Exempla, plurimaque sanè illa & illustria quæ ad vtramq; hanc, & publicam omninò & priuatam vitam pertinere dixeris, expressa sint: iudicauit sapiens antiquitas, Tragediarum, Comicarumque & id genus aliorum poëtarum lectionibus à primis statim annis iuuentutem assuefaciendam esse: ut ab ipso vitæ protinus exordio non tantum præcepta discerent: sed & viuas quasdam præceptorum formas intuerentur in exemplis: quibus vel ob virtutem gloria; vel ob scelerum licentiam, tristior quidam vitæ exitus, aut insignis aliqua fortasse variatio fortunæ præter opinionem accidisset. Perceptam enim ac comprehensam in prima puerorum ætate harum rerum fortunæque memoriam ita postea obuersari cogitationibus: ut non tantum lætioris euentus ostentatione modestiores flectat ad officia: verum etiam



## E. P I S T O L A

tristissimarum calamitatum speculo, & horribili improbitatis exitu vniuersam ætatem à maleficio deterreat: pœnaque grauior conspecta etiam in alijs; documentum sanè præstet omnibus, & sentiendi rectius; & moderatius in posterum quiduis consuetandi. Narrari vulgò solet, fuisse cuidam aliquando filium supra modum mensuramque deditum potationibus. Huic cum oratione monitisque, mœstus pater Sobrietatem persuadere nequiuisset: repertum fortè fortuna quendam ex compotoribus; qui similem vitæ licentiam publico familiæ opprobrio sectabatur, quique recens conuiujs ac ganea digressus, cœno atq; suggrundijs, spectaculo ob Ebrietatem fœdo inurbanoque volutaretur: talem, inquam, hunc cum pater Coruum asotumque etiam aspiceret: ei que sues quosdam urbanos cerneret alludere; & ora circum ferri; vt egestam vomitu spurcitiem colligerent: adducto filio demonstrauisse dicitur: simulq; interrogasse, Ecquid id exemplum obedientiæ, moderationisq; & temperantiæ placeret in vicini filio: cui tu, inquit, aliquot iam annis crapula ac compotandi studijs egregiè assueuisti? Hic attonitum perculsumque primùm quidem obstupuisse: mox indignam hanc maioribus ac familia agnoscere detestarique turpitudinem: & nunc quidem petere se, vt erratis vitæque licentiæ ignoscat pater: daturum operam, vt maiore in posterum cura mandatis pareat; morumque rectitudine frustratam toties suorum expectationem farciat & compenset. Delectatum responso patrem optauisse salutem filio: istumque etiam immundum iussisse ob familiæ reuerentiam moueri loco; eamq; ceu publicam infamiam priuata cura tegi. Hanc narrationem recito: vt constet plurimam exemplis cum tempestiuè prudenterque accommodantur actionibus, inesse & virtutem profectò & efficaciam ad permouēdos eorum animos, qui se orationibus ac præceptis haud ita magnoperè sinunt



## NVNCVPATORIA.

nunt ad officij dignitatem permoueri. In multorum enim id plerunq; ingenijs accidere: vt quantò magis verborum acerbitate pugnes affligasque; tantò minus etiam promoueas: eorum instar ferocientium; quos si impensius vel loco vrg eas; vel freno subigas; vel alia denique vi manùue concites & premas: tantum abest certè; vt arbitrio, quo velis, moueris: vt vel in rabiem citiùs, vel in præcipitium agere illos atq; impellere posse videre. At verò si quid fortassè blandiùs tractare libeat: alterumque & item alterum, quo cursus sit, præmittere: iam non labore tantum minimo hunc refractarium adduxeris: sed & sponte obsequentem videas, & quo velis deinde loco sistere; vltroque imperata facientem vel leui tantum virgæ umbra incitare ac gubernare planè possis. Nec id eò pertinet: vt liberalia vitæ instituta & necessariam honestè disciplinæ rationem calumniari quisquam audeat: sed præceptorum vim in vsus duci; viuamq; reddi postulo: Vt quanta præceptis inest pietas atque occasio ad contemplantum: tantam Exemplis inesse putes efficaciam industriamque & dexteritatem ad persuadendam morum vitæque totius curam atque emendationem. Non procliue est fortassè dicere: plùsne virium præceptis ad mouendos auditorum animos: an verò Exemplis, reuerentiæ ac facilitatis insit ad mutandas trahendasq; voluntates: nisi quòd id omnibus semper sapientibus sit visum: valde equidem culpandos esse illos, qui præceptis nihil sese permoueri ad virtutes sinant: cum maximam interea sint isti laudem consecuti: quibus cum minimè perspecta esset præceptorum ratio; sola tamen bonorum imitatione officia complexi sint: viuisque ducibus peruenerint ad eam, quæ ex virtutum actionibus plerunque nascitur & gloriæ & dignitatis existimationem. Cum Socrates philosophia se instructum esse retulit, ad Continentiam: equidem studijs doctrinarum & præceptis,

egre-



## EPISTOLA

egregiam omninò commendationem statuit: vt qui, quid in animis disciplinam admittentibus, placidisque & moderatis hominum ingenijs expediri sanè ac perfici philosophia possit; haud obscure ostenderit ac significarit. At verò quid naturas efferasq; & immansuetiores istas redigat ad quendam humanitatis ac virtutis modū; eo certè responso non ita plenè etiam ac manifestè attigit. Etsi enim honestis præceptis deferenda per se esset Fides, etiamsi rerum aliarum non accederent adminicula, quibus permota mens acquiescendum sibi præceptis & concedendum esse duceret: cum authoritas præcipientis, & salus ipsa; quam disciplinæ & mandatorum finem esse statuas: meritò sic animos affecerit: vt ab ijs quæ sapiēter sunt & vtiliter ostensa singulis; nequaquam quisquam aut peruicaciter recedere; aut per iniuriam sponte declinare velit: Tamen nescio quo pacto id profectò etiam eueniat; vt minus præcepta valeant aduersus improbos: ni tanquam ex alio rerum ordine probationem sibi quandam adferant philosophi: monstrentque exemplorum formis id, quod præceptis postulant; vel laudem certè obtemperantibus: vel contemptoribus istis horribiles interdum pœnas, & formidandas vitæ exitu calamitates attulisse. Ita non præceptis tantùm, quod maximè conduxerit in vita haurias: Sed exempla consideranda sunt: & quibus in rebus quoque actionum gradu illa eminere perspicis; in huiusmodi quidem vel tuis certè, vel aliorum necessitatibus, habenda vsurpandaque atque accommodanda esse putes. In eam rem plurima habere cognita, est vtilissimum. Ita enim quoscunque tibi obiecerit fortuna impetus, exceperis ad victoriam: cum ita tete compares, vt qua illam aliquando ratione vicerunt alij: & tu vincendam profligandamq; tibi esse existimaris.

Scio plurimam subinde his difficultatem obijci, qui præ-  
sunt



## NVNCVPATORIA.

sunt in imperijs : cum tamen crebra variaque præcepta hac de re deque gubernandi diligentia & arte; splendide venusteque picta ac coaceruata extent in scriptoribus; qui hanc sibi rem vel græcis, vel latinis literis tractandam explicandamque desumere ac vendicare. Horum hominum qui istis præceptorum traditionibus egregiè succincteque & accuratè philosophati sunt, vt laudandam profectò industriam esse censeo : Ita si Reges, principesque pariter omnes alij in vnus Dauidis coniuncta cum virtutibus exempla factaq; humanitatis eius diligenter etiam aspicerent, equidem ex eo solo plus omninò caperēt industriæ virtutisque ad beatè imperandum : quàm ex reliquis multorum scriptis, & quidem multis interea parasangis Idearum redundantibus, consequuturi essent ad felicitatem. Paulus Romanis ostensurus, Iustitiam non ex operibus; sed ex fide quæ in Christum Mediatorem est, contingere : etsi vijs, testimonijsq; ac rationibus scripturæ plurimis ad eam sibi rem perficiendam vtitur : tandem tamen & Abraham exemplum in medium adducit : in quod non gentes tantum, sed & Iudæos suos intueri iubet, ita; vt omnem contradictionis suæ vim ad hunc basanum exigant, tanquamq; illato lumine in illud sese iustitiæ ac pietatis speculum remotis præstigijs ac Ceremoniarum persuasionibus, placidè, sobrieque & accuratè considerent ac contemplantur. Cum enim tantum esset Abraham nomen; tantaq; inter omnes populos existimatio : quàm & illum haberent Iudæi patrem; & in ipsius semine se benedictionem consequuturas audirent gentes omnes : Scirent autem familiariter vsum esse Deo; pignusque gratiæ cœlestis accepisse illum Circumcisionem : equidem salutis adipiscendæ rationem Paulus inter mortales constare posse iudicauit; si quo pacto iustus Deoque acceptus sit pronuntiatus Abraham, concinna quadam minimeq; perplexa inter mortales ratione omninò cognosceretur.

\*\*



## EPISTOLA

In medium igitur se exemplum hoc adducere explicareque  
ut pulcerrimum dijudicandæ constituendæque salutis ac iu-  
stitiæ argumentum: eoq; ita se confidere; ut quamvis primas  
deferat scripturæ testimonijs: ex hoc tamen minimè reformi-  
dauit præcipuam omninò ceu demonstrationem ducere;  
quam vel zelo Iudæorum, vel gentium disputationibus obij-  
ceret: eoque lumine ostenderet cæterorum tenebras: qui se vel  
patrijs omninò ritibus, vel alijs nescio quibus operum persua-  
sionibus Iustitiam consequuturos esse arbitrarentur. Ita in re  
omnium maxima, quantum momenti collocatum erat ad vi-  
ctoriam in euidente tempestiuâque Exemplorum accommo-  
datione, ea quidem ratione ostensum perfectumq; esse vides.

At verò si à magnis disputationibus ad priuatam cuiusq; vi-  
tam transferas orationem: exploratū certè est plurimum emo-  
lumentum inde singulis; ut tranquillam moderatamque & san-  
ctam vitam transigant, existere: si se ad eximij mansuetique &  
prudētis alicuius imitationem comparent: quodque in præ-  
stante ac præclaro aliquo ob virtutem commendatum esse au-  
diunt; in eo vera solidaque ratione elaborandum ac conniten-  
dum sibi esse putent. Huius generis exēpla aliquot, quæ vtrun-  
que ordinem statumque hominum retulerint; prolixiore for-  
tassis, sed tamen grata commemoratione adducerem in medi-  
um: ut quibus incitari plurimū ac permoueri Iuuentus ad Vir-  
tutem posset: nisi vobis & esse nota plurima; & ab eruditiori-  
bus in omni doctrinæ atque artium peruestigatione illa ipsa &  
colligi putarem, & vsibus accommodari scirem. Sæpè autem  
iniurijs nostris sumus; dum sic miramur aliena, ut sordeant do-  
mestica: cumque exemplis vtendum sit; equidem externis po-  
tius quàm nostris vel deferimus assensum vel vindicamus au-  
thoritatem. Id cur sit, disputare nolo in præsentiarum.

*Interea*

~~Enimvero~~ referre hoc in loco multa possem, idq; ex ijs etiam  
præci-



## NVNCVPATORIA.

præcipua: qui cum vitæ cursum iam pridem absoluissent; equidem gratam nominis memoriam clarissimis Ingenij monumentis transmiserunt ad posteritatem. Cui enim Lutheri fortitudo Spiritusque in negotio Euangelico: cui verecundia in moribus domesticis? Cui Philippi Melanthonis solertia, doctrina ac virtus incomparabilis? Cui Simonis Grynæi mundities, excellensque Eruditio? Ita enim à Magnifico ac Nobilissimo S. Regij Palatij in regno Daniæ Magistro, Petro Oxe (quem ego virum honoris causa nomino) interdum commendari solet: quod is Grynæo, ut nos Melanthonem, familiariter sit & amico certè & præceptore Basileę vsus. Cui Forsteri Moderatio; Iohannis Bugēhagij feruor in labore ac ministerio doctrinę Euangelicę? Cui Crucigeri Ionæque solertia? aut cui deniq; non enim cum externos refero; prætereundi sunt domestici: Cui, inquā, vel Palladij nostri cura multiplex pro asserenda de Christo veritate? Synningij labor, humanitasque & infucata bonitas? Paulini, qui recens obiit Roskildię; placiditas dexteritasque; vel in vitæ conuersatione; vel in Ministerij vsu; quod magna animi tranquillitate, sine turbis, insectationibus aut confusione inciuii atque inhumana aliorum, exercuit, adhibuit, perfecit: Horum, inquā: ex multis enim quos noui præstantissimos, in hoc quidem ordine non nisi paucos refero: Virtus, doctrinæque & diligentię fructus cui quæso ignotus, cui incompertus est? Sanè amplissima multoque instructissima sunt hæc ad omnem admonitionem argumenta: quibus non illi tantum qui hoc in vitæ genere vocationis suæ cursum expleant; doceri permoueri que sese sinant ad imitationem: ne quid obrepere, allubescereque sibi fortasse velint: quod vel cum vitæ innocentia, vel vera Christianaque charitate, vel ipso denique cum officij vsu dignitatēque vocationis publicæ vlllo omnino modo dissidere videatur: sed omnibus certè hominum ordinibus persuase-



# EPISTOLA

rint: vt quocunque Statu vitam tranfigant; equidem id quod laudem affecutum est in alijs; tum approbandum complectendumque: tum vitę actionibus colendum ac consecrandum sibi esse putent. Nec eo tantum gradu consistendum menti est. Intueatur etiam in Nobiles, Agricolas, Ciues: eque horum numero & eos deligat, quos ob virtutem ac humanitatis cultum vel admirari ipsa velit: vel commendandos alijs existimet; vt optima pulcerrimęque actionis vitę exemplaria: quibus præceptorum ratio vel natura expressa, vel vsu doctrinę; aut exercitationis diligentia atque assiduitate egregiè comparata est. Non enim in hisce hominum ordinibus exēpla desunt ad virtutis commēdationem: cum nec Cyclopes putare omnes Nobiles; nec inurbanos omnes rusticos; nec omnes ciues aut prorsus inhumanos, aut parum iustos benignosue tete arbitrari debeat: cum contra potius & multam ijs quos verè dicas Nobiles, inesse virtutum ac humanitatis lucem: & hisce vitę elegantiam interdum aliquā attribui omnino posse, statuas: cum Agricolarum gradus eò fortuna vectus aliquando sit: vt & Romanis Dictatores; & Polonis Reges, & magnos alibi seu Duces gentibus, seu Nationum principes illustri generis successionē dederit, extulerit, approbarit. Nec suffundi hīc pudore quemquam etiam necesse est: cum constet Sapientibus in eo decus esse collocatum maximum: si primus Nomen inferas familię: quę si obscura suo quidem gradu constitisset hactenus; per te adepta claritudinem & summis forsitan annumeretur postea: & te honoris parti fontem virumque generis familięque principem agnoscat, fateatur & celebret. In Ciuibus id ita Deo prouidente actum est; vt & ex eo interdum ordine conditioneq; hominum ad summas dignitates euecti quidam sint: qui cum inferiore aliquando consēdissent loco; equidem honores vitę huius & amplissimos, & hactenus omnino etiam durabiles ob  
claram



## N V N C V P A T O R I A .

claram gratamque omnibus hominibus, virtutum ac bonitatis opinionem, magno posteritatis plausu consequuti sunt. Ad Nobiles quod attinet, iam pridem notum est in omni penè gente multos se maiorum titulis efferre venditareque: qui tametsi à maiorum moribus vestigijsq; longiùs exorbitant; Nobilitatis tamen se hæredes gerunt: in eo collocatum Nobilitatis ius possessionemq; existimantes; si Imaginum splendoribus, titulorum vsurpatione & inani venditatione libertatis immanem quandam extollendi se cupiditatem spirent: aliorumque cum iniuria eam tueantur dignitatis persuasionem, quam partam à Maioribus, nō iam virtutis vsu ac humanitatis bono; sed thrasonica acerbitatis omniumq; vitiorum ostentatione aut retinendam certè aut defendendam sibi esse putent. Hanc in multis ataxian ac spiritus immanis labem veri solidiq; Nobiles deplorent; & in suis moderationem suadent. Interea negari nequit inter tribulos sentesque hos asperrimos egregia interdum multa virtutis, pietatisque ac humanitatis semina succrescere; præstantesq; subinde quosdam florere Nobiles: quibus non vitæ tantum priuatæ ratio; sed & publici boni studium omnem animis & curam subijcit, & sollicitudinem accendit; vt & patroni velint esse literarum: & actionum honestarum dignitatem omnibus priuati lucri neruis anteponendam esse putent. Etsi fortasse rarum id in tanta vel licentia vel impunitatis spe censerì poterit: verum nihilominus id esse testari eos putes posse maximè: quibus varij populorum mores statusque atq; officiorum ratio ita explorata est; vt quid in his præcipui verique ac prædicandi sit, sine iudicij censuræque malignitate affirmare omninò possunt. Nec nunc externa persequor. Minus enim quòd comperta sint, agitari temerè non decet: nota quidem suis; & ex eo bonitatis laudem consequuta: quòd quæ præclara magnificaque sint: quæq; honorem nobilitati cumu-

\* \* 3



## EPISTOLA

lent, officiorum liberalitatisque ac virtutum usu; omnia sibi & consecranda & studiosè retinenda esse putent. In nostris tanta erat Magni Goije, Regij Palatij in regno Daniæ, Magistri: Erici Banneri de Asdal, Marschalci: Olai Rosenkrantzij de Vallöf, Consiliarij Regij ac Senatoris regni; quorundamque aliorum, tanta, inquam, erat ob virtutem fama atque existimatio: ut illis quidem viris nihil maius nihilque melius vixisse multi nunc testari soleant; ad asserendam eam quæ vel publicè prodesset omnibus; vel singulis ordinibus cum dignitate retineri posset, utilitatem. Hoc studio, quo qui autoritate superant; ex æquo omnibus consulere providereque cupiunt; nec certè quicquam datur excellentius mortalibus: nec maius adfert ad memoriam ac gratam nominis famæque; claritudinem, emolumentum. Priuatis ita rebus formam ponere, ne quid vacillet penitus: privati certè lucri priuatæque; existimationis est. At publici patronum boni; publicæque re utilitatis assertorem dici haberi que; ut cœlitus donatum istud quidem statuas: ita veros vitæ actionum fructus honesto quodam gratoque populi consensu aut peperisse omninò tibi aut confirmasse putes. Sed ista hoc in loco relinquenda sunt.

Ab hisce enim gradibus subsellijsque subditorum ad Maiestatis sedem Imperiorumque fastigia respiciendum est. Nam & istic quosdam à Deo collocatos vitæ suæ cursum ita transmisisse comperies: ut in illis & fortunā cum virtutibus; & has item cum fortuna, mirabili humanitatis solertiæque nexu conspirauisse omninò fatearis. Etsi autem multa insunt varijs, quæ commendari poterant: non tamen omnia sub conspectum proferam: sed paucorum tantum faciam Heroum mentionem: & ea potissimum narrando persequar: quæ liberalitatem erga studia bonarum artium: pietatem erga Deum; Humanitatis ac beneuolentiæ testimonia in singulis referre explicareque; posse videntur.



## NVNCVPATORIA.

antur. Harum enim virtutum hoc quidem præsertim tempore,  
& necessaria est, & cum primis admiranda commendatio.

Itaq; primùm intuerè q̄so in vniuersam Caroli Magni, optimi viri & inter varias ærumnas Imperatoris felicissimi historiã: equidẽ præter ea quę ad publicam regnorum orbis Christiani gubernationem & tranquillitatẽ pertinere dixeris; eximiã profectò priuatę vitę rationem deprehendes: in quam non summi tantum Monarchę, sed & omnes homines respiciendum sibi ac meritò considerandum esse putent. Eius enim ad omnes homines beneuolentia; pietas ac publica religionis obseruatio ad Deum: Liberalitas in Scholas & egenos bonarum artium studiosos: facilitas in conuersatione: moderatio in victu: cura in educandis ad pietatem liberis: immensum quoddam dilatandi confirmandiq̃ue Christianismi studium & cupiditas: Templorum condendorum & augendi redditus solertia: Bonitas & Clementia erga peregrinos: sollicitudo ad iuuandũ prouidendumq̃; afflictis Christianis, qui vltra maria, in Asia atq; Aphrica miserijs suis & inopia conflictabantur: Deniq; studium pacis cum omnibus Regibus; & cum suis honesta dignaq̃ue Imperatore conuersatio; à nullo hominũ nec æstimari satis, nec satis commendari potest. Eius rei summa luculentaq̃ue testimonia; in Vrsbergensẽ studiosi legant. Multa quidem & magnifica erant superiorum Cæsarum facinora: vt Iulij, Augusti, Traiani, Hadriani, Antoninorum, Constantini, Theodosij, Iustiniani: sed huc plerunque successu ac victorijs spectare; vt vel huiusmodi incrementis esset felicior Respublica: vel ipsi nomen sibi ac dignitatem in humano genere præcipuam, bellorum euentuumq̃ue prosperitate comparasse viderentur. Qui verò belli, certaminum ac trophæorum finem poneret, Ecclesiarum constitutionem; & Ministerij Euangelici vsum cum egregia orbis Christiani pace, atq; incolumitate populorũ, qui doctrinam Euangelij



## EPISTOLA

gelij de Christo, acciperent ac complecterentur: & rarissimus profectò semper quisq; fuit: & si quæ fortassè aliquando essent; i  
equidem alijs implicati, haud paucis certè gradibus infra Caroli fortunam constiterunt: in eo etiam hallucinati interdum maximè; quòd pietatem sibi non ex vera pietate finxerint: quòdque vtiliter in multis egissè videri poterant; deprehensa tandem veritate, quæ multos latuit, compertum est veræ religionis maximo dispendio, & ab ipsis actum, & à posteritate approbatum esse. At Carolum Magnum, quod ad publicam orbis Christiani commoditatem, dilatandæque de Christo Doctrinæ ardorem ac contentionem pertinet; omne tulisse punctum, omnesque numeros adimpleuisse censeo. Si quid cæcutit ille interdum etiam ac labitur: ceu id negari nequeat: equidem istius seculi moribus in istam superstitionis larvam attractum esse dixeris: à qua Mediatoris Christi Gratia assertum liberatumque esse puto. Laudo factum, quo Doctrinæ Evangelicæ professionem Augustiorem reddidit: dum delecta ex historijs ac scriptoribus Evangelicis membra certa certis diebus Dominicis accommodabat: vt conformitas in Doctrinæ vsu ac professione Evangelij per orbem Christianum aduersus Gentium ac Hæreticorum fannas calumniâsque conspiceretur. De reliquijs, vt vocant, quas vel ex Græcia vel aliunde transtulit ac comportauit; alio in loco à nobis copiosè disputatum est. Post Carolum Magnū successit Ludouicus: qui etsi pietatis cognomen adeptus est: statim tamen suas calamitates Respublica Christiana sentijt, auctis superstitionibus; & paulò post orta inter alios contentione de Regnorum ac dominationis vsurpatione: quo nomine orbi Christiano labes multa multumque detrimenti inuectum est. de qua re frequentem Historiæ mentionem faciunt. Etsi autem hanc diu humanitatis ac beneuolentiæ laudem, multi Galliarum Reges tanquam domestica posses-



## N V N C V P A T O R I A .

possessione retinuerint: & nota recens sit Francisci I. summa liberalitas & cura ad promouenda literarum & artium humanitatis studia: Nihilominus tamen & alios quosdam in reliquis etiam gentib' interdum Deus excitauit: qui legum, pietatis ac disciplinæ assertores essent: quiq; salutem patriæ ac subditorum intelligerent: & eò demùm consilia sua conferrent destinarentq; omnia: vt & præclara essent præmia virtutibus: & rerum optimarum vsus tam esset cum iucunditate solidus: quam vera cum vtilitate existeret & maximus & planè diuturnus. Eius generis Reges erant præstâtes illi in Anglia Henrici: Quintus, Sextus, Septimus & Octauus. Edouardi, Tertius, Quartus, & Sextus, qui recens sublatus vniuerso orbi iacturam & dolorem maximum reliquit: quem tamen cum Sororis, Elizabethæ minuât & virtus & felicitas: equidem non tam ille ad Superos hinc euasisse: quàm heroico quodam & diuino fato hæc salutem regno patrio attulisse omninò videatur. Certè cum Imperium illa ex dignitate administret; equidem dubium non est & cœlitus excitatam esse: & Deo propitio omninò gubernare. Iis autem qui Deum verè colunt; tutorem se & patrem Deus ab initio semper declarauit. Constat & Alphonso Arragonum & Siciliæ regi honestam fuisse voluntatem ad promouendas literas: quod non vsu tantùm, atque exercitatione doctrinarum; sed impensis maximis & insigni erga studiosos bonarumq; literarum professores tum beneuolentia tum liberalitate ostendit ac comprobauit. Mortuus est ante annos aliquot Poloniae Rex Sigismundus. Huic, cum vir & bonus, & princeps summus esset: equidem ad fortitudinem, benignitatemq; animi & liberalitatem nihil planè defuit; quod quis in tali Rege magnoperè desiderare posse videretur. Res magnas & præclaras obiit pro patria; motisq; bellis victor semper pacem retulit: in hoc etiam omninò fortunatus; quòd nec frustrà ab hostibus vn-

\* \* \*



## EPISTOLA

quam prouocatus sit; & Victorias insigni pietatis ac liberalitatis declaratione amplificauerit ac decorarit. Nec prætereunda hoc in loco est, Gostauri Regis Sueonum amplissima voluntas ad promouenda liberalium artium studia; & patrij regni aduersus quoscunque hostes asserendam & conseruandam dignitatem: cui rei cum verè destinatus esset: equidem tanta animi fortitudine vtrumque & prudentia sustinuit: vt meritò profectò dubitare possis; maiorne dando ille fuerit; an liberalior imperando: adeò temperatura quadam inter se, & gubernandi ratio, & studiorum promouendorum amor; in illo Rege consensisse existimantur. Multi eius viri munificentiam experti sunt: & regnum ipsum pacis artibus excelluit: cumque bellorum difficultates nosset; haud temerè quietem perturbandam censuit: in hoc maximè etiam intentus, vt & bonos quosque ac cumprimis eruditos ornaret præmijs; & scelerum authoribus, nec licentiam tribueret; nec securitatem impertiretur: de quibus quidem Regis maximi virtutibus à nobis alio in loco dictum est.

Vt enim ad nostra veniamus; externa hæc fortassè relinquenda sunt; de quibus, quod præsentem quidem ad locum attinget; memoriæ tantum causa, & veluti floribus quibusdam interspersis ista erant breuiter commemoranda. Itaque ne quid Haraldus, Suenones, Valdemarus, Canutus; quorum omnium honesta est & grata nominis in multis gentibus memoria: ne quid vetustiores, inquam, istos Danię Reges referam: equidem posteriorum, vt Christiernorum, Iohannis, Fridricorumq; fama est conspectior ob Virtutis, fidei ac veræ pietatis laudem: de quibus etsi parcius mihi nunc dicendum sit: Christiani Tertij nomen tamen & Virtutū, quibus non domesticis tantum suis; sed & multis Europæ gentib<sup>9</sup> innotuit; commemorationē breuiter complectar: vt & hoc in loco tanti principis memoria,

ccu



## NUNCUPATORIA.

ceu publicum virtutis, pietatisq; ac humanitatis eius testimo-  
 nium, cum grata posteritatis recordatione atque imitandi de-  
 siderio conspiciatur. Huic enim Regi nihil ad officia, nihil ad  
 virtutis cultum; denique nihil ad omnem animi beneuolen-  
 tiam ac pietatis curam deerat. Et cum pacem quacunq; ratione  
 constitutam omnib<sup>9</sup> ex bello victorijs anteposuisse; equidem  
 ita pacis artes coluit: vt & charus omnibus externis; & suis sub-  
 editis cum primis admirandus complectendusq; esse videretur.  
 Erat in eo summa ad gerendum imperium industria: cōcilian-  
 disque beneuolentia ac morum suauitate hominibus à natura  
 ipsa factus putabatur. Supra enim formæ venustatem, qua, vt  
 sciunt multi; recens enim est mortuus; mirum in modum ex-  
 cellebat; inerat ei hæc, de qua nunc loquor, tacita naturæ vis ad  
 contrahendas ex virtute familiaritates: adeò vt cum illum &  
 sui suspicere; & externi amare ac reuereri sint visi; equidẽ Cli-  
 entela, affinitatibus ac foederum relligione præcipuam inter  
 Christianos principes Nobilitatem, egregia certè meritorum  
 ac fidei constantia deuinctam retinuerit; semperque & sibi, &  
 suis retinendam esse existimarit. Exemplo autem intra parietes  
 domesticos tali meherclè prælucebat: vt summo rectissimoque  
 ac planè Christiano morum vsu omnibus hominum statibus,  
 omnibusque ordinibus eum commendari posse putem. Si ni-  
 hil fortassè officiebat valetudini; equidem primis diei horis,  
 ipso statim mane, de lecto solitus est surgere: expeditaque, que  
 circa vestimentorum ac corporis ornandi curam erat, consue-  
 tudine; cum habitu ille simplici tantum, & nihil propemo-  
 dum luxuriante vteretur: ad preces sese contulit: in quibus  
 ardentè, magnisque & veris gemitibus coram Deo versatus  
 est. Ab illis digressus imperabat necessaria familiæ; protinus-  
 que accessit ad legendum: & si nihil negotiorum aliorum ma-  
 gnitudine impediabatur, magnam plerunque absumpsit tem-

\*\*\* 2



## EPISTOLA

poris antemeridiani partem sacris Biblijs ordine atque assidue perlegendis. Ita occupatum interturbare audebat nemo. Finita lectione quam voce clara expeditaq; semper absoluebat, fas erat singulis accedere: quæque cuiusque officij erant, diligenter exequi. Ipse progressus extra curiam, paululum ante prandium vacabat ambulationi; causasque miserorum cognoscebat: cumq; supplices libellos diligenter etiam colligeret; equidem & benignè respondendo; & postea iuste providendo, multorum expectationibus maturè satisfaciebat. Salus igitur hæc cuiq; prima visa est, si ipsum adijisset principem: quòd illo nullus esset ad iuuandum miseros propensior; & eorum querelas memoria arctissima custodiret: vt qui vehemente admodum desiderio expeteret afflictis, & quamcunq; necessitatem tolerantibus tempestiuè profectò ac magno consolationis bono opitulari. Post prandium eadem penè sunt repetita studia: nisi quòd tum quidem temporis interpretè aliquem scripturarum euoluere sit solitus. A quibus exercitijs ad interiores nonnunquam recreationes diuertebat: quo præter familiarè vnum aut certè alterū, neminem quidē induci secum passus est. Vel enim ipse aliquid interdum operis mechanici tractare gestijt: vel dirigendis æquandisq; Bombardis; quas ille affabrè politeq; concinnatas paratasq; è vestris artificibus habebat plurimas, delectabatur: Vel alijs astabat ipse spectator operantibus: & ijs quidē ante omnes maximè; qui vel Chimia distillationibusq; impura puris tollerent: vel auro fabricando præcipuā industriam ostendere omninò potuerūt. Iohanni verò Sibenio aurifabro, qui Automatis parandis summus erat artifex, & frequens aderat: & actionum formas suo consilio ac diligētia interdum auxit, interdum emendauit. Testatur hanc industriam venustum illud & cum primis admirandum Horologium: quod ipse fieri concinnariq; & ornari iussit impensis planè maximis: cui ne  
hoc



## N V N C V P A T O R I A .

hoc quidem æquandum esse statuas, quod à Persarum rege Carolo Magno Imperatori donatum missumq; esse referunt. Voluptas autem huic Regi erat penè maxima; in Bibliothecam, quam habebat instructissimam, frequenter ventitare: ibiq; assidere, ambulareq; & aliquandiu commorari. E librorum numero, efferre secum ipse interdum aliquem est solitus: interdum chartas tabulasque Geographicas manu sua pertulit in Cameram. Hisce enim exercebatur; & quidem æstivis temporibus à cœna maximè: quòd huiusmodi locorum limitumque descriptionibus mirificè oblectaretur; Stomachatus interdum etiam; quòd adolescens minus spacij, terrarumq; ac nationum cognoscendo perlustrauisset. Hæc studia admirabatur non tantum naturæ ingenijque præclara indole: sed cum doctrinas ex animo haberet charas: easque non magni tantum; sed & maximi omninò faceret: equidem eruditos omnes non tantum honesta voluntate complexus est: verumetiam ipse sibi in aula præstantes voluit atque egregiè doctos adesse plurimos: quorum vel consilio, vel colloquijs eruditis ac modesta suaviq; consuetudine delectatus; optimam sanè vitæ partem huiusmodi quidem voluptatibus transmittendam sibi esse existimavit. Etsi autem haud tenui eos numero censerì posse statuas, qui consilijs ac doctrina clari, ceu ad manus semper adfuere Christiano: tamen post admirandum illum atque incomparabilem Heroa, Virtutisq; omnis antistitem & patronum Iohannem Frysium, Cancellarium & Parastaten: post Petrum Oxede Gyslefeldt; & Corficium VVlfseldium; viros Consiliarios & Sapientes: præcipuos habebat secum, Paulum Nouiomagum, & Henricum à Bruchoffen Buschoducensem, Concionatores & Theologos: Bernhardum VVichboldum Groningensem; Iureconsultum: & Antonium ab Hanisck Misnensem, virum & virtutibus omninò cæteris præstantē, & animi constan-

\*\*\* 3



## EPISTOLA

tia ita gratum, vt cum cognitione literarum antecelleret, equidem ob exploratam hanc fidei morumque rectitudinem, Sigilli quod Secretum vocant, custodiam illi committendam esse, Rex ipse arbitratus est. Horum igitur quod viri boni, & præclare eruditi omnes essent; consuetudinem ac familiaritates, aulicis multorum ineptijs anteposuit: eosque sibi velut coniunctissimos à latere non discedere, nusquam penè abesse passus est. Eorum verò studijs cum is ad cognoscendam Doctrinarum liberalium præstantiam incitaretur: mirum profectò est, quanto ardore, quantaque animi promptitudine bonas interea literas complexus sit: idque huiusmodi omninò argumento maximè, quod Professores ipsos & summa sit humanitate profectus, & huiusmodi illos honoribus affecerit: qui non præsentem tantum aliquam testari beneuolentiam potuerint: sed liberali eorum sustentationi plurimum attulerint præsidij: dum alijs Canonicatus, alijs Decimas, quibusdam Vicariatus, ex alijs Ecclesiarum collegijs adijceret: vnde facta stipendiorum liberalior accessio, eximiam profectò alacritatem intulit docentibus: quorum diligentia & Scholæ dignitas, & nomen Discipulinis comparatum est; quæ tum quidem apud nos & depurgatæ sordibus, & manifesta vtilitatis ratione proponi atque explicari ceptæ sunt. Ventitabat in Scholam subinde non stipatus multis; ingressusque operam dedit publicè docentibus. Eo nomine & reuerentiam auxit in discipulis; & auctoritatem doctoribus conciliauit. Inuitatos interdum professores, suæque mensæ etiam admotos non excepit tantum & tractauit liberaliter; sed & de Scholæ statu rebusque necessarijs diligenter sciscitatus est. Hac regis bonitate iudicioque consultum est honoribus docentium in Academia, aduersus calumnias eorum qui persequuntur literas: quorumque in multis principum aulis copiosus subinde numerus est & prouentus singularis.

Cum



## N V N C V P A T O R I A .

Cum certamen aliquando esset Collegio Lundensi aduersus doctrinæ tum apud nos repurgatæ formam : seriùs enim eius Ecclesiæ Canonici mutationē rituum & superstitionis abolitionem suffragijs ac consensu suo approbauerunt : Ea verò de re futurum esset publicè Colloquium in Academia Hafniensi : cum Sententiarum collationem Lundenses minimè detrectauissent : quòd viris & doctrina præcipuis , & autoritate maximis in hunc etiam diem Collegium Lundense antecellat : ingressus Scholam est rex Christianus die constituto : quodq; mirum fortassè est , cum ingens frigus esset , & de crure altero , vt scimus , laboraret ; inter primos tamen adfuit ; asseditq; medijs in gradibus sine pompa atque ostentatione : E quo loco & iusta autoritate , & exhortatione placida totum colloquij actum ad optimum & salutarem Ecclesiæ finem perduxit ac gubernauit . Hæc res magnam ipsi cum pietatis laudem ; tum studij conatusque propagandi Euangelij de Christo , veram profectò & solidam existimationem attulit . Huiusmodi autem colloquio id perfectum est , Palladij , Machabæiq; & Sinningij studijs atq; industria præcipua : vt sententia Lundenses cederent : seque Ecclesijs nostris iunxerint , & assensum subscriptionibus manuq; sua haud inuiti confirmarint .

Sed orationem hisce quidem de rebus non faciam hoc in loco prolixiorē . Tota enim Regis huius vita pulcerrimis ac suauissimis morum exemplis ; ceu fonte quodam ad omnem Clementiæ , fortitudinis ac bonitatis admirationem vberissimo ditissimoque redundabat : ita , vt si in omnes actiones priuatæ vitæ ac conuersationis huius intueri libeat ; equidem & sanctissima vitæ instituta , & agendi iucundissimas omninò rationes comperies ac fateare . Conflatabatur subinde morbis : ijsq; & maximis profectò , & interdum etiam longissimis : à quibus tamen eluctatus est partim naturæ beneficio ; partim ope Medicorum



## EPISTOLA

corum qui apud hunc Regem summo semper loco & habiti sunt, & autoritate valuerunt. Inter eos tamen peritia ac mēdendi felicitate clarissimos noui Iohannem Pomerium, Anglum: Iacobum Bordingum, & Cornelium Amsfortium, Doctores: Paschatium verò, Iacobum Hasenbarthium, & Robertum Geilshemium Chirurgos: qui & viri erant boni, & artificio præstabant eccellente; aulamque secuti magno certè consilio magnisque deliberationibus hanc curam circa sanitatem Regis perfecerunt; donec circumacta mali istius vltima fatalique periodo, sanctam profectò & gloriosam inter suos vitam Coldingi Christianus finijt: qui Ottoniam postea translatus est: ibique amplissimæ Nobilitatis humeris elatus: & à me laudatus oratione publica Latina; astante Friderico filio, designato Rege: præsentibusque Holtzatæ Ducibus, fratribus; Atque Inclyto ipso regni Senatu iam tum pullato, communemq; patriæ atque Amplissimi ordinis dolorem luctumque testante, in Canutina Ottoniensium æde sarcophago includitur: quo loci Regiam, quæ alibi futura aliquando est, sepulturam expectat ac præstolatur.

Hanc narrationem de Optimo atque Humanissimo Rege extare hoc in loco volui: quam tibi, Inclyte Senatus; propterea placere posse cogito; quòd & ipse Virtutes colas ac magnificas: & in magnis illas Regibus Principibusque claras verasque & conspicuas existere; cum primis & admirandū certe; & nunquam non optandum esse putes. Sed hac de re orationem non extendimus in præsentiarum.

Proximus enim ab illo sancto & verè Christiano Rege, ad vestram Noribergensium rempublicam respectus est. In eam enim quoties intueor, vestræque Ciuitatis formam ad huius temporis mores, licentiamque ac vniuersalem penè omnis pudoris reuerentiæq; ac sobrietatis profligationem confero: etsi  
perfe-



## N V N C V P A T O R I A

perfectam illam, quæ in Ideaticis philosophorum disputatio-  
nibus tantoperè extollitur ac commendatur; Virtutum omni-  
um atque humanitatis formam, in nulla prorsus gente reperiri  
posse duxerim: tamè sicut in his mundi ac contrafacti penè thea-  
tri ruinis; esse possit humanitatis, fidei ac virtutū captus; equi-  
dem ita censeo, in nulla propemodùm societate hominū ma-  
iorem existere ad virtutes occasionē, quàm in Republica Nori-  
bergensium: qui qua ratione quantisque studiis pietatem pro-  
mouent; vniuerso orbi Christiano, vel fama cognitum, vel vsu  
ipso exploratum esse potest. Vtq; huius rei non alios nunc pro-  
ducam testes: Ipsa legum reuerentia, ac disciplinæ religiosa ob-  
seruatio; cum summa Christiana quæ animorum promptitu-  
dine atque affectione ad retinendam propagandam quæ Euan-  
gelij doctrinam de Christo; hanc iudicij nostri sententiam au-  
xerit ac confirmarit. Etsi enim Rempublicam vestram mihi  
hactenus non videre contigit: quòd alijs atque alijs impeditus  
perficere nequiverim profectioem; quæ animo meo erat ali-  
quando egregiè constituta: tamen cum eximij certè multi ac  
præstantes viri formam ordinem quæ & mores vestræ mihi Rei-  
publicæ depinxerint: equidem in eam sum sententiā adductus:  
vt vestræ urbis statum multis profectò, & ijs omninò ornatissi-  
mis Europæ Ciuitatibus anteponendum duxerim: suis quæ lau-  
dibus ac vera ob virtutem commendatione meritò extollen-  
dum. Non quòd ea quæ in alijs sunt, omnia culpanda esse pu-  
tem. Etenim ita sentire; vilis profectò, insulsi quæ atq; inexperti  
demum ingenij esset id indicium: quòd & in singulis gentibus;  
& alijs in Ciuitatibus præclara sint & venustè referenda pluri-  
ma: quorum & ratio apprimè elegans est: & vsus ipse dignita-  
tem habet cum vera humanitate consentiētem & copulatam:  
sed quòd Noribergensium Reipublicæ id & donatum fato: &  
optimarum actionum vsurpatione ita confirmatum sit: vt quæ

\*\*\*\*



## EPISTOLA

rectè vereq; celebrari debeant & possint; nec maiora, nec plura  
 usquam gentium reperiantur. Superent alij quidem interdum  
 etiam in alijs. Et notum iam pridem est; quid in quaque gente  
 cum primis spectari laudariq; meruerit: At soli Noribergæ con-  
 tigit in omnibus excellere; quæcunque illa sibi vsurpanda ac  
 colenda esse statuit. Primùm enim quæ circa cultum Dei & ve-  
 ræ pietatis vsum exercenda erant, sanctè religioseque constitu-  
 ta sunt & obseruantur. Deinde cum Ciuitatem legibus atq; au-  
 thoritate administrent: equidem & dignitas spectatur in offi-  
 cijs: & sua singulis ita commendata est conditio: vt cum nullus  
 non ad publicam spectet vtilitatem Reipublicæ: omnes tamen  
 quæ propria sunt, perficiant: neque quisquam in toto illo repe-  
 ritur numero; qui calumnijs aut virulentæ pectoris clamori-  
 bus fraternam Ciuium concordiam aut appetere, aut pertur-  
 bare audet. Soli Magistratui in id voluntas omnis prominet; vt  
 rectè sese habeant omnia circa subditos. Hisce verò quo pacto  
 Ciuitatem patres administrent; nulla profectò inquirendi so-  
 licitudo est: vt qui iudicio, legibus, ac voluntati maiorum suo-  
 rum penitus acquiescant. Interea summa est humanitatis cura;  
 certantque Ciues inter se beneficentia; non tantùm quòd se-  
 metipsos complectantur mutuis officijs: sed quòd egregia quo-  
 que ac paratissima vtantur erga hospites & peregrinos liberali-  
 tate: adeò vt cum in multis alijs plerunque omnes superent: e-  
 quidem præclaram sibi etiam ex hac re singuli studeant existi-  
 mationem comparare. Huic facilitati ac egregijs animorū stu-  
 dijs conferunt diuitiæ; quæ quidem abundantes sunt in hac re-  
 publica: eò etiam fortasse cumulatiores, quòd parandis facul-  
 tatibus industria ac promptitudine maxima, Ciuitas antecel-  
 lat. Itaque sic abundant omnes opibus: vt non tam iucunda ea-  
 rum sit possessio, quàm honestus putatur vsus ad omnem Rei-  
 publicæ & quærendam, & conseruandam dignitatem. Et qui-  
 dem



## NVNCVPATORIA.

dem Ministerio Euangelij; quod ad Salaria ministrorum; Scholas & pauperum curam attinet, rectè prospectum esse comperi.

Vtinam verò idem de cunctis Christiani orbis regibus, principibusq; ac Rebus publicis liceret verè dicere: equidem & doctiores essent in multis gentibus ministri Euangelij: & maius sanè existeret præsidium Ecclesiæ aduersus barbariem, & prophanas multarum rerum opiniones, quæ latè pullulant; magisque ac magis indies confirmantur. Quin verò proprium suum & præcipuum finem tum demùm caperent diuitiæ, si honestiore interdum atque vberiore portione deputarentur sustentationi eorum qui publico doctrinæ ministerio salutem hominibus iuxta voluntatem Dei suo quisque loco annunciarent. At quali hîc se quidam iudicio, qualique manu produnt: quamquam referri minimè necesse sit: tamen ingemiscere liceat ac deplorare, tanta vel stoliditate, vel avaritia, vel feritate quorundam occupari animos: vt cum de suo ipsi nihil cõferant ad Ministerij vsus & sustentationem ministrorum: equidem id quod aliquando collatum est ab alijs, nimis accuratè rapiunt, occupantque ac interuertunt: prætextuque nescio quo demùm speciosè constituto transferunt ad se; quod ad se tamen in vniuersum, hoc præsertim vîu, nequaquam pertinere existimarent. Interea quanta multi inopia, quantaque miseria confluantur præcones Euangelij; & illos, quibus res nota est, iudicare volo: & experiri cuperem istos; qui dummodò portio illis sua quoque è pane Christi decidatur; inuolandi potestatem faciunt: nihilque ea in re gestum esse clamitant; quod non iure, non legibus & sacra principum authoritate geri posse videatur. Sed querelæ manifestæ sunt; illasque hunc in locum inferi minimè necesse est. Id equidem audacter dixerim; Aurum hoc, quod ea via, eoq; artificio colligitur; plerunq; Tolosanum esse: & mansuram perpetuò regulam, Vt qui spoliās, quoniam spoliaberis.

\*\*\*\*\* 2



## EPISTOLA

Qui verò Ecclesiarum bona ita ad se aliquando reduci voluerunt: ut & desinerent illa impietatis ac superstitionum nervi esse: & ipsi demum principes, Rerumue publicarum praesides patroni eorum ac dispensatores potius, quam possessores essent: ut è quibus postea publico Evangelij ministerio, Scholis, Ecclesijs & diversorum pauperum necessitatibus prospicerent ac prouideret: eorum sane cum alijs nequaquam pari lance est adaequanda ratio. Haec enim ad Magistratum cura pertinet; non tantum armis partaq; pace tranquilla praestare Ecclesijs Hospitia: sed solertem se & minimè formidolosum impietatis profligatorem atq; euersorem exhibere: ut qui nullo modo, nulla ratione, nulla denique lucri aut compendiorum spe committat publicam sub se prophanitatem atq; blasphemiam in filium Dei, vnicum humani generis redemptorem, impunè frequentari: sed quodcunque fuerit impietatis genus; tollendum sibi id & propere subuertendum esse putet. Qui igitur huic prophanitati eximunt Ecclesiarum facultates; ut veris vsibus accommodent: rectè egisse illos, & commendatione dignos esse existimandum est. In multis autem locis probè id actum esse constat. In Ciuitatibus plerisq; res illa egregiè vtiliterque perfecta est. Quod ad Regna attinet: equidem Anglicarum Ecclesiarum audio statum vehementer commendari. Sicut enim pulcherrima virgo illa & Regina optima iudicio, virtutibus ac Sapientia mortales multos superat & antecellit: ita in constituendis Ecclesijs; cum nihil non ad gloriam Dei, per quem verè regnat, decernendum sibi atq; ordinandum duceret: equidem cum istis (ut loquuntur) Ecclesiarum bonis; nisi quantum tutelæ, dispensationis ac piæ administrationis nomine cõueniat: minimum profectò agendum sibi esse censuit: in hoc etiam solerter prudens; ne cum Deo sustentante hæc amplissima possideat; mediocria etiam illa quæ diuinis iam pridem erant consecrata



## N V N C V P A T O R I A .

secrata vsibus, haud necessaria coronę ac regni indigentia ad se, priuatamq; vtendi libertatem traheret ac reuocaret. Ita sua manent Ecclesijs bona, ab vsibus semotis; qui propter impietatem non erant tolerandi.

De nostro verò hoc Danię regno id affirmare ausim; in nulla penè orbis Christiani parte rectius consultũ esse toti Ecclesię ministerio; siue scholasticorum fortasse victum; seu docentium salaria: siue pauperum curam, siue Pastorum verbi reditus, statumq; ac conditionem vera omninò ratione aspicias ac consideraris. Tanta sollicitudine, prudentia ac liberalitate hanc vocationis suę partem perficit optimus Rex, & Sapientissimus Deoque amabilis princeps Fridericus II; qui quanquam multas hætenus difficultates in Imperio expertus sit: ita tamen in his versatus est; vt & animi fortitudinem in cunctis asperitatibus egregiam prorsus & heroicam ostenderit: & actiones huc suas accommodarit omnes; vt solidam ex bello pacem quæret, pacisque fructum cum imperij dignitatem, tum liberalem Ecclesiarum constitutionem esse existimarit. Et quidem maxima beneficia non tantum ad Academiae Hafniensis incrementa ac statum; ( præter enim amplissima stipendiorum publicorum supplementa, quibus melior docentium est redditus conditio: equidem vno die sexaginta Thalerorum millia, annuis illorum fructibus; in pauperum studiosorum perpetuam sustentationem de suo contulit, ordinauit & sancijt. ) sed ad scholas etiam particulares, pastores verbi Dei omnes, cum pertinere omninò voluisset: dici profectò nequit, quantum eam ob rem confirmati sunt omnium animi, existimantium ita consultum esse studijs ac laboribus docentium: vt nisi fatali aliqua ob ingratitudinem insolentiamue calamitate afficiantur: equidem nec bonę literę ob raritatem profitentium; nec eruditi ob inopiam salariorumue tenuitatem, vllis Ecclesiarum ministerijs

\*\*\*\* 3



## E P I S T O L A

in hoc Daniæ regno sint vnquam defuturi. Quid alijs in locis fit, nunc non refero. res in conspectu posita est; & experientia ipsa monere quemq; potest. Sed longius fortasse prouehimur oratione. Vestræ igitur cum statum Reipublicæ interdum intuemur; non tantum ea quæ Ministerij publici sunt rectè ordinata esse ducimus: sed modestiam ministrorum & in docendo diligentiam cum primis extollimus atque admiramur. Non enim flabella hij sunt aut dissentionū tubæ: sed cum à nouarum scriptionum intempestiuis farraginib<sup>9</sup> egregiè manus temperant; tum in veteri ac repurgata doctrinæ forma persistentes; & maiorum suorum voluntatibus; & restitutæ per Lutherum Melanthonemq; sententiæ scripturarū, sine contentionibus & præstigijs placidè acquiescūt. Huius consilij ratio in utroq; ordine, vehementer commendanda est. Ad has autē Reipublicæ virtutes accedit præterea & cæterarū chorus: qui Iusticia duce, ac custode Sobrietate, vniuersam (quantum fieri in hac mortali vita queat) felicitatis formam atq; harmoniam perficit & absoluit.

Nunc igitur ad rei summam cum omnia mihi sint, Amplissime Senatus, referenda: faciliè intelligis, quid hoc demum instituto laboreque potissimum spectauerim; quod inclytam Noribergensium Rempublicam voluerim complecti hoc præfenti Carmine. In ea enim cum multa grataque omnis generis virtutum conspici ac vigere exempla audiam: Exemplis verò plurimum moueri sciam omnes homines ad imitationem: denique & id putem meritò censerī maximum; Esse, quàm videri bonum velle; sicut suauissimè de Amphiarao dixit Aeschilus: equidem ex hac Republica singularem quandam Virtutis imaginem volui in theatrum producere: in quam respicientes alij, suis quoque inferrent lucem actionibus: seq; ad honestam sanctamque virtutis atque officiorum exercitationem maturè conuerterent ac compararent. Non dubium autem

tem



## INVOCATORIA.

rem est, ingens hoc & singulare Dei donum esse: quod in Republica ac elegante illa vestra hominum societate, aliqua adhuc virtutum, humanitatis, Concordiæ atque utilium artium vestigia vsusq; conspiciantur: cum & Imperia mole sua ad ruinam tendant: & in illis ipsis quæ mediocri adhuc quorundam diligentia vel fulciuntur, vel promouentur; tanta insit occasio ad licentiam: nervusque disciplinæ omnis penè incisus sit: & multis denique in locis ita virtus labet; vt etiamsi nominis religiosa sit & honesta appellatio: rei tamen in angustum sint reductæ copiæ; idque adeò, vt dictis licet ac scriptis moderationem & constantiam plerunque omnes approbent: qui tamen opere quæ laudata sunt, perficiat; inter paucos certè rarissimum quemque omninò reperiri. Alios alia abducunt ad perniciem: & cum humani videri herclè multi velint, vel profusionibus luxuriant: vel alijs modis, tanquam affuso veneno actionibus, virtutum pulcritudinem abrumpunt. Hæc potestas tenebrarum est, & tyrannis Sathanæ; aduersus quam sub Christo principe est militandum Christianis. Cum ergo hoc certamen egregium constansque ac diuturnum Reipublicæ Noribergensium esse comperi: non tantum illam sum ex honesta aliorum narratione admiratus: sed laudandam esse censui hoc scripto: quod publicum meæ erga optimam ac pulcerrimam Rempublicam, affectionis, iudicii ac voluntatis testimonium extare cupio ad posteritatem. Multorum autem commendatione ad hoc officium pertractus sum. Nam & eius rei præclaram mentionem audiui sæpè fieri ab optimis viris in Germania, Philippo Melanthonæ, Ebero, Vito VVinshemio seniore Thucydideo; Sebastiano Theodorico VVinshemio Medico & Mathematico clarissimo, & alijs: qui vel bonas literas tunc temporis in Schola Vitebergensi profitebantur; vel discentium numero eas mecum sub præceptoribus doctissimis amplexi sunt & consecrati.

Postea



## EPISTOLA

Postea verò & hanc mihi auxerunt admirationem partim  
 Ciues vestri, qui nunc in hoc Daniæ regno, eximij profectò ac  
 præstantes artifices nobiscū resident ac commorantur: partim  
 Nobilitate summa clari: qui è nostratibus instituti apud vos,  
 gratissimi testes sunt Virtutis, humanitatis ac beneuolentiæ,  
 qua se interea dum absunt à patria longissimè, ita cōplexi sunt  
 optimi Reipublicæ Ciues: vt eius consuetudinis officiorumq;  
 nequaquam obliuisci velint. Et quidem frequenti hac com-  
 memoratione delectatur Iohannes Skougardius, vir & Nobili-  
 tatis dignitate, & Virtutis fama maximus: qui à primis annis in  
 illustri Noribergensium Republica educatus; ita virtutū actio-  
 nibus assueuit: vt à vobis rediens Cancellariæ regum Daniæ sit  
 è vestigio commendatus: ei que interim officio iam vacauerit  
 viginti annis ea solertia, eaq; animi ac curarum moderatione:  
 vt & plurimas omnino molestias pertulerit; & nunc Inclyto  
 Danorum regi, Friderico II. à secretis sit & à Consilijs, ea qui-  
 dem virtute ac morum admirabili suauitate præstans: vt cum  
 nusquam ferè à principis conspectu latereque ac consuetudine  
 discedat: equidem omnium negocia causasque ac necessitates  
 ad eum plerunque finem promouet: quo & ostensa eius huma-  
 nitas & fides; & miserorum indigentis authoritate ac conso-  
 lationis bono consultum esse, videatur. Huiusmodi discipulo-  
 rum progressu ac moderationis perceptæ declaratione est Rei-  
 publicæ Noribergensium reuera gratulandum: cui cum curæ  
 sit virtutum studia prouehere; non tantum ipsa hoc sibi pacto  
 nomen ac dignitatem summam peperit: sed & alijs habere di-  
 gnitatem dedit: vt quibus verum ad honores aditum exemplo,  
 diligentia atque humanitatis vsu persuasit ac confirmarit.  
 Quin & recens à vobis Georgius Ericius ille noster rediens, cui  
 nunc commissa est Ecclesiæ Stauangriensis cura in Nortuegia:  
 cum hoc me fortè fortuna agentem reperisset; dici meherclè  
 nequit,



# NVNCVPATORIA.

nequit, quantoperè adhortatus sit vt pergerem. Mirificè enim delectabatur instituto: Effeque Rempublicam Noribergensium ea & conditione, & virtutum omnium splendore; vt non posse tantùm eam; sed & debere commendari dixerit: sibi verò id ita vsu ac Ciuium beneuolentia compertum esse: vt in nullo collocari laborem rectiùs; in nullo præclariùs impendi eum aut exantlari posse ducat. Ita currentem me ille magisq; ac magis incitauit verbis: egoq; animum mihi ab inchoata, imò tum penè ad vmbilicum perducta scriptione, nequaquam reuocandum esse existimaui. Huiusmodi igitur à causis ad hanc scribendi operam perductus sum. Si quid illa autem fortassè placeat; equidem feliciter inceptam illam & perfectam dixerim. Sin minùs; nihil tamen pigebit insumpti studij: quòd Virtutibus laudandis, stabiliendæque Concordiæ inter bonos potius, quàm serendis odijs aut suscitandis Imperiorum flammis hanc mihi & scribendi mediocrem facultatem, & ipsam vitam suppetere ac prorogari velim. Ad te verò, inclyte Senatus; vtcunq; conceptam hanc & delineatam Reipublicæ vestræ imaginem ac descriptionem mitto. Iustè enim hunc tibi laborem deberi censeo; quòd per te & salus Reipublicæ; & omnium ordinum dignitas consistat, conseruetur & vigeat. Etsi autem ex amplissimis Ciuitatis vestræ bonis ea tantùm quæ vel paucissima sunt; vel nostram ad cognitionem tanquam præcipua notioraq; peruenire poterant; hoc scripto comprehendimus: sintque pagellæ pauciores fortè & incultiores; quàm quæ præclaram gratiam aliquam aut laudem mereri omninò queant: cum tamen dedicantur vobis; qui fortunis, autoritate & iudicio antecellitis: spe minimè exigua sustentor; si non perfectione quadam summa placeant: genio tamen suo, atque hac pinguiore fortassis adumbratione, propter rerum elegantiam, & vrbs vestræ auctoritatem, bonis ac doctis omnibus esse omninò placituras.

\*\*\*\*\*



## EPISTOLA

Nec dubito huius argumenti amplitudinem à vestre Reipublicæ doctissimis alumni tractari explicarique potuisse rectius: Vt quib' ceu domesticis omnes rerum Veneres, omnes anfractus ac vniuersæ Ciuitatis forma probè cognita esset & explorata: dabunt tamen veniam hanc peregrino: qui & virtutes in quacunque gente admirari probareque honestum esse statuit: & fas sibi esse duxerit ea quæ mirari ac probare piè potest; ad posteritatis iudicium publico scripto, ac honesto virtutis testimonio transmittere & propagare. Optarem etiam plura nobis de inclyta hac Republica fuisse vel vsu ipso, vel doctorum monumentis comperta & designata: equidem creuisset opus numeris; & gratiam auxisset rerum copia; quæ cognita explorataque suis; sine voluptate profectò legi non potuisset ab alienis. Si quid tamen eius fortassè nunc desit; vt deesse multa sanè non negauerim: studium aliquando nobis erit id pertexendi: quò quòd taceri minimè oporteat de optima Republica Noribergensium; etiam nostra cura nostrisq; aliquando vigilijs ad gratam posteritatis memoriam transmissum esse videatur.

Quemadmodum autem ex Sole lucido sparguntur radij; qui vniuersum Circuli ambitum attingunt: Ita in ipso penè Germaniæ vmbilico sita Noribergensium præclara Ciuitas; exemplar se Virtutum exhibet: in quod cum intuentur sparsi latè populi; vel similia planè faciunt: vel ad imitandum sese quanta liceat animorum alacritate, suscitant & componunt. Superent quidem vetustate haud pauca fortassè alia: At Noribergensium alacritas solertiaque non tantum segnitiam excussit plurimis; sed illarum fortunam crescendi que desiderium & conatus maximos tum exemplo auxit, tum subsequendi spe egregiè confirmauit. Sed hæc amplificare nolo. Peto autem à te, Amplissime Senatus; vt & orationi huic nostræ ignoscas fortassè prolixiori: & totum tibi hoc opus placere atq; acceptum esse sinas.

Nihil



## NVNCVPATORIA.

Nihil affectationi hîc aut adulationibus indulgeo: sed congerie quadam aliquot exempla retuli: quæ ob virtutem & commendata esse omnibus; & suo loco imitari cunctos volo: ijsque demùm exercitijs id inter Christianos fieri: vt cum pulcra sit & veneranda Virtutis appellatio: etiam existant tandem aliqui: qui sanctissimis vitæ institutis id quod tantoperè extollunt laudibus; perficiant: nusquamq; cessent inter suos; quin quæ pulcherrima esse audiant, æmulari facta velint.

Vtinam floreat Respublica: multosque Schvveppermanno & Verno similes producat: qui & belli artibus, & humanarum disciplinarum vsu superent: idoneique sint, qui Maiorum suorum semper locum expleant: nunquamque desit honesta Ciuitati soboles, quæ Rempublicam capefcere: acceptamque à progenitoribus fidem ac virtutum maximarum possessionem tueri cum dignitate; atq; ita eam tandem velut hæreditatem optimam vberissimo sanè felicitatis incremento transmittere possit ad posteritatem. Benè valeat inclytus Noribergensium Senatus: meque in ijs habendum putet, quos amare semper velit, Hafniæ Danorum, 17. Ianuarij, Anno 1572.

Vest. Amplitud.

addictis.

Cimb. Erasmus Michaelius Lætus, Acad. Hafniensis Professor.



INDEX  
 PROPRIORVM  
 NOMINVM QVORVM  
 IN HOC OPERE FIT  
 MENTIO.

*A.*



*Eschius Poëta.*

*Agathocles rex Sicilia.*

*Albertus Durerus pictor Noribergensis præstantiss.*

*Albis fluvius.*

*Alpes.*

*Alphonsus rex Arragonum.*

*Amphiarus.*

*Anglia.*

*Antonius ab Hanisck Secretarius Christiani III. & Friderici II. regum Danie: Vir admodum bonus & doctrina liberali excellens.*

*Canonicus Roskildensis.*

*Antonini Imperatores.*

*Antuerpia.*

*Argentina, vrbs libera & inter Germania ciuitates munitissima.*

*Assyria.*

*Augustus Imperator.*

*Augusta Vindelicorum, Imperialis & pulcerrima Ciuitas in Suecia.*

*B.*

*Babylon.*

*Bambergæ Ciuitas egregia & vetus in Franconia: Ioachimi Camerarij patria.*

*Basilea.*

*Banaria.*

*Belga.*

*Bernhardus Vichboldus Groningensis, Iurisconsultus in aula Christia.*

*III. regis Danie.*

*Bomgartnerorum familia nobilissima & præstantissima apud Noribergenses.*

*Burggrauj Noribergenses.*

*C.*

*Canuti, Reges Danie.*

*S. Canuti templum apud Ottonienses in Fionia, vbi Christ. III. Danie rex, sepultus est.*

*Carolus Magnus Imperator.*

*Carolus V. Imperator.*

*Carthago.*

*Casparus Cruciger, Theologia Doctor*



# INDEX.

- Etor & professor Vitebergensis, vir doctrina & virtute excellens.*  
*Celta.*  
*Chremyldis Regina, possedit Vormatiam.*  
*Christianus III. rex Dania: pacis, pietatis & literarum instaurator, pater patriæ: princeps gloriosus & semper honorandus.*  
*Cobulencia, egregia Ciuitas ad litus Rheni.*  
*Coldingum, vrbs pulchra & delicata in Chersonefo Cymbrica.*  
*Colonia pulcherrima & amplissima Ciuitas in Rheni littore.*  
*Constantinus Imperator.*  
*Corficius VVlfelt, de Kousbøl Secretarius & Consiliarius sub Christ. III. rege Dania.*  
*Cornelius ab Amsfort Doct. Medicine in aula Christ. III. regis Dania.*  
*Cræsus Lydorum Rex.*  
*Cunradus Dasypodius professor Mathematicæ in Schola Argentinenfi.*  

D.

*Dania.*  
*Danubius fluius.*  
*Drauius fluius in Danubiū influens.*  

E.

*Edouardi, III. IIII. VI. reges Angliæ.*  
*Elyzabetha, Angliæ & Franciæ Regina Virgo: Henrici V III. filia: princeps sapiens, & literarum amantissima.*  
*Eobanus Hessus Noriberg. poëta ab ipsis Musis laureatus.*  
*Erasmus Roterodamus, restitutor bonarum literarum in Germania.*  
*Erasmus Latus.*  
*Ericus Banner de Asdal, Marschalcus & Senator regni sub Christiano III. rege Dania: vir optimus, & subditorum amantissimus.*  
*Erythreus, professor Oratorius & Ethicus in Schola Argentinenfi.*  
*Euphrates.*  
*Europa.*  

F.

*Falerni.*  
*Fidenates, populi vetusti in Italia.*  
*Franci.*  
*Franciscus I. Valësius, rex Gallia, literarum assertor, & patronus fidelissimus.*  
*Francofurtum, præclara Ciuitas imperialis ad Mœnum fluium.*  
*Fridericus I. rex Dania.*  
*Fridericus II. rex Dania, princeps erga Euangelij Ministros, bonarum literarum professores, & pauperes studiosos in regno Dania, liberalissimus, et hac virtute incomparabilis.*  
*Fuggerorum familia Nobilissima & clarissima Augusta Vindelicorū in Suenia.*  

G.

*Galenus, Medicus.*  
*Galli.*  
*Ganges fluius, India.*  
*Germania, præstantissima Europæ natio.*

\*\*\*\*\* 3



# INDEX.

Georgius Ericus Episcopus Stauan-  
griensis in Nortuegia.  
Gostaus I. rex Sueciae, princeps sapi-  
entia & amore literarum maximus.  
Gotthi.  
Gudius, fluvius nobilissimus in Cher-  
soneso Cimbrica, qui alluit Ran-  
drusium.

## H.

Hadrianus Imperator.  
Hafnia, elegantissima & Regia ci-  
uitas in Dania.  
Hallerorum familia egregia apud No-  
ribergenses.  
Hatto, Episcopus Moguntinus impi-  
ssimus a muribus in medio Rheni  
denotatus.  
Henricus Imperator Bambergae se-  
pultus.  
Henrici, V. VI. VII. VIII. reges  
Angliae: Principes erga literarum  
bonarum professores liberalissimi.  
Henricus a Brochoffen, Concionator  
in aula Christiani III. regis Da-  
niae: Decanus Lundensis.  
Henricus Rysus doctissimus & diligen-  
tissimus Ludimagister Noriberg.  
Hetrusci.  
Hieronymus Bomgartnerus Cösul &  
Patricius nobilissimus apud Nori-  
bergenses: precipuus literarum  
fautor.  
Hispania.  
Holoander, jurisconsultus Noriber-  
gensis celeberrimus.  
Holtzatia.

## I.

Iacobus Bordingus, medicus Hafni-  
ensis.  
Iacobus Hasenbarth, Chirurgus peri-  
tissimus in aula regis Daniae.  
Imbosiorum familia clarissima apud  
Noribergenses.  
Joachim Camerarius Pabenberg.  
Philosophia, & Graeca lingua sum-  
mus illustrator: moderator studio-  
rum precipuus in Academia Ly-  
psensi.  
Johannes Frysius de Hesselagger Se-  
nator & Cancellarius Regum Da-  
niae: literarum & pauperum patro-  
nus summus.  
Johannes Skongardius de Skonggaard  
Secretarius & Consiliarius in au-  
la Christiani III. & Friderici II.  
regum Daniae: vir optimus & mo-  
destissimus.  
Johannes Bugenhagius Theologus &  
pastor Ecclesiae Viteberg.  
Johannes Sturmius, primus Inclitae  
Argentinae Scholae ordinator:  
vir humanissimus: puritatis lingua-  
rum & philosophiae instaurator:  
summus eiusdem Scholae guberna-  
tor & professor &c.  
Johannes Forsterus, Theol. Viteberg.  
Johannes Machabaus, Theolog. Haf-  
nienensis.  
Johannes Synningius, Theolog. Haf-  
nienensis.  
Johannes Pomerius Anglus Medicus,  
in aula regis Daniae.

Johan-



# INDEX.

*Johannes Schönerus Mathema. Nori-  
bergensis.*

*Johannes Siben, Belga, aurifaber in  
aula regis Dania.*

*Justus Jonas Theolog. Viteberg.  
L.*

*Leander.*

*Löffelholica familia, clarissima apud  
Noribergenses.*

*Londinum, Anglia Regia urbs pul-  
cerrima.*

*Lubecum, urbs Imperialis ad mare  
Balthicum &c.*

*Lucas Cronius, pictor Viteberg.*

*Lugdunum, ciuitas Gallia.*

*Lunda, Ciuitas egregia vetus et Me-  
tropolis Dania.*

*Lypsa, urbs Misnia pulcerrima.  
M.*

*Magnus Göye de Krenckrup S. Regij  
palatij Magister sub Christiano. III.  
rege Dania: vir mansuetus & suo-  
rum amantissimus.*

*Martinus Lutherus, Theolog. Vite-  
bergensis, repurgator doctrina Eu-  
angelica de Iusticia hominis pecca-  
toris quæ per fidem est in Christum.*

*Mauritius Helingus, Superintendens  
Noribergensis, vir placidissimus &  
doctissimus.*

*Michaël Bentherus, Iuriconsultus,  
& Historicus, professor Argenti-  
nensis.*

*Michaël Angelus pictor nobilissimus  
in Italia.*

*Mœnius, fluuius Germania.*

*Moguntia, urbs ad Rhenum.*

*Monachum, pulcerrima Ciuitas in  
Bauaria.*

*Mosella fluuius in Rhenum influens.  
N.*

*Noriberga, urbs Imperialis clarissi-  
ma & diuissima.*

*Nortuegia.*

*O.*

*Obertus Giphanius, Iuriconsultus,  
& professor in Schola Argētinenſi.  
Olaus Rosenkrantz de Vallbøff Sena-  
tor regni sub Christiano III. rege  
Dania, vir modestissimus, suorum  
amantissimus.*

*Orichiorum familia clarissima apud  
Noribergenses. (nia.*

*Ottonia, Ciuitas pulcerrima in Da-  
P.*

*Paracelsus Medicus.*

*Paschatus, Chirurgus in aula Chri-  
stiani III. regis Dania.*

*Paulus Nouiomagus, Concionator in  
aula Christiani III. regis Dania.*

*Paulus Eberus Theologus & pastor  
Ecclesie Vitebergensis.*

*Pegnitiuss, fluuius, Noribergam in-  
terluens.*

*Perfes rex Macedonia.*

*Petrus Oxe de Gyslefeldt, Consiliarius  
& Senator regni sub Christiano  
III. rege Dania: nunc verò S. Re-  
gij palatij Magister sub Friderico  
II. rege Dania: vir ad promouen-  
da literarum studia natus & ama-  
tor patriæ.*

*Petrus*



# INDEX.

*Petrus Palladius, Episcopus Sialandia & Theologus Hafniensis.*

*Petrus Paulinus, pastor Ecclesie Roskildensis ad S. Lucium, vir modestissimus.*

*Philippus Melanthon Theologus & professor Vitebergensis, assertor doctrinae Evangelicae de Christo: artium & linguarum vindex: vir iudicio & virtutum Christiano usu incomparabilis.*

*Pinifer mons Germania.*

*Polonia.*

## R.

*Randrusum, excellens urbs in Chersoneso Cimbrica.*

*Regnitius fluvius.*

*Rhenus.*

*Rhodanus.*

*Roskildia, Civitas Episcopalis & vetus in Sialandia.*

## S.

*Sala fluvius.*

*Sannus fluvius.*

*Schvveppermannus civis Noribergensis praestantissimus.*

*Sebaldus Heiden, Ludimagister Noribergensis.*

*Sebastianus VVinshemius, Medicus & Mathematicus doctissimus: vir optimus & professor Vitebergensis.*

*Sequana, fluvius Galliae.*

*Sicambri.*

*Sigismundus I. rex Poloniae.*

*Simois, fluvius Asiae.*

*Simon Grynaeus, professor Basiliensis.*

*Spira, Civitas Imperialis & Iusticiae.*

*Camera, ad littus Rheni.*

*Stauangriensis Ecclesia in Nortuegia.*

*Suenones, Reges Daniae.*

## T.

*Tamesis, fluvius in Anglia.*

*Theodosius Imperator.*

*Traianus Imperator.*

*Troia.*

*Tucherorum familia clarissima apud Noribergenses.*

*Tybris fluvius Italiae.*

*Tygris fluvius.*

## V.

*Valdemari, reges Daniae.*

*Venetia.*

*Vernerus Mathematicus Noriberg.*

*Vienna, caput Civitatum Austriae.*

*Virgilius Solis, pictor.*

*Vitebergensis Academia.*

*Vitus Theodorus, Superintendens Noribergensis.*

*Vitus VVinshemius Senior, Thucydideus, Medicus & professor Vitebergensis.*

*Vngaria.*

*Vratislavia, urbs in Silesia.*

*Vrsbergensis, historicus clarissimus.*

*VVeij, populi Italiae.*

*VVormatia Civitas ad Rhenum.*

## F I N I S.



7  
C. ERASMI MICHA-  
ELII LAETI,

NORIBERGICORVM

LIBER PRIMVS.

**B**ellorum flammās et inania gentibus arma,  
Exosāsque dijs vana in certamina rixas  
Dū cumulat alij, studijsque sequuntur; et atras  
Multiplicant populis ingrata per oppida mortes:  
Dumque manus gladio pars admouet altera; quidam  
Hortando pugnant; et auent noua sumina flammis  
Ingerere, et tacitos inducere motibus ignes;  
Efferā consilijs, sed languida penē Gradiuo  
Turba; nec effusum sat agens spectare cruorem.  
Quin cū multi etiam luenti forsā ab Orco  
Exciti patrias turbant clamoribus vrbes;  
Ingenijsque nocent, furijsque agitantur apertis,  
Et funesta mouent famosis iurgia scriptis:  
Me diuersa quidem rerum sententia vatem

A



## Noribergicorum

*Interea abstulerit, factisq; manentibus addat,  
Ac vocet aonias meliora ad limina Musas.  
Et si autem ingenio varias mihi numina curas  
Subiiciunt: lateq; faces mihi Phæbus Apollo  
Quassat, & incensos ad maxima promouet ausus:  
Precipuis tamen aucta bonis Noriberga volentem  
Incitat: ac quantum est quo nos præstamus, id omne  
Ad se leta rapit, fructusq; excerpere gestit.  
Hanc igitur, si quid tam mitibus annuat ipse  
Iuppiter optatis, solers memoraro: simulq;  
Pegnitij fontes cûrsusq; ac littora dicam.*

*Dij, quibus imperiû & tantæstant Urbis honores:  
Hoc desiderium fausto mihi sidere natum  
Perficite. è supero calor hic cum surgat Olympo,  
Nequicquam humanis impletur viribus. idem  
Qui mouet; is motos manifesta in commoda sensus  
Inferat, ac grato constant mihi fenora versu.  
Haud ignoro quidem moliri me ardua. sed quis  
Maxima non etiam tentarit: dummodo cæli  
Militet auspicijs, æquoq; utatur Olympo?  
Et dignum superis opus est; ac proxima Phæbo  
Gloria; Virtutes quacunque in gente locouē*

*Emi-*



Emineant, veris efferre sub aethera formis  
Spectandasq; dare: & nusquam qua recta feruntur  
Consilio pressisse tuo; lucemue tenebris  
Mergere, & obscuras facibus praeponere noctes.  
Hanc Diui inspirant mentem: atq; haec pectora miro  
Interdum genio studiysq; ac robore firmant,  
Ut magna aut tentent; aut maxima vincere possint.  
Ardor at è superis venit orbibus iste: nec esse  
Te clarum fortuna sinit: ni fortè iuuere  
Numinis afflatu, cælumq; in facta sequare.  
Cætera cuncta iacent fatis spoliata secundis,  
Ponderibusq; oppressa suis: cum languida circum  
Lumina victuris nequicquam aduoluere musis  
Atque inferre parant. medijs mors ipsa medullis  
Heret, & à primo cumulant sibi funera partu.  
Cum veluti fulcire domum, qua victa ruinam  
Spectat, & effractis lapsumq; necemq; minatur  
Articulis; atque hanc aliquo fortasse laboras  
Instaurare: licet subitos auertere casus  
Et proferre moram positis videre columnis:  
Præsidium tamen arte paras imbelle, magisq;  
Quo moueas: tanto præsentis tute ruinas

A 3



## Noribergicorum

Moueri, atq; magis quæ sunt nutantia frangas.  
Intus enim vitium est; mediosq; impacta sub artus  
Regnat acerba lues: cumq; hisce mederier optas,  
Iam motu erumpit nox & labor. Vnus & alter  
Sustineat fortasse dies: ubi fulcra rescindas,  
Corruit; ac stragen sonitu testatur inani.  
Sic quæ sidereis subnixa fauoribus inter  
Humanas veniunt monumenta recentia dextras;  
Consistunt durantq;. velut cum saxea vento  
Planè obluetatur; neque se fortissima turris  
Euerti soluiue sinit: rigidissima seuos  
Ludit, & in vanum grassari riserit ignes.  
Non igitur vates ex se sibi fata morari  
Aut statuisse queunt. Deus est, qui semine Vates  
Ducit ab æthereo; vitam largitur, & esse  
Felices donat. quo demùm Vena modusq;  
Nobilior tribuente venit: partesq; per omnes  
Ft calor, ac Musis solidum medatur honorem.  
In reliquis vel frigus iners; vel vita stupefcens  
Visitur, aut gelidæ vicina licentia morti.  
Interea melior si quæ natura per artem  
Incrementa capit: si quid parat vsus honesti

Pro-



*Profectus; Diuis superoqꝫ sacraueris orbi;  
Et meritos cælo sua per vestigia fructus  
Restituas: laudesqꝫ bonos; & crimina culpes,  
Quæ culpanda scias, virtutumqꝫ æmula noris.  
Illa etenim incautos, & mitia pectora fallunt  
Deterius; quàm quæ manifesto prodiga factio  
Nil celant, sibi nec larua occultantur inani.  
Pulcrinus at nihil est, quàm quæ sunt publica; quæqꝫ  
Commoda vera sient, ex culto dicere posse  
Eloquio. vincit superas ea musica voces  
Sidereosqꝫ sonos: vincit blandissima iusti  
Fœdera concentus: fidibusqꝫ æquata canoris  
Exuperat: numerisqꝫ implet redeuntibus aures  
Delectans; animosqꝫ trahens, quos imbuunt alta  
Cognitione: aliquidqꝫ boni post verba relinquit  
Judicijs. hæc illa sacro est gratissima Phæbo  
Et coniuncta Venus; quam si quis adeptus honestis  
Aspirat, rectè potis aspirare; feretqꝫ  
Præmia, quæ fas sit virtuti præmia reddi.  
Si cælo placeas, nihil est cur esse timenda  
Cætera monstra putes. vincit, qui vincere Christo  
Concertante velit. cui pectora quisquis & omnem*

A 3



## Noribergicorum

Subijciat mentem, rebusq; operetur honestis;  
Nil metuat, quocunque ferat fortuna laborem;  
Contentusq; sua, letusq; hac sorte quiescat.  
Sed calamis quò Musa feror? Noriberga sequentes  
Impletit mihi culta manus; versuq; beato  
Regnet, & aeterna per me quoque laude fruatur.  
Ast ea res minime tenui pulcerrima versu  
Exornanda fuit, maius fortasse requirat  
Ingenium; vena quod diuite constet, & omnes  
Impletit numeros totoq; Helicone redundet.  
Qualia nunc hominum studia; & vis aurea passim  
Ingenijs fecunda viget: qua plurimus arte  
Crescit honos multis, curisq; impendia reddit.  
Et tamen egregios fructuq; usuq; labores  
Qui subeant; gratosq; velint abrumpere somnos,  
Et nihil invidia scelerato dente moueri:  
Vt paucos hercle inuenias; sic illa sequentes  
Penè vides; quibus aut lucem prior addidit aetas:  
Aut certi affulget spes verè amplissima lucri.  
Ast qui virtuti gratis hac praemia reddat,  
Hancq; adeò sese propter laudauerit; esse  
Tu rarum plerunque putes: cùm quisque sequatur  
Quod



*Quod inuēt, ac titulo nunquam moueatur inani.  
Haud tamen ista meos etiam sententia vinculis  
Implicuit sensus: nec me res improba Vatem  
Abstulerit: minus ut quæ sunt rectissima laudem:  
Et si quæ lucro fuerit fiducia, nusquam  
Spondeat eximios tanta ob certamina fructus.  
Oderit ipsa licet mundi petulantia rectum,  
Et quæcunque Dijs placeant iustissima, damnet:  
Haud tamen officio cedendum est; quo minus istud  
Aut calamis, aut voce probes, aut lege sequaris.  
Nunc igitur ne quid Noriberga amplissima tristi  
Aspicias vultu sectantem magna Poëtam  
Arctoum; molli quòd inundent carmina succo  
Et ferat haud rigidos in grandia dicta cothurnos.  
Non ea mens Læto quæ sesquipedalia iactet,  
Quæne proterua tonet. sed ceu fortasse latentes  
Horret aquis scopulos, refugitq; carina labores:  
Sic monstrosa quidem & rerum superantia formas  
Verba cauet: studioq; legit quæ plana, nihilq;  
Impediant animos; sensumue obscura retardent.  
Grandia mirari non quosdam nescio. sed me  
Hæc facilis scriptura inuat: quæ maxima rerum*

*Ponde-*



Noribergicorum

Pondera quisq; capit; nusquamq; excussus aberret,  
Nec dubias verborum umbras pro luce sequatur.  
Omnibus haud dat cuncta Deus. sunt vina Falernis  
Præcipua, ac mollem diues parat Anglia lanam.  
India fert hebenum: Latius sua myrtus in oris  
Crescit; & autumnos plenos alit uua racemos.  
Germanis infracta fides. industria Gallis;  
Audax Hispanis animus: sua prima Quirino  
Gloria, & humanos ostendit Dania mores.  
Sic sua diuersis ratio est non una Poëtis  
Nec modus unus. habent disiunctos flumina cursus.  
Ambagesq; etiam oppositas plerunque sequuntur  
Ignotasq; vias; quanuis tamen omnibus unus  
Sit labor, Oceani ripis se immittere, qua se  
Exonerent, latisq; ferant impendia regnis.  
Haud aliter sacram diuinæ Palladis arcem  
Cum multi affectent; studio tamen ardua Vates  
Culmina dissimili, meritosq; sequuntur honores.  
Hinc alijs aliud natura arriserit. iste  
Anxius ingenijs vigor est; & dispare multum  
Conditione coit. longis sudoribus hic se  
Conficit; ut prorsus macilentos languida versus  
Fundat,



Liber I.

5

*Fundat, & exili moueat se vena cruore.  
 Vberior dices huic spiritus asserit artus,  
 Et solida plus carnis habet. longè iste meantes  
 Inducit flexus. tumido capit alter ab orsu  
 Principium, & grādes fert in noua carmina pulpas.  
 Quid quosdā memorem ceu delectarier amplo  
 Circuitu, ac spacijs distendere septa remotis  
 Verbaq; complexu latissima fundere? vel quid  
 Strictius his plerunque iter & breuiora placere  
 Compita? quin alijs interdum prima putatur  
 Gloria; si obscuris quæ sunt clarissima rerum  
 Sensibus inuoluant: petiturq; ex lumine, densis  
 Quæ rebus tenebras induxerit umbra tenebris.  
 Ast mihi non parili naturam Phœbus Apollo  
 Temperat ingenio. primū quæ grādia nusquam  
 Sponte sequor, sed enim si quid mihi forsitan ista  
 Aeternæ superum leges, & conscia veri  
 Numina decernunt, totis cui vena medullis  
 Seruiat, ac iustos in carmina miserit ignes:  
 Et si sentit onus calami labor, esseq; plenas  
 Ingenij vires, maioraq; robora vellet:  
 Nil tamen auersatus in hanc ego nostra palæstram*

B



Noribergicorum

Carbasa distendi patior. mens amula laudis  
Urget opus, facilesq; adigit sub linthea ventos.  
Quin iam mite suis imposta negocia cælum  
Promouet auspicijs, non me succumbere Diui,  
Nec fortuna sinit: varias Patientia clades  
Vincit, & atheream cumulant mihi sidera laurum.  
Tum verò studijs quantum licet omnibus vnum  
Adnitor; ne quid perplexa forma loquela  
Iudicio obsistat. Volupè est mihi dulcibus uti  
Perspicuisq; Deis; Musasq; in aperta sequentes  
Ducere; ubi obscuro nusquam locus. istud honoris  
Intulit ingenio Pallasq; ac Delia nostro.  
Non mihi figendis studeant hæc pectora Cernis;  
Nec nemorum cingam leuibus iuga celsa molossis:  
Quæ mihi vita quidem sectanti læta Minervæ  
Castra, quòd accitæ multum feritatis haberet,  
Displicuit. sed quòd curis operumq; labore  
Perficiam; ut molli veniat mihi versus ab usu,  
Et quocunque vocem dulcis me vena sequatur.  
Hæc mihi dexteritas cælo venit aucta parente,  
Qui curam ingenio sic temperat; ut mihi primum  
Scribenti faciles perstent in carmina Musæ,

Et



*Et leto subeant in magna negotia vultu.  
Tum quòd iudicio mediocri excellere Phæbus  
Et præstare dedit: quo quæ sunt scripta, bilance  
Haud dubia expendam: obscurisq; inducere lucem,  
Planiciem scabris, languentibus addere cursum,  
Aut nimium properis frenos immittere possim.  
Hæc noua vis animi est non omnibus æqua. proinde  
Haud auersari Letum Noriberga Poëtam  
Culta velis. habet asperitas quos anxia Vates  
Nobilitet. plano constant mihi carmina ductu,  
Et Venus æternos mihi sospitat aurea versus.  
Sollicito interea dum sector acumine rerum  
Pondera magnarum, structamq; laboribus urbem,  
Versibus amplector, populisq; encomia reddo;  
Pierius mentem stimulat calor: esseq; vatem  
Cogit, & Aonijs numerum cumulare Poëtis.  
Dij faciant; ut si non omnia, maxima saltem  
Ornare, & rerum fastigia prendere possim  
Præcipuasq; amplecti operas; Respublica quo se  
Munere dilatat, famam & virtute probarit.  
Tu verò nostris faustum diuine Senatus  
Auspicijs deferre pedem; factoque benigna*



Noribergicorum

Plaudere fronte velis. Tu maxima carminis huius  
Pars & meta sies. tibi venerit omnis & omnis  
Gloria. te saluo Respublica durat, & esse  
Siue animi studiis, seu rerum pondere felix  
Et tranquilla potest. placeant tibi nostra, simulq;  
His læto præstes exordia commoda vultu.

Ergo ubi iam tenui supera in fastigia cursu  
Pegnitius sese insinuat; primisq; perennes  
Fontibus extrudit cumulatq; in flumina limphas:  
Protinus auspicijs ortum cœlestibus auget,  
Et sibi se propellit; aquasq; in aperta suburgens  
Littora deducit subitisq; immittit arenis.  
Cum pariter medio sacrata in gurgite nympha  
Ludentes coeunt, superum pars maxima: si, quæ  
Fluminibus præsumt, superum pars esse putanda est.  
Ut tamen & leuibus pinarum frondibus una  
Constitit, hac reliquas affata est voce sorores  
Incepitq; loqui. Nympharum ego maxima vestri  
Iuris ero; mihi, quæ libeat fecisse, licebit:  
Si coniectura, quæ nunc ego mente reuoluo,  
Assequi, & occultos in aperta reducere sensus  
Positis. Dixit Stenole. cui proxima lato

Remi-



*Remigio manuum Cleomene exercita pulcros  
Extulit in cæli rutilantia mœnia vultus,  
Et simul. O sacri custosq; & gloria fontis  
Pegnitij; generis nostri pulcerrima: quid nos  
Forsitan esse Deas, cæloq; parente negabis?  
Ignoret mortale genus secreta. latebras  
Non animi ingredimur; coopertaq; pādīmus: & res  
Euentu, nata qua simus origine constat.  
Scilicet hoc tacita versas sub mente, fluentes  
Impelli quò lata velis è gurgite lymphas,  
Et primas aperire vias; cursuq; secundo  
Labier, ac patulos in littora mittere flexus.  
Causam autem, qua te dubiam iustissima reddit,  
Cernimus hanc: nostris quòd fortia mœnia ripis,  
Et populos fortes, & celsa palatia quondam  
Exoritura vides. quibus ast hæc gentibus esse  
Munera larga velis, non dum tibi constet; alasq;  
Pectoribus curas; conceptaq; proxima damnes.  
Cum Stenole: & nostri iam pectoris abdita vero  
Lumine presa tenes. Vnum minus æqua profaris  
Hoc tamen; ignaram, quòd cum sim diua putaris  
Esse etiam rerum; seris qua fortè sub annis*

B 3

Remi-



## Noribergicorum

*Eueniant; quocunque velim deducier istas,  
Quas modo diffundam subiecta in pascua lymphas.  
Et tamen, ut verum fatear, tibi nescio cur non  
Concedam. Vsq̃ue adeo nunc his, nunc gentibus istis  
Mens fauet, ac curas circum mihi pectora gignit.*

*Dixerat. actutum celeres accurrere Nymphas  
Vinclaq̃ iam victa subtendere dura videres:  
Cum celer impulsu Stenole se suscitāt. Et iam  
Parcite, ait: neque me violarint numina sacri  
Custodem fontis, iusq̃ in mea regna ferentem.  
Victam me fateor. sed enim quia victa, proinde  
Non etiam mittant scelerata in vincla Sorores,  
Et labem imperio cumulent. mihi sceptrā diesq̃  
Esse etiam tutos regni dedit autor: ab illo  
Contineat feritas truculentas lubrica dextrās.  
Quin, quanquam fuerit libertas maior agendo  
Dicendoūe; tamen nocuas iccirco Sororum  
Esse manus nollem, turbat aūē fœdera dicti.  
Et decus est faciles submittere legibus iras;  
Ac qua iure quidem poteris fortasse videri  
Tentare; haud toto tentes tamen asse: relinquo  
Quiddam etiam; ut fragiles solidet cōcordia nervos.*  
Prin-



*Principibus si qua asperitas nocuisse feratur,  
Nec felix unquam fuit: & persæpè Nepoti  
Intulit, horrendo qua vulnera perferat, ense.  
Esse Magistratum, Deus est. Violaris Olympum  
Si violas Regem: patientia creuerit; & ius  
Creuerit, ac merita redeant tibi premia lance,  
Hoc tamen & noxam studio, ratione modoq;  
Euentuq; luam: quòd quos mea littora Cines  
Incolere, & propter gelidas pretendere ripas  
Fata dabunt; vestri studiosos esse futuros  
Pollicear; sacrasq; ferant in sidera Nymphas:  
Et me perpetui custodem fontis honorent.  
Interea mecum superosq; Deosq; secundas  
Poscite congeries, fluuiosq; augenda futuro  
Pondera lympharum. tu maxime Iuppiter undas  
Suffice venturis pater, & da fontibus esse  
Perpetuas: aperiq; iter ac decluia monstra  
Quà se fundat aqua, & cursum molita sequatur.  
Sic dixit. magnis assensibus æthera complent  
Numina. Tum Stenole patefacto carcere lymphas  
Ire dedit; laxatq; manu cita claustra; ruentes  
Cum monet. Itē sacris monumenta obnoxia Musis*

*Et*



### Noribergicorum

Et celeres proferte gradus: nusquamq<sup>3</sup> morari  
Aut celsisse loco, & flexus cohibere velitis.  
Fata viam inuenient librato ubi gurgite totos  
Expedias cursus; teq<sup>3</sup> in tua littora cogas  
Celsaq<sup>3</sup> porrecta vitaris acumina terra.  
Nec mora, Pegnitij cum fons exundat; & altas  
Euomit acer aquas subtusq; in deuia tendit.  
Fit via vi, cannaq<sup>3</sup> leues atque humida latè  
Cedit arundo; imasq<sup>3</sup> petunt noua littora valles  
Mercurio ducente: Deum qui missus ab aula  
Nuncius, hanc Nymphis operam prestare; Ioui<sup>q</sup>  
Hanc magna partem, telluris ab ubere subdit,  
Neptuno blanditus: in hac cui iura tridentem  
Sors dedit, ac liquido iussit dominarier orbi.  
Astitit & nitido prouectus in aethera curru  
Phœbus: & ut medias inter sibi carpere valles  
Cernit iter, tali fluvium est affatus ab ore  
Pegnitium. tenui visure ingentiarium,  
Labere. faelici tibi creuerit unda meatu,  
Et statuas solidos fatale in littus honores.  
Non ego iam Regi fluviorum defero summas  
Eridano partes. inerit sua gloria paruis

Fon-



Fontibus, & virides feret in noua culmina lauros.  
Dij tibi propitios ventura in robora vultus  
Decernant; magnoq; velint tibi littora fructus  
Tendier, ac fortes voluendo incingere gentes.  
Quin quocunque mees protrusaq; cornua flectas,  
Ipse sequar: facilesq; dabunt tibi sidera lapsus,  
Claraq; magnificis surgent tibi culmina muris.

Sic medio Phœbus cum constitit æthere vocem  
Finijt. Interea properans iter omne subegit  
Transmisitq; ruens: patuloq; repulsus ab Austro  
Prospicit in Boream fluuius, geminasq; sub Arctos  
Tendit, & in septem flectit noua lora Triones.  
Vtq; vias curuo permensus gurgite latè  
Creuerat: Ecce citis Notio delapsus ab orbe  
Regnitius, tenui celerans se passibus infert  
Pegnitio: geminisq; statim coit amnibus vnus  
Alueus, ac socijs coalescunt flumina ripis.  
Scilicet hic superis labor est & cura Tonanti;  
Vt quæ sparsa locis oriuntur plurima, cogant  
In fœdus, iunctoq; sinant consistere nexu,  
Et benè communes inter se vertere sortes.  
Sic varijs constat populis Respublica; quorum

C



## Noribergicorum

*Alter ab Hesperijs: at venerit alter Eois  
Gentibus; & notios capiunt Borealia ciues.  
Incluta coniugio sic constant vincula: sponsam  
Hec gignat cum terra; alio sed sponsus ab orbe  
Adsit; & ignotos iungant in fœdera mores.  
Aut ego quid Sauum Draumne; quid aurea dicā  
Flumina, Dannubio quæ cum miscentur, in unum  
Conspirant tractum solidoq; feruntur in amne;  
Euxinum donec subeant mare. Sala sub Albim  
Condit iter. Rheno celeres Mosella fluenti  
Miscet aquas. sua sunt naturæ vincla, quibus se  
Copulat, ac forti stringit coeuntia neruo.  
Iamq; iter extenso paulatim flumina riuo  
Functa legunt; plenoq; tumescere gurgite ripas  
Lympharum pro mole iubent: cum tota coacto  
Agmine prorumpunt; fluuijsq; sonantibus altè  
Præcipitant cursus: oculisq; ac deniq; toto  
Corpore vëstigant ubi sese effundere possint,  
Et cumulare nouos in lucra sequentia motus.  
Sic bona sunt quæcunque, bonis se adiungere certant,  
Mutuaq; utilibus duplicarint commoda rebus.  
For sit an id natura etiam suadente; minores*

*Vt*



Ut sese magnis immittant amnibus amnes  
Tantisper; vasto donec sub gurgite latum  
Oceani regnum cumulat fluctibus intrent,  
Inq<sup>3</sup> suos iterum redeant cita flumina fontes.  
Quin sua non tantum venienti littora subdit  
Regnitio: titulos etiam nomenq<sup>3</sup> secundum  
Induit, ac gemina coalescit mole; manetq<sup>3</sup>  
Posterius solido iunctis sub gurgite; claram  
Interea dum ceca legens vestigia fundo  
Bambergam accedat: propterq<sup>3</sup> ea mœnia ripas  
Explicet, ac placido lustret vetera atria vultu.  
Hæc vrbs ingenti iam pridem laude minores  
Cum superet, latè famam promouit, Et auxit  
Reliquis Henrice tuis; qui sceptrâ gerebas  
Ausonios inter gratus pietate Monarchas.  
Sed non Cæsareo tanta est Bambergæ sepulcro  
Structurâq<sup>3</sup> opibus: quanta est, semperq<sup>3</sup> futura est  
Ingenio Joachime tuo; qui natus in vrbe  
Hæc patria, imperij summa velut arce Camœnas  
A primo sic flore colis; sic castra frequentas  
Musarum; ut nulli veterum celsisse; nihilq<sup>3</sup>  
Quod doctum deceat, potes ignorasse videri.

C 2



Noribergicorum

*E Camera priscum venit tibi nomen; auito  
Haud dubiè officio gentile parentibus: ut qui  
Grata ministerij referant hæc premia vestri,  
Virtutis precium, & fidei monumenta vetusta.  
Ast illud fatale tibi fortasse volebant  
Numina firmari serisq; Nepotibus esse,  
Qui Camera ipse sis & honestis vera Camænis  
Gloria. non temerè ludit sors. arbiter orbis  
Atque auctor, soboles summi patris, ille redemptor  
Humani generis, nostra & possessio Christus  
Prouidet utiliter: cumq; omnia clara secundat,  
Duxerit è cælo quos vera in commoda mittat.  
Nec tali Bambergæ tamen iactarit alumno  
Se tantum: quid si felicibus aurea fatis  
Creuerit; hoc etiam quod præceptore fruatur  
Lipsia, Misnenses inter cultissima ciues,  
Et studijs spectanda bonis: quæ voce styloq;  
Promouet, ac totum spargit Joachimus in orbem?  
Quicquid habet Latium, veterisq; scientia mundi;  
Græcia quicquid habet, vel habent secreta Pelasgi  
Abstrusis perplexa vijs formæque loquendi;  
Huic notum est. quo non alium reor esse, minore  
Qui*



*Qui Argolicos sudore legat. Sic omnibus illum  
Gracia perfectum numeris agnoscit; habetq;  
Hac re cui meritam tribuat Germania laudem.  
Nec tamen hac assentandi studioe modoie  
Intulerim. non me furijs Colacia sinistris  
Edita, monstrorum nunc multo amplissima, Vatem  
Fregerit. aſt virtus quòd me & Constantia tanti  
Mouerit una viri; non me meminisse pigebit  
Illius: ut cunque hac meritis non aqua, sub alto  
Pondere subsidant: habeatq; is maxima vitæ  
Præmia; cùm vera solidus virtute feratur,  
Atque sui curſum moderato colligat uſu.*

*Interea ſedenim cumulat is auctior undis  
Regnitius muros Bambergæ & culmina linquit,  
Metiturq; vias, lateq; extrudit aquarum  
Congeriem: ſubitò cum præteruectus ab ortu,  
In Caurum Mænus ſinuoso gurgite tendit,  
Incertosq; vado molitur in æquora flexus;  
Piniferi montis ſoboles: cui ditia fatum  
Mœnia tranſire & curſus dedit eſſe perhennes.  
Huic ſe Regnitius, ne quid fort aſſè vagetur  
Longiùs, aut tenui laſſet caua littora pulſu,*



Noribergicorum

Coniungit; lateriq; infert sua regna sinistro;  
Nominibusq; coit, ripasq; meatibus auget.  
At tumidus quamuis lateq; excurrat & erret  
Mœnus; & incertos duplicet redeundo labores;  
Nunc has nunc illas perplexo tramite gentes  
Fnuisens: vno tamen omnes undiq; riuos  
Littore complexus, veteres abolendo relinquit  
Lympharum titulos: & se sibi plurimus undis  
Explicat, ac diti constant sua nomina Mœno:  
Donec & ipse etiam diuino peruia Rheno  
Ingerat; ac dextris immiserit ostia ripis.

Salue Pierijs semper memorande Camœnis  
Rhene pater quacunq; vias; quacunq; meatus  
Vestiges cursu; teq; in tua littora voluas.  
Labere cura Dijs vera immortalibus; & te  
Assere limitibus: quantumq; insurgis in undas  
Ponderibusq; tumes; tantum properando liquentis  
Oceani regnum, subiectaq; mœnia ponto  
Et distenta petas. cumq; haud capit alueus omnes  
Vnus aquas, duplici patefeceris ostia riuo,  
Exoneretq; tuos geminata in cornua lapsus.  
Scilicet hæc diuis superoq; potentia cælo

Durat;



Durat ; ut eternis redeuntia flumina ripis  
 Restituant : quantumq<sup>3</sup> excedunt gurgite ; tantum  
 Fontibus aucta novas in viscera hiantia lymphas  
 Sufficiant : semperq<sup>3</sup> fluant , quia semper inundant.  
 Aut cui propitios ita pandunt numina vultus  
 Cuius adeo indulgent animorum motibus ; omnes  
 Ut fluuiorum ortus , causasq<sup>3</sup> & littora versu  
 Explicet , ac tantos in carmina miserit vsus ?  
 Non ea mortalis studij est , non certa facultas ,  
 Nec vis Ingenij : tantos & prendere motus  
 Et proferre queat . cecis effusa cauernis  
 Ut fluit , in cecos ita res ea sepius ausus  
 Incidit , ac animis plerunque tumentibus hæsit  
 Nil comperta . sed est , quo se excusauerit omnis  
 Ingenij feruor studiijq<sup>3</sup> industria nostri :  
 Quod preendi nequeat rei modus . illud ineptè  
 Nam dictum constat , fluuios ex aëre nasci ,  
 Cum loca prima subit , gelidis ubi protinus antris  
 Cogitur in Lymphas ; iugiq<sup>3</sup> liquentia gignat  
 Flumina ab accessu , cumuletq<sup>3</sup> ea semina creber  
 Spiritus , abstrusus sinuans se in gurgitis orsus :  
 Sic Aqua nil aliud fuerit , quàm crassior Aër

Cum



## Noribergicorum

Cum densas subiit partes: gelidoq<sup>3</sup> coactus  
Frigore perpetuos supera in fastigia fluxus  
Ingerat, ac plena fauces scaturigine pandat.  
Quæ ratio quantum dementet pectora; iam nunc  
Dispiceas. numeris Elementum excefferit: æquor  
Quæ capit, haud etiam verè capit. omnia tantum  
Sunt unum, & sacris sua sunt mendacia scriptis:  
Quæ manifesta quidem fluuios ex æquore ferri  
Asserere, & tantos sat agunt hinc ducere motus;  
Miraculiq<sup>3</sup> instar Mare non excrefcere, narrant.

Sed nihil ista quidem iam persequor. Utilitates  
Quas fluuij gignunt, non pronum est dicere. vel quis  
Danubij tractus, quis clari maxima Nili  
Commoda rettulerit? quo Ganges gurgite: quo se  
Alueo agit Rhodanus? quo uè impete Sequana pergit,  
Quo Tygris cursu; quo Euphrates littore: vel quo  
Noster in Eoos Gudijs sese incitat æstus,  
Et ripas inter se voluit in æquora motu?  
Illa equidem vastis se flumina lapsibus omni  
Precipitant impulsa gradu; lateq<sup>3</sup> ruentes  
Effundunt lymphas, pontumq<sup>3</sup> fluentia complent:  
Incluta non motu tantum, sed Maxima motus

Causa;



*Causa; atque aeterna scaturiginis aucta recurſu.  
Quam nos hic etiam nil rem tractamus. at unum  
Interea eſt, verè quod dixeris: omnibus inde  
Præcipuis cauſam penè urbibus eſſe; locari  
Quòd fluuios iuxta ac protendi Mœnia poſſent:  
Commoda quæ humanis afferrent gentibus, & rem  
Augerent uſu, lucrumq; è flumine gignant.  
Huc ratibus Lintriq; via eſt; huc maxima lignis  
Et congeſta ſtrues creberrima penè ſecundo  
Deſluit amne: huc aduerſas agit æmula merces  
Sæpè manus, dum obnixa leues in flumina puppes  
Cogit, & obſtantes ſuperat conamine fluctus.  
Quin ſua multiplici Piſcatio creuerit arte,  
Squammigerosq; legit retiꝑ; & fune natantes:  
Quos menſæ intulerit; victusq; in præmia mittat.  
Tum verò ingratas facili purgamine ſordes  
Tollit inde vides: ubi ſe deſluxus aquarum  
Ultrò agit, ac medias interdum perluit urbes:  
Interdum iuxta diductos gurgite muros  
Labitur, ac celeri ſecum rapit obuia curſu.  
Sanè ea mutandis loca mercibus æqua videri  
Cenſeriꝑ; velis. ceu non obnoxia morbis*

D



## Noribergicorum

Dixerim: ut huc rare pestis contagia spargi:  
Ni causa ex alio velut ordine mota, sequenti  
Aspiret damno; semenq; è semine labi  
Attrahat, ac lentas adducat in oppida mortes.  
Nos ipsi inficimus sic sepius aëra; ne quid  
Purior esse queat: iugi licet aurea motu  
Flumina pestiferos halitus & tristia purgent  
Purgandoq; adeò tollant spiramina. vel cur  
Non etiam extulerit Romana palatia Tybris,  
Euphrates Babylona vehat? Simoëntis ad undas  
Troia fuit: ceu iam Rhodano vicina tuetur  
Mœnia Lugdunum. Scaldas Antuerpia ripas  
Occupat, ac Tamesim Londinum spectat in amnem.  
Quo se more etiam Randrusi plurima nostri  
Ad Gudium latè facies diffundit; & inter  
Distentas fluuii ripas sua commoda solers  
Contrahit, ac celebri lympharum gurgite regnat.  
Sed nihil ista quidem iam longius explico. constat  
Fluminibus varios adiunctos esse bonorum  
Prouentus: seu detulerint fortassis in vrbes  
Commoda; quæ externis subeuntia gentibus istic  
Exponi fas sit. seu ripis plurima gignant

Quæ



*Quæ sua sint proprijs ceu lucra domestica regnis.  
Qualia nunc etiam Rhenus non pauca propinquis  
Coniunctisq; adeò populis commercia letis  
Auget aquis; variasq; inter delapsus arenas  
Multiplicat gratas vicina per oppida sortes.*

*Nec tamen hæc soli fortuna est maxima Rheno  
Visibus ut superet: Nicrum spectato Lycumq;  
Inde equidem Alpinis dilapsum montibus. aut quas  
Iste etiam tantis cernit procurribus Vrbes,  
Interea se Dannubio dum condat; eiq;  
Intulerit caput, & geminas permisceat undas  
Approperans? videt ille quidem præclara: suisq;  
Semper habenda locis cultissima mœnia: summas  
Una Augusta tamen partes tulit; omnibus una  
Cum numeris certè quæ sunt amplissima vincat.  
Illa equidem Aonijs semper domus aurea Musis  
Et sacris tutela Deis, inscripta Minerva  
Nomina clara gerit: quæ, quantũ ex crescere muros  
Firmariq; status tribuit Constantia; factò  
Maxima constiterint, laudemq; in præmia ducant.  
Fuggerus hanc tantis auctam rationibus urbi  
Conciliat; sacris dum spemq; & summa Camœnis*

D 2



## Noribergicorum

Præsidia ostendit; rerumq; & honoris abundans  
Hoc agit, ut Phæbo sit pars gratissima nostro  
Sit columen patriaq; decus, sit vita Poëtis:  
Justaq; Pegaseis sit fama & gloria Musis.

Sed nihil ista sequar. rapido sua littora Rheno  
Et cursum vastos inter dant prendere montes  
Et populum virtute iuvant: placidosq; piosq;  
Extulerint mores, humanaq; pectora monstrant.  
Adde quod & circum Baccho fortuna corymbos  
Atq; uvas pendere dedit: quibus optima mensis  
Vina, racemiferis veniunt expressa corymbis.  
Aut ego quid cultas, vel Palladis artibus urbes,  
Vel virtute canam? iam fama est cognita quantum  
Ingenijs Basilea potest. cui Phæbus Apollo  
Et studijs superare; & honesto vincere cursu  
Largitus, nihil eximios quod præstet in usus:  
Nec quod vera etiam dignum sit laude, negavit.  
Credo ego cœlitibus rem decernentibus olim  
Mcœnia nata; bonosq; adeo communia vitæ  
Fœdera constituisse viros: qui iusq; piumq;  
Fas suo inferrent; positisque è legibus urbes  
Et regerent miti faciles virtute colonos.

Non



*Non opis id nostræ est mansuros cogere cætus,  
Qui parere velint; monitis uel subesse; ferisq;  
Liber a nonnunquam submittere pectora vinculis.  
Res ea fonte alio, atq; alijs subnixa columnis  
Eminet. æthereo constant diuturna parente;  
Et quæ pulcra, Dys authoribus edita certum est.  
Hinc merces igitur, pinna, respublica, muri,  
Pondera, iura, forum, commercia, fœdera, portæ  
Et vallum & fossæ, & prætoria celsa; Dysq;  
Conditæ Tempia: quibus meritos adolemus honores;  
Iustaq; propitio cumulamus vota parenti.  
Vtq; aliàs aliud sileam: Schola sola minores  
Admoneat, quantum populis decus intulit; artes  
Humanas nostrum primus qui sparsit in orbem,  
Sacrauitq; locis: ubi læta frequentia Musas  
Et colat; & vero vitæ sectetur ab usu.  
Non ea pro meritis celebrari gloria iustis  
Cantari uel potest. facile est, si dextra sequantur  
Numina; quæ magnis fuerint aqualia votis  
Perficere; & longos inducere rebus honores.  
Hac igitur cæli coeunt bonitate, Deumq;  
Auspicijs; quacunque quidem mortalia ueris*

D 3



## Noribergicorum

*Fructibus acta beent. Studijs Basilea secundis  
Optatisq; viget: letæ cui maxima rectum  
Præmia decernit: dum libertate suoq;  
Otio, & aurifero potiantur mœnia Rheno.  
Quin cineres etiam magni cum seruet Erasmi  
Et pia membra tegat: Cumq; arte excellat & usu  
Multiplici sacros Authorum scripta labores  
Excudendi; equidem totiam cognita mundo  
Exuperat fama. Sedenim profitentibus artes  
Ingenuas celebrer locus est: & honesta Lycæis  
Gloria succreuit: latè quæ prodita nostras  
Attigit has etiam Borealia climata terras;  
Et studij laudem geminas promouit in Arctos.*

*Sane Urbem florere bonis & Ciuibus; & re  
Lauta etiam vellem. fuerit quanquam illa moranti  
Horridior Leto: quo mecum tempore coniunx  
Vixit; & his fato metam contraxit in oris,  
Quo mox extincta est Francforti: ubi littora Mœnus  
Explicat, ac geminas hinc atq; hinc respicit vrbes.  
Et nunc illa quidem Christo coniuncta beatos  
Est exorsa dies; sceleris purissima, veræ  
Virtutis lumen: cui nec fortuna tenebras*

*Senior*



*Senior obiecit: neque mollior intulit atros  
Ingenij fastus; animumue superbia strauit:  
Ut moderata nihil sibi consecunda putarit.  
Me verò interea quamcunque æquissima sortem  
Numina ferre dabunt: quacungq; in gente morabor;  
Pergrata memorem me consuetudinis esse  
Senserit ipse etiam, qui Spiritus aurea sentit  
Officia; & nostris pars est æterna Camænis.  
Illa equidem vera speculum pietatis & omnis  
Virtutis custos ita me moritura relinquit:  
Ut nihil interea cessauerit ista parenti  
Pro me vota Deo iunctis ita fundere palmis:  
Ut planè experiat valuisse ea vota: nihilq;  
Jam dubitem nostris hanc iunctam ita sortibus esse;  
Ut meme aspiciat, nosq; ad maiora sequatur.  
Vna dolori animum res subycit: illius haud me  
Curam egisse, die quo busto inferret amæni  
Corporis exuias. aberam procul, ista secutus  
Quæ nos ingrato spectabant pectora vultu:  
Ingratosq; adeò præbere immania rictus.  
Nautica nam Venetis cum defero nostra; Maritã  
Interea amitto: solatia nulla Cyclopes,*

*Premia*



Noribergicorum

*Premia nulla meis aequata laboribus addunt.*

*Ast ea sunt alijs pingenda coloribus. hic iam  
Nostra sequar, placidoq; canā sua splendida Rheno  
Littora, & in molles inducam Moenia versus.*

*Quin sua Strasburgo seros motura Nepotes  
Gloria iam latis diducta est fructibus. aut que  
Prima canam? certè moderatis Cuiibus urbem  
Et magnis reor instructam virtutibus; uni  
Cui sua Libertas ita cura est denique; nil ut  
Admittat proxus, quod Servos reddat. honesto  
Maiorum ritu populis sua iura vicesq;  
Perficit, ac veteri rem more adnixa tuetur.*

*Tum verò Aonijs precium dignata Camænis  
Cum statuit, facilesq; infert sub pectora Musas:  
Sanè equidem fama sic crescit honoribus, ut iam  
Strasburgo solida veniant in premia laudes,  
Magnificasq; inter primas gerat auctior urbes.  
Denique si reliquis sint iusta silentia, nonne  
Sturmius ingenij cultuq; ac ubere rerum  
Cognitione vnus cunctos penè inter, & illos  
Eximios clarosq; viros, hunc urbis honorem  
Proferat, ac grato det famam excrescere fructu?*

*Hunc*



Hunc equidem ornandis genitū reor artibus: ut qui  
 Et latè superat studijs; & plurimus usu  
 Pollet, & excultis aequat Romana pelasgis.  
 Hac igitur pridem superat iam laude Joannes  
 Et nitet, Egregiosq; inter rerumq; peritos  
 Sic nomen gerit: ut dignos solertia fructus  
 Occupet, ac multo virtus cumuletur honore.  
 Discipuli testantur eam qua iusta docendo  
 Impensa est operam: at studio Respublica latè  
 Clarefcit, variasq; inter stat celsior vrbes;  
 Aucta virū numero, magna qui laude Camænis  
 Et lucem, & vires, & nomina condere possunt.

Nec sanè obscurum est Beuthero plurima nostro  
 Presidia esse; quibus Doctrina sedulus omnes  
 Promoueat cursus; vrbiq; encomia iustis  
 Auxerit officijs: dum gesta antiqua recensq;  
 Edita, multiplici trahit in compendia fructu  
 Et multam historijs infercit acumine lucem.

Aut quid Obertum etiam Iuris legumq; peritum  
 Musa siles? nōne Ausonijs ita Græca Latinis  
 Iunxerit: ut merito sit clarus honore, geratq;  
 Hanc inter doctos ceu premia maxima laude m?

E



Noribergicorum

*Qua vivat, magnisq; ferat dicenda Poëtis?  
Iam sua fama etiam est Erythraeo maior; in illam  
Quàm tenebra quicquã, quàm lingua iniuria possit;  
Dum Latios pensat numeros; dum scripta vetusti  
Afferis Eloqui, Romanaq; iura reducit  
Restituitq; Oratori, quem format honestis  
Artibus, ac grato verborum lumine fulcit.*

*Hic Dasypodius formam cœlestis Olympi  
Explicat egregijs dexter rationibus, acri  
Subnixus studio dum Græcis nostra politè  
Copulat, ac patrias virtutibus excolit artes.  
Aut ego quid reliquos memorem? Sanè arbitror hisce  
Iam nihil esse viris vel cultius arte, vel omni  
Doctrina maius. Quin Disciplina Magistris  
Jam latè nomen peperit: cum quisque sequatur  
Officio laudem, quam virtus vera fidesq;  
Reddat; & in meritos succrescere donet honores.*

*Ast Argentinam cum tute reliqueris Urbem;  
Seu fluvio libeat Rheno descendere: seu te  
Obletetur fortasse magis pulcerrima tellus  
Qua vario circum vestitur gramine: Spiram  
Protinus appren-des: Nemetum qua prisca ferebat  
Urbs*



*Urbs populos, Ducibusq; adeo spectata Latinis  
Increuit bellis famamq; frequentibus auxit.  
Valde autem humanis gens moribus utitur. hic iam  
Iusticia portum Imperium decrevit: ubi omnis  
Disidyratio, iuris ceu lumine tolli  
Posit; & auersas reuocet concordia mentes;  
Quas pridem impulsas contentio caeca diremit:  
Funestasq; dedit sub pectora serpere lit es.  
Sanè equidem hæc Spira laus magna est Urbis. ab illa  
Uangionum sese intulerit Uormacia, multis  
Cognita priscorum studiis sedesq; locusq;  
Qui late sparsis certamina fortibus altæ  
Virtutis monumenta mouet: quo tempore Gotthis  
Imperij res prima fuit; lateq; Gygantum  
Fama per Ausonias sese extulit inclyta gentes.  
Hic sua Chremylidi victoria constitit, una  
Consilio pugiles quæ fædè obtrinit, eosq;  
Fraudibus illectos subuertit fraudibus. astu  
Gloria scæmineo tandem est excisa, ruitq;  
Nostrorum genus & veterum stirps clara parentū.  
Inde iter est fluuio, donec Moguncia sese  
Vicinis Rheno muris, ripisq; sinistris*



## Noribergicorum

Pandat, inest urbi facies gratissima, qua se  
Edibus euulgat: qua lati plurima victus  
Munera diducit, faciliq; obsonia disco  
Prestat, & annonæ pretium tolerabile figit.  
Hinc cursu liceat molli descendere. turris  
Inter aquas mox se medias ostendit, ubi ingens  
Miraculum veteri notum rumore peractum est  
Interitu scelerate tuo, qui muribus istis  
Hatto peris: dum te diuina potentia pœnis  
Implicat: ac seros docet ista cauere Nepotes  
Quæ nunc immani te funere crimina perdunt.  
Mox cursu & celeri se gurgite flumen inurget  
Aërios inter montes, interq; profundum  
Spectantes arces ingentia murmura versans:  
Cum sese intulerit Cobulentia mollis, ubi undas  
Permiscet Rheno Mosella & plurimus acri  
Confluit impulsu, lapsuq; accessibus urget.  
Hinc tandem se aperit, primas cui fata tueri  
Et multo proferre dabant conamine gratas  
Inter Rheni vrbes: quæ nota Colonia latè  
Exerit ingentes pulcerrima culmina muros,  
Insignesq; domos; veterumq; palatia regum,  
Templaq;



Templaq<sup>3</sup>, & æterna constructa ea mœnia laudi.  
Hic sedem Phœbus delegit Apollo Camænis  
Præcipuamq<sup>3</sup> aptamq<sup>3</sup> Deis: cui quicquid honoris  
Eximijq<sup>3</sup> operis studijs est Pallas adepta  
Perpetuis, clara veluti donauit alumna  
Et florere sacris est iussa Colonia musis.  
Postea Rhenus iter molitus in vltima tendit  
Ostia; qua triplici se infundit in æquora cornu  
Fluctisonumq<sup>3</sup> subit diuino gurgite pontum.

Hæc sua Pegnitio meta est; hîc deficit. aſt quas  
Interea proprio dum nomine permeat vrbes  
Et quæ tecta videt: quæ primis obuia cernit  
Culina littoribus, venturi maxima Vates  
Extulerint. nobis equidem Noriberga dedisset  
Materiem; nobis si Phœbus Apollo dedisset  
Ingénium: solido quod tantas robore moles  
Sustineat: tantumq<sup>3</sup> adeò decus explicet æquis  
Versibus, ac longum rebus dare possit honorem.  
Nunc verò tenue est quo nos præstamus; idemq<sup>3</sup>  
His impar factis quæ sunt amplissima. Cælum  
Et natura dabunt; qui grandia grandibus olim  
Versibus acta canat: pretiumq<sup>3</sup> inducere chartis

E 3



Noribergicorum

Posit, & Aonios inter florere Poëtas.  
Nos equidem voto tantum precibusq; sequamur.  
Ut quæ digna bonis, quæq; hisce salubria tectis  
Atque optanda fient cumulat a Iuppiter urna  
Perficiat. nec enim humana virtutis, & huius  
Arbitrij est; humili primùm de cespite magnum  
Tendere opus: firmis tum mox vincire columnis,  
Et dare perpetuos in lucra sequentia nervos.  
Ardua cœlitibus cura est: qui spemq; metumq;  
Inter agunt lentos in celsa palatia motus;  
Nec temerè fieri, quæ fiant magna, probarint.

C. ERAS-





# C. ERASMI MICHA- ELII LAETI,

## NORIBERGICORUM

### LIBER SECVNDVS.

**R**gò ubi Pegnitio patuit via flumini, & oēs  
Fontibus à primis deduxit Juppiter undas:  
Consilio fama est cœlestia numina magnos  
Decreuisse Deos inscribere littus honori,  
Atque admirandos inferre in mœnia ciues.  
Cumq; alijs aliud placuit; Noriberga sagacis  
Imperio, & studijs cessit victura Minerva  
Armisonaq; Dea: cui ne quid ab hoste pericli  
Surgeret, aut dubijs erret victoria signis,  
Quæ moueant seri pro Libertate nepotes:  
Ipse adeò cœli rector, satisq; futuris  
Decernens metas, regniq; innixus habenis;  
Palladijs Martem belloq; ac arte potentem  
Rebus adesse iubet. mox se Cyllenius infert,

Mox



## Noribergicorum

Mox Phæbus: rutulo cui circum tempora vultu  
Plurima flamma micat, verisq; & honoribus ardet.  
Sola Venus complexa Fidem se pone sequendo  
Suscitat, ac sacro deuincit fœmora cestro  
Nil cunctata. alios latè submouit. at ipse  
Desuper intuitus cœlesti dexter ab orbe  
Iuppiter, hanc diuûm confirmat lege Coronam  
Et fato ius esse dedit, vincloq; perhenni  
Sancit. ex illo properantes secula cursus  
Euoluunt: rapidoq; legens vestigia motu  
Gyrat iter Phæbus; celeresq; dat ire iugales,  
Et gradibus tardos impellit acumine menses.

At postquam fato series expleta resedit,  
Conuexitq; diem, quo se fundamina tanti  
Efferrent operis; primosq; capefcere motus  
Possent, atque bases venturis condere tectis:  
Vtilis extemplo & claras Vir natus ad artes  
Exitit; ingenio solers: cui plurima circum  
Pectus erat rerum & veteris prudentia mundi:  
Quiq; animo studijsq; æqui, & virtute valebat,  
Ac circumspecto meditatur acumine quicquid  
Egregias proferre operas, famamq; tueri

Posit,



Posit, & ingenuo decerpere commoda fructu.  
Hic igitur cælo tum iudice fretus honesta  
Urbis opus molitur; & his pomæria tendit  
Finibus; aratos ubi numina figere muros  
Et prostare volunt. quæ res felicibus ut se  
Extulit auspicijs, planoq; stat area fundo;  
Contrahit ætutum populos, varijsq; viarum  
Sedibus exceptos multa regione sequentes  
Partitur, tribuitq; locum & parentibus infit.  
Inclytæ Francorum soboles, gentisq; Sicambra  
Gloria prima; tuos quantum sors cunque parentes  
Exegit melior patrijs è sedibus; ultra  
Cum fluuios rapidi transit aq; mœnia Rheni  
Vexit, & hesperios inter dedit oppida Celtas:  
Quo sit nostra loco res & fortuna, videtis.  
Terra in conspectu est, rigidis velut obsita saxis  
Et sabulo distenta: ubi pingui fertilis aruo  
Planities haud lata subest: res una coëgit  
Quæ nostros olim maiores querere quas tum  
Aut terras petiere, aut nunc fortasse remotas  
Fœcundasq; tenent. sed enim nihil anxius ista  
Persequor: at hereo placeant quæ facta parenti,

F



## Noribergicorum

*Iusta putes: seu leta colas; seu tristia damnes.  
Nec tamen aret ager: steriles uē in pascua campos  
Omnis & omnis habet, vinis rubet uua ferendis:  
Et sua pampineo cumulatur gloria succo.  
Quin segeti locus esse potest, & idonea latis  
Frugibus ora: solum redimas si fortē molestis  
Sentibus, & latē paliurum falce rescindas.  
Hic igitur teneram primis radicibus urbem  
Molior. hic sedes venturo ac tecta nepoti  
Figere, & aratis propero dare mœnia portis.  
Hanc mihi confirmant & cetera commoda mentem,  
Quæ se vicino fluij de gurgite nostris  
Usibus intulerint: gratos ubi littora pisces  
Suppeditant, & aquas vitæ in compendia reddunt.  
Nec cæcis quisquam me duci sortibus, aut re  
Incerta vana uē putet. sua regibus olim  
Cura laborq; fuit nostra hac regione, deorum  
Auspicijs struxisse urbem: quæ iusq; bonumq;  
Publicum, & egregios adferret in oppida fasces:  
Nec potuisse tamen, fatis fortassis iniquis  
Exclusos: bellis cum vel quæ parta tuentur,  
Vel factō exercent longinquas agmine terras:*

*Et*



Et multo affligunt varias strategemate gentes.  
Arcem moliti sed enim hanc fixere vetustam,  
Quam coluere alijs fors haecenus obstitit. astiam  
Apperuisse putes, felicem Numina lucem,  
Qua quod maiorum spectabant vota, sequendo  
Perficias: operiq; loces fundamina; quo vix  
Posteritas aliud spectarit maius: honestos  
Seu vitæ mores, seu morum premia cernat.  
Vtq; nihil dubites monitis accedere nostris,  
Et cælo rem authore geri; cape signa futuri  
Euentus, animo quæ sunt firmissima nostro.  
Vidi ego formicas numeroq; ac agmine latè  
Errantes; dorsoq; cibos atq; ore ferentes,  
Huc celeri properare gradu: varièq; ruentes  
Post alias alias, hîc demum exponere quidquid  
Multiplici partum cumularat turba labore.  
Addita vox, properate, inquit. mihi somnia cura  
Sollicito rumpunt: cumq; expergiscor acervos  
Penè etiam specto, tam forti visa cerebrum  
Impulsuue mouent, rerum vel imagine firmant:  
Iamq; dies alterq; dies processit Olympo,  
Interea meditor dum quid mihi talia mesto

F 2



Somnia portendant . neq; enim mihi Somnia quisquā  
 Talia vana putet , temerēue existere credat:  
 Diversas subito cum nox mihi tertia formas  
 Intulit , ac animos cura maiore fatigat.  
 Namq; loco hoc ipso dilapsū ex aethere vidi  
 Spargentem radios , cœlestia lumina , Solem  
 Et latè mouisse faces . terra omnis , & omnis  
 Undiq; pontus , aquis quantum tumet ; huius ab orbe  
 Enituit ; placidisq; velut splendoribus ardet  
 Et iubar aeterno memorandum educit ab igne.  
 Somnus abit . me sollicitum tenet amula veri  
 Religio . cumq; his veterum sententia visis  
 Congruat , ac nostris conspirent tempora votis:  
 Haud metuo ductis iam nunc pomœria sulcis  
 Scribere , & hîc terras venturis cingere tectis.  
 Multa equidem venient huc cōmoda : multa vicissim  
 E nobis totus sibi commoda vendicet orbis  
 Et lucrum mercede petat . tum maxima cunctis  
 Incrementa feret ; tua cum te plurima cunctis  
 Approbet , ac latè spectandam industria reddat.  
 Spero autem superis benè fortunantibus hanc nos  
 Rem conaturos . Nec quem terræue locūue

Terreat



*Terreat asperitas: sterilesue horrescat arenas.  
Iuppiter ipse etiam fabulo delubra calente  
Fecit, & hac reddi votum tellure prob auit.  
Aut ego quid Lybicam memorem Carthaginis urbem  
Allobrogumue solum? duris ubi plurima saxis  
Terra riget; petrasque inter variosque labores  
Sollicitant operas, & spe sua lucra sequuntur?  
Scilicet hac supero constat sententia caelo,  
Virtutem studiis usque ausque parari:  
Nec qua clara sient famamque nepotibus addant,  
Ignavia segniue manu, somnumue sequente,  
Perficier. merito populis sudore grauique,  
Est opus: ingenuas cepto cum industria laudes  
Reddat, & aeternos cumulent impendia fructus.  
Sit locus hic noster sterili fortassis arena  
Tristior. at certe nostris vicinia muris  
Commodet: ac si quid nunc undique contrahat omnis  
Terra boni, magnisque paret sudoribus; huc se  
Inferet; huc patrias traduxerit accola merces  
Luxurietque foro, pretiisque obsonia vendat.  
Vna quidem ratio est; quae nos in lucra piosque  
Afferet euentus; animo conarier & re,*



Noribergicorum

Artificiꝫ manu: vigiles qua dextra laborum  
Seſtetur curas: neqꝫ ſe concedat inani  
Obruier torpore, animoꝫue fatiſcere. pulcrum eſt  
Eniti virtute (vbi forſan iniquior auo  
Sors aduerſatur) ſtudioꝫ accendere fatum  
Mollus, ac cunctas vincendo adducere gentes.  
Nos equidẽ hunc, quanquã paulò nũc langueat uſu  
Horridior, virtute locum illuſtremus: eritqꝫ  
E nobis fortuna loco; non nos locus iſte  
Aut beet, aut animo percuſos terreat. aut quid  
Aſſyrios etiam, primi qui regna per orbem  
Conſtituere? quid Auſonios, quid deniqꝫ multis  
Gotthica ſceptra canam? res eſt manifeſta vacante  
Incultoꝫ ſolo fixiſſe palatia Reges:  
Fortunamqꝫ loco, & claros ſtatuſſe triumphos.  
Nos etiam exemplo monſtrabimus, ardua quantum  
Promoueatur virtus: vbi non cœleſtia totis  
Viribus, aut toto ſyſtemate fata repellunt,  
Aduerſosue ferant in vota ſequentia diuos.  
Hac igitur mecum ſi quem tellure morari  
Et durare iuuat; protenſa in ſidera mentem  
Teſtetur dextra: ſonituꝫ ea fœdera firmet,

Propo-



*Propositum constans. Neq<sup>3</sup> enim quibus aspera rerū  
Conditio ingrata est: trepidantq<sup>3</sup> subire laboris  
Inyicium fortasse graue; (ut plerunq<sup>3</sup> videmus  
Esse, quibus niti fundamina prima necesse est;  
Cum capiunt tardos pulcerrima corpora motus)  
Hic aptos sese esse putent: qui multa laborum  
Tedia vel superent; animo vel tristia vincant.  
Ingenijs opus est, & quæ Patientia primos  
Fregerit insultus; rerumq<sup>3</sup> exordia quamuis  
Dura sient, forti tamen omnia perferat ausu:  
Et spem, vincendo meliora in commoda firmet.  
Me quocunq<sup>3</sup> ferat rerum fortuna, fidelem  
Communemq<sup>3</sup> adeo populis; ac iusta daturum  
Iura putes; quicumque sequi; quicumque tueri  
Iussa fidemq<sup>3</sup> velis. veteri noua mœnia castro  
Adiungam, & duplici constent mihi publica neruo.  
Sic dixit: superosq<sup>3</sup> animo complexus, honestè  
Persuadet: toterosq<sup>3</sup> infert sub sidera vultus,  
Propitiosq<sup>3</sup> Deos ventura in fœdera spondet.  
Cum simul; ingenti ceu quando exercitus omnis  
Induperatorum consentit vocibus ausu  
Et clamore: nec hos ventura pericula terrent;*

*Nec*



## Noribergicorum

Nec fortes animos quæ sunt præsentia frangunt:  
Sic turba applausu, dictorum extrema probarunt  
Seq̃ manu superos testante & sidera magni  
Fœderis in nexus: atque in communia vite  
Sive pericla ferunt, seu certa in commoda mittunt.  
Tu saltem nostris diuine Vir visibus adde  
Consilium: atq̃ tuis sis anchora fida, gerasq̃  
Prima Magistratus nostriq̃ exordia regni.

Finierant, læto cum protinus aurea plausu  
Tecta Jovis fremituq̃ sonant: vox lata per auras  
Increpitat, genioq̃ volant decreta secundo.  
Cum media in turba quidam; quocunq̃ malorum  
Sive æstro motus: seu rem conatus atroci  
Invidia turbare: animoq̃ inferre ruinas,  
Propositoq̃ metum; concepta rescindere verbis  
Et clamore studet; celeriq̃ profatus ab ore  
Sic cepit. Non me Socij fortasse loquentem  
Explodant: Nec enim subita hæc ad fœdera venit:  
Nec quæ dicta sient, firmare hæc omnia possum.  
Multæ obstant. Locus ipse parum iacet utilis urbi;  
Et riuo saltem alluitur. gens emula circum  
Laudis habet; certè quæ duci prima negarit

Mænia.



*Mœnia. Quid? furijs incensus atrocibus orbis,  
Fulminat, ac tristi Latium premit omnia bello.  
Vtq; aliud nil sit quod fortè morarier istud  
Possit opus; fama si res increuerit urbem  
Hic nos moliri, populosq; incingere tectis:  
Exemplò redeant, qui pridem Gallica Rheno  
Iam loca transito penè in sua prædia vertunt.  
Fortunamq; istic quacunq; è lege tuentur:  
Inuitisq; adeò nobis communia certè  
Tecta petent; turbentq; domos unaq; morari  
Et colere ista velint, nostrisq; penatibus uti.  
Sic quos nostra lares industria colligit, alter  
Occupet, ac nostris sit spes oppressa ruinis.  
Longè equidem melius sparsiq; vagiq; colentes  
Degimus. an volucrum non vita est cognita? pisces  
Annón in toto spaciantur gurgite? vel quid  
Agricolis poterit felicius esse? nec illi  
Mœnia stricta colunt: nec habent sibi certa volucres  
Quæ spacia æquatis sectentur motibus. una  
Libertas, quæ pauca negat, planè omnia donat:  
Et ferri molles inter dat corpora ventos.  
Et tamen hæc nullis obnoxia cladibus ævum*

G



### Noribergicorum

*Turba colit. miserum est includier agmina muris:  
Quæ cum se claudunt, iam se implicuere futuris  
Luctibus, & certos statuere in funera motus.  
Aspice quid Romæ cum primum est condita, sortis  
Accidit inuisæ? stultum est ordier id quod  
Plus damni intulerit; quàm lucri in præmia reddat.  
Fac age, quod fieri fingis tibi posse; molesto  
Vt sabulo condas medysq; in sentibus urbem:  
Quæ demum utilitas molimina tanta sequatur;  
Quæne erit impensi merces sudoris? an esse  
Propterea tete felicem dixeris: hoc si  
Includas tandem munimine corpora? mens est  
Quam potius frænare velis: cui ferrea ponas  
Vincula; nec studijs actam patiare sinistris  
Ducier, & toto scelerum feruore vagari.  
Quisne adeò ignorat, vel quanta superbia, quanti  
Interdum fastus, vel quanta iniuria muris  
Sit coniuncta? equidem res explorata monere  
Quemque potest. alios contemnunt ciuica: bellis  
Fidunt, ac multo violant tranquilla furore:  
Vicinosq; adeò manifesta in crimina cogunt.  
Nusquam est, quod satis his poterit censeries. urbes  
Hand*



*Haud satiare queas. cum affectant omnia; nullis  
Opplentur. quin semper hiant, quia semper habendo  
Languent, & nulla rerum ubertate quiescunt.  
Tum verò inuidia quantum est, quantumq; dolorū,  
Si quam iuxta etiam suboriri forsitan urbem  
Aspectant; metuuntq; suis discedere quicquam  
Posse opibus? Veios saltem tumidasq; Fidenas  
Hetruscasq; domos & regna antiqua Latinis  
Intueare: odio surgentis mœnia Roma  
Quanto exercentur? Quod si fortuna priores  
Huc etiam partes & maxima commoda voluat:  
Ut mediocri etiam consistas lumine; quantas  
Obijciat clades vicinia protinus? at si  
Mox aliquam fortasse etiam subnascier urbem  
Et procul haud colere aspicias; quo deniq; motu  
Crescentem tolere? bellis sua quisque tueri  
Et proferre velit. non oia tuta; nec usquam  
Gentium erit perspecta fides. ita praelia primos  
Atteret exorsus, vitamq; è funere captes.  
Quantò mollius hîc iam vivitur? ipse prioris  
Seculi etiam casus poterit docuisse; morari  
Tranquillos, quos nulla quidem vel mœnia ciues*

G 2



## Noribergicorum

Fossa vel ampla tegit . nusquam fixere parentes  
Maioresq; tui cumulatis Oppida saxis;  
Nec muros inferre locis properare . facessat  
Qui vita normam claros non esse parentes  
Duxerit . in vestras coëat sententia mentes  
Quæ vel cunq; . ego me sic deniq; comparo; ne quid  
Quod clades gignat , quodq; attrahat ignibus ignes,  
Bella serat ; populisq; luem conciuerit ; æquos  
Maiorum ritus , & lucra domestica turbet :  
Consensuq; animoq; probem . mea rura paterna  
Libertate colam . veniant in mœnia qui se  
Esse velint seruos , frænumq; admittere possunt .  
Huc etenim Leges , huc pœna & mœnia tendunt .  
Sic dixit , temerè dum plurima congerit , ausu  
Maximus ; at nusquam civili prouidus arte :  
Nec qui sermonis farragine lucra sequatur .  
Est hominum genus , & populi non parua furentis  
Portio : quæ turbare bonos , & vellere rectè  
Confirmata potest : cum nil tamen ipsa modesti,  
Nil fortasse boni sapiat . quibus omnis ineptè  
Est ratio digesta : animoq; ingrata sinistro  
Venditat , ac alijs multo fœdissima pandit.

Ceus



Ceu nunc oblatrat stulto melioribus iste  
Consilio: dum nunc vrbes, nunc Ciuica vita  
Fura premit, Murosque odijs obiectat; Et ipsum  
Quod populos ornat, quod Et oppida seruat inani  
Guttore proscindit, legesque euertere certat.  
Aut si quis sua fortasse Tyrannide quasdam  
Interdum versis affligit legibus vrbes,  
Et commissa premit: fuerintne proinde Tyranni  
Cuncti etiam, quos vel Ciues, vel regna Monarchas  
Esse iubent? Agathoclea quis contempserit: vnus  
Quod sese inuisum patriæ Dionysius vrbi  
Præstet, Et in miseros cumularit damna Colonos?  
Annè Magistratum superis donantibus orbi  
Prelucere putas? quosdam fortasse modestos,  
Quosdam etiam dant fata malos: res ista tonanti  
Definita, tuis æquata est rebus. ut esse  
Hunc igitur virtute studes; ita præsidet: atris  
Ater; at his etiam quos albos comperit, albus;  
Et pœnas duris, Et præmia mollibus æquans.  
Hos inter motus animorum Et plurima vitæ  
Officia haud quicquam donarunt pulcrius orbi  
Numina: quàm claras quæ florent legibus Vrbes;



## Noribergicorum

Ciuilesq<sup>3</sup> ferunt communia ad optima dextras.  
Ista autem quantis res fructibus eminet, inde  
Perspicias. Nam si tollas ea mœnia, sacro  
Consensu quæ iuncta vides, populosq<sup>3</sup> rescindas,  
Et simul euersis laceres culta oppida muris:  
Quas demum facies, quæ rerum pondera cernas?  
Notane Barbaries, quæ pridem maxima, rursus  
Gentibus immittet sceleratum moribus usum;  
Et tollet quodcunque vides Ciuile: fuissent  
Nulla vrbes, vel quis virtutem quæso futuram  
Dixisset: sanè est hominum coniunctio, dulci  
Quæ pretium virtuti auget: quæ iura Deosq<sup>3</sup>  
Copulat, ac recto formamq<sup>3</sup> ac premia condit.  
Quòd verò inuideant aliq<sup>3</sup> aliq<sup>3</sup> modestis  
Ciuiibus, & bellis turbare hæc mœnia tentent:  
Id tolerari etiam poterit: cùm maxima semper  
Inuidia creuere, salusq<sup>3</sup> è vulnere parta est.  
Non cessare igitur deceat: quia suaserit iste  
Fortè aliud. sapiat sibi; si commercia nolit  
Ista sequi: & nostris remoram ne rebus agendo  
Iniciat. Nam quod redituros deniq<sup>3</sup> Gallis  
Desertis statuatur; planèq<sup>3</sup> hæc oppida Francos

Esse



*Esse inuasuros; stultum est. colit illa beatos  
Iam pridem gens firma lares, fixosq<sup>2</sup> tuetur,  
Et nihil incertis euentum euentibus auget.  
Nostra hæc res agitur: quos huc fortuna Deusq<sup>2</sup>  
Impulit, ut socijs iungamus culmina tectis,  
Æternosq<sup>2</sup> fide parili sectemur honores.*

*Assensum est. ex illo igitur sunt tempore fundi  
Discreti, & vici. formam capit ambitus urbis,  
Sed tenuem paruaq<sup>2</sup>: velut rudimenta futuri  
Eximiq<sup>2</sup> operis; cum se solertia maius  
Vindicat in pondus, rerumq<sup>2</sup> aspirat habenis.  
Angusto fluuius ceu cum de fonte ruendo  
Crescit; ut ingentes tandem vehat alueus undas  
Confertosue lacus, diffusaue littora gignat.  
Sic primos Noriberga orsus molita, venusti  
Pictoris ductus imitatur: ubi emula veri  
Linea, non spacio primùm descripta patente  
Latius insurgit, totosq<sup>2</sup> amplexa colores  
Parietibus serpit. limbosq<sup>2</sup> meabilis implet.  
Quidue infante etiam rudius? cum prima sub aluo  
Stamina materna tenduntur; ubi aurea iusti  
Semina conceptus paulatim inducere formas*

*Et*



Noribergicorum

Et complere student. tenui fundamina iactu  
Existunt: opus at magnum succrescit; aluntq;  
Viscera visceribus quos addant mollia nervos.  
Quin matutino non protinus athere Solis  
Dulce iubar spectas. primos aurora iugales  
Explicat, ac dubios ostendit Lucifer ignes.  
Post ubi subuecto rutulat sub Apolline mundus,  
Jam totum splendor, quantum patet orbis, in orbem  
Funditur: ac vastas lustrat face Phœbus arenas.  
Haud alio posuit vallumq; & culmina ductu  
Cum primas Noriberga domos, & ciuica primum  
Tecta laresq; solo descriptaq; mœnia fingit.  
Aut ego quid Romam? quis namq; exordia Romæ  
Nesciat? aut primam memorem Carthaginis urbem?  
Inclyta res tenui producta ascendit ab ovo  
Et summos petit aucta gradus. Sapientia diuûm  
Prouidet, ex humili quæ surgant maxima fundo  
Culmina, & humanas inter sint lumina gentes.  
Clarius & certè est rerum fastigia paruis  
Crescere ab inijs; obscuraq; semina lucem  
Fundere, & è nebulis totos producere Soles:  
Quam fulgore quidem oppresso, de lumine fumum

Mit-



Mittere, & inductis immergere clara tenebris.  
Vidi ego magnificis natum genitoribus omnes  
Maiorum titulos, & auita nomina gentis  
Insigni strauisse malo; quod inepta secutus  
Inferret patrijs fœdas virtutibus umbras.  
Vidi etiam tenui plenos scaturigine fluctus  
Mittier; exili cum maxima fonte redundant  
Flumina, & eternas generat minor alueus undas.  
Sic sua Romano primum casa parua Quirino  
Tecta dedit; nudoq; domos in cespite iussit  
Moliri; donec successu temporis omnes  
Impleuit numeros; septemq; in collibus unam  
Tendit, & hanc validis firmavit ciuibus urbem.  
Sed quid ego hæc tenui confector arundine? vera  
Laus fiet, ex humili producere grandia: cumq;  
Haud celso fortuna gradu tibi constitit ipsis  
Injcijs aui; te facto attollere posse  
Fortunam: & si quid fueris fortasse parente  
Æditus obscuro; gratam tamen undiq; lucem  
Intuleris generi, famamq; Nepotibus addas.

At verò primum cum se Noriberga recentes  
Induit in vultus, teneraq; ab origine formam

H



## Noribergicorum

Aptavit spacijs, conceptaq; Mœnia fixit:  
Protinus ista quidem studio comprehensa recenti  
Cura fuit: iustis deducier aqua plateis  
Culmina, quâ certâ noua tecta imitentur amussim;  
Et sibi non curuos statuunt vestigia tractus.  
Nō infelices res hæc tentata labascit      n  
Mercurio. solers fuit hæc in munera primis  
Ciuiibus arbitrium: quæ quantum scilicet isto  
Curari seculo poterat res; inclyta tantum  
Gens studuit, ne quid perplexam ambagibus urbem  
Conderet; ac vicos vel inepto pangeret vsu,  
Vel non ventura forma esset idonea laudi.  
Utq; ea non dubijs sint vocibus acta; profecto  
Haud etiam quicquam tibi culta pulcrius Vrbes  
Spectandum dederint: quàm si mensura plateis  
Amplior obuenit; rectoq; è tramite lapsus  
Constet: & equato veniant suggrundia ductu.  
Quis verò claram, Bauaris cui primus in oris  
Est honor & latè fama sese extulit, urbem  
Ignorat Monachum? quantis splendoribus omnem  
Vicorum formam congestaq; culmina pandit:  
Dum sese equatis ad amussim recta plateis

Expli-



*Explicat, ac grata dilatat mœnia norma?  
Hanc æquat forma Lubecum diues; amœno  
Quæ constructa loco, & primis Vrbs condita tectis  
Spectanti blandos aperit pulcerrima vultus;  
Atq; nitore placet. tanta est gratissima iusta  
Structura facies: dum sese ex ordine vici  
Excipiunt: rectasq; urget mensura plateas,  
Quas sua primæno complexa est linea ductu.  
Tum verò spacijs non amplam fortè, sed omni  
Mundicie excultam quis nescit Lypsiæ? an Urbē  
Hanc non commendet speciesq; ac ordo? fuisset  
Paulò etiam maior, dum vinceret oppida; quot quot  
Aut Latum, aut Celtæ, aut Germania splēdida latè  
Ostentare solet, primisq; inscribere formis.  
Forsitan Augustæ multum tribuatur; habetq;  
Multum etiam, quo se populi sermonibus altè  
Intulerit: dum Diuitias, dum prisca parentum  
Laudibus acta vehat: dum se presentibus ornet,  
Et quæ larga quidem cumulat fortuna, sequatur.  
Aut quid ego Uratslauiam, fortemq; Viennam,  
Præcipuas varijs & claras Ciuibus Vrbes  
Addidero? poterit sola Hafnia nostra videri*

H 2



## Noribergicorum

*Ante quidem multis ponenda hoc nomine: quòd sit  
Opportuna loco; & præstanti maxima portu,  
Cui nullus sese similes aquarit in usus,  
Europa quantum se terminet ambitus. unum  
Defuerit; structam non marmore protinus esse,  
Aut laterum solidis, cum primū est condita, muris:  
Aut non tota etiam quadrato culmina saxo  
Exerere. è quernis compages plurima lignis  
Creuerat. & certè Quernis haud infima lignis  
Gratia & usus inest. nostro tamen induit auro  
Formam aliam; nitidosq; ineunt fastigia vultus:  
Et sibi paulatim surgentes auget honores. (inde  
Sed quid ego hæc? Noriberga recens sibi consulit:  
Cum mox à primo vicos fundamine iustis  
Distribuit spacijs; rectasq; annexa plateas  
Condidit, ac veros mensuram aquauit in usus.  
Jamq; annos anni cumulant, & secula seclis  
Multiplicata fluunt; cum se Noriberga secundo  
Promouet accessu: quantumq; industria latè  
Exercet populos; tantum sese artibus addunt  
Numina, & æternam virtus amplectitur urbem.  
Sed quis tanta breui referat pulcerrima versu  
Facta;*



*Facta; quibus sese humana Respublica genti  
Ista probat? non si me forsā habere dedisset  
Tot Deus ora, quot Hyblei iuga plurima montis  
Florilegæ sectantur apes: aut æquora fluctus  
Præcipitant misero stolidè tentata Leandro:  
Has equidem digno comprehensas carmine laudes  
Dicere; & ut merita est, meritis ita plaudere posse.  
Namq; ut origo boni Deus est: ita maximus orbis  
Testem agit. at quantum se porrigit Amphitrite  
Oceanusve graues circum cava littora pulsus  
Egerit, ac vasto dilatat brachia mundo:  
Immenso tantum Respublica crescit ab usu  
Et famam Noriberga fouet; quam terminat idem  
Ambitus Oceani, qui terminat ambitus orbem.*

*Interea varijs vrbs sortibus auctior altè  
Surgit, & extenso protendit culmina muro:  
Cōtrahiturq; virum numerus, quibus æmula magni  
Pectora successus totas implere cohortes  
Urbanasq; habitare domos & tecta laborant.  
Mox sua prima nouis fiducia Ciuibus acres  
Ingenerat motus animorum, & fœdera firmat  
Diuite spererum: cum se successus honesto*

H 3



## Noribergicorum

Promouet usu, a quisq<sup>ue</sup> venit sua gloria votis.  
Largiter increscit numerusq<sup>ue</sup> ac ordo iuuenta  
Et pubem Venus alma serit: connubia letos  
Inter alunt solide coeuntia fœdera ciues,  
Aspirantq<sup>ue</sup> suis iam tum noua mœnia regnis.

Vtq<sup>ue</sup> etiam firmo tantum fulcimine constet  
Urbis opus, primam Fidei posuisse feruntur  
Ædiculam; soli cui se Respublica Diua  
Vouit, & huic uni nomenq<sup>ue</sup> ac fata dicauit.  
Mox sua Gradiuo licitis qui præsidet armis  
Militiaq<sup>ue</sup> Deo, communibus ardua dextris  
Templa locant. Sanè hic meritos induxit honores  
Ciuiibus, & firmo statuit fundamina muro.

Postquã urbi forma cõsultum & pace reperta est  
Palladias tentare artes aggressa iuuentus  
Nil prætermissum, quod honestè exquirere posset,  
Esse sinit. vigili circumspicit undiq<sup>ue</sup> vultu  
Quã complexa viam sibi consulat: an ne feraci  
Verset humum, glebasq<sup>ue</sup> agili proscindat aratro  
Et terram studiosa colat; quæ forsan arena  
Languidior, steriles in semina pandere sulcos  
Posset, & haud diti cumulare impendia censu:

An



An verò ingenij sectetur acumine, quâ se  
Malleus in ferri massas & dura metalli  
Pondera precipitat: tenuis cum lamina formas  
Nunc istas, nunc hasce capit; varioq; meatu  
In quoscunq; voces migraverit ardua vultus.  
Deniq; si lanam licijs induxerit (hic cum  
Vitibus haud fas sit cultura insistere:) nunquid  
Eximias aurove operas, gemmisve nitorem  
Commodet; aut sacris struat alta palatia Musis;  
Perpetuoq; velit complecti iure Camœnas?  
Cum tantis animi curis se protinus istuc  
Intulit, Hospitium ut claris fiet artibus: unde  
Et generi humano lucrum; & sua prima Tonanti  
Gloria, & ingenijs non vani oriantur honores.  
Id cum proposito decretum constitit, auget  
Iudicium Deus; & gemina iubet alta bilance  
Commoda mensuris pendere sequentibus. id ius  
Jam pridem cœlo firmum est: ut diuite nostras  
Accedat plerunq; domos numeroq; bonoq;  
Et magno penset quæ sentit grata talento.  
Utq; ea res oculis constet subiecta, tueri  
Hic te pictorem inbeo; qui qualiter arte

Corpo-



## Noribergicorum

Corpora molitur, varijsq; coloribus auget  
Et membra & faciem; teretesq; in tergora lumbos,  
Extensasq; manus, plantisq; talaria iungit:  
Et tamen una omnes hos linea colligit artus  
Includitq; sinu: ne quis vel plura putarit  
Corpora, vel temerè congesta ea viscera narret.  
Haud aliter Noriberga, sequi dum singula primis  
Imperij curis, rerumq; è fonte laborat;  
Cuncta simul complexa capit: cui Juppiter uni  
Maxima cum sperare animo; tum maxima certè  
Assequier sperata dedit; facilisq; secundat  
Arbitrium, & claram cumulat prouentibus urbem.  
Hinc igitur tanta est, quanta est Noriberga; Deoq;  
Propitio fruitur: cui cum se subijcit, altos  
Exuperat fortune aditus; vincitq; sequendo  
Ardua, & haud dubias infert in mœnia laudes.  
Aspice quid primo Respublica semper ab ortu  
Passa sit: quibus hac animi virtutibus omnes  
Deicit osores: quo vel discrimine muros  
Auget, vel ciues Libertatemq; tuetur.  
Vtq; nihil prisca memorem certamina gentis,  
Quid fortuna recens, res est illa obuia luci;

Burg-



Burggrauis certata viris, Ducibusq; molestis.  
Intulerit cladis fusiq; in culmina belli?  
Et tamen hostiles inter Noriberga tumultus  
Inuisasq; manus superis asserta beatis  
Consistit; nusquamq; labat, nusquamq; ruendo  
Deficit: at maior superato latius hoste  
Frondet, & aeternas cumularit in oppida lauros.  
Quo fato cum duret, inest reuerentia fato  
Applaususq; bonorum, & honesti plurima voti  
Materies. quidenim? cum excellat diuite rerum  
Notitia, formis sibi rerum & acumine totam  
Obligat Europam: populos trahit, excitat omnes;  
Ut demirari artifices & honesta feracis  
Ingenij monumenta velint. ita digerit omnes  
Fortuna articulos, seq; in sua commoda certo  
Promouet euentu, fixaq; hac sede moratur.

Nec tamē & studijs operum, atq; laboribus hisce  
Eximys tantum superat Respublica. forsan  
Æmula defuerit nulli manus altera mundo;  
Et plures tentare inuet; quod & vsibus & re  
Ponderat, ac laudum titulis imitaries audet  
Maxima. quin felix imitatio prouida multis

J



### Noribergicorum

*Succedit; dextraq; valent, & mente sequuntur,  
Quæ sibi primâ quidem velut exemplaria cernunt.  
Hæc iucunda bonis contentio, promouet artes  
Artificesq; iuuat. crescit studiosa laborum  
Congeries; pretioq; modos industria gignit.  
Hys iam lata bonis superat Germania. ferri  
Multiplices operum nexus, atq; ære polito  
Spectandas præbet diuersa per oppida formas.  
Cumq; olim Italix fuerit possessio, rebus  
Addere conformes humanis vsibus artes  
Et varios inferre modos: quibus inclyta quondam  
Hispanis etiam venere Encomia regnis:  
Jam sibi deposcit Decus hoc Germania: nusquam  
Deficit, ac studiis totos consurgit in asses.  
Passim igitur multos cum iam Noriberga sequendo  
A tergo spectet: cumq; hos industria, nunc hos  
Excitet, ac vario populos exerceat usu;  
Gratatur studiis hominum; causamq; dedisse  
Plaudit, & ut letis stet res successibus, orat.  
Vnum sola habet, ac nullis commune per orbem  
Gentibus, egregiam prorsus Rempublicam; honestis  
Quæ legum morumq; modis composita labantis*

*Iam*



Iam passim virtutis opes, secliq<sup>3</sup> vetusti  
Integritatem animis & agendi more reducit.  
Vnica quæ mundo iam lucem prabeat; hanc si  
Quis tamen aspicere, & complecti pectore lucem  
Vellet, & optandos animis inducere motus.  
Principio consensus enim ter maximus illis  
In sua lucra manet. lucrum Respublica vera  
Definit bonitate: ubi non iniuria, non vis  
Non quemquam damno fraus circumscribit inani.  
Ast animis quæ recta colit; operasq<sup>3</sup> beatas  
Promouet officijs, & mutua commoda firmat.  
Omnis in hoc conatus abit; quo quisq<sup>3</sup> secundis  
Utatur vitæ propria in certamina votis;  
Et nusquam, alterius quæ sit fortuna, moretur.  
Cui nunc penè malo totus vacat orbis: ubi omnes  
Omnib. inuideant; nec quenquam excellere quisquæ  
Aut prestare velit. tantum improbitate maloq<sup>3</sup>  
Peccatur genio, & studijs peccatur acerbis.  
Has damnat Noriberga vias: hæc monstra luemq<sup>3</sup>  
Pestiferam tota virtutibus arcet ab urbe;  
Et commune bonum officijs molitur honestis.  
Quin concepta animis hæc est contentio; ne quid



## Noribergicorum

Res etiam cladis patiat<sup>r</sup> publica; si quo  
Tempore priuatis graui<sup>a</sup> in certamina rebus  
Indigeat; toti<sup>q</sup><sub>3</sub> salus fortassis honesto  
Sit bello querenda Vrbi: cum Ciuib<sup>us</sup> arma  
Imperet, ac socios in praelia digerat enses:  
Hic fultam neruis Rempublicam, & are bonorum  
Priuato florere domos; res vnica lucro est  
His, qui communem bello quesisse salutem  
Et vicisse velint. partarum huc pertinet omnis  
Prouentus rerum; priuataq<sup>3</sup> commoda volui  
Et spectare putes: opibus Respublica tandem  
Vt sit salua tuis: neq<sup>3</sup> te desert a rapinis  
Et preda cedat, casuue agitetur amaro.  
Hic igitur finis sociati est fœderis: huc se  
Consensus ciuilis agit: communibus vt se,  
Vt libertatem ac muros tueatur in armis:  
Et belli statu<sup>ant</sup> sua lucra domestica neruos.  
Non aurum, non argentum, non gemmea cistas  
Materia opplerit, quæ prodat Publica. valdè  
Peccatur, cum quis communi fortè saluti  
Ante quidem ponat priuatæ commoda vitæ:  
Communesq<sup>3</sup> & opes animo conseruet egenti.

*Ille*



*Nulla equidem dudum res perdidit una valentem  
Persea: Romuleos hac perdidit una Quirites,  
Et pessum magnos etiam dedit ire Monarchas.  
Stulticia est, sapere à facto. nec pellitur hostis  
Is facile; occluso quem pars aduersa metallo  
Fulcit; & ut nassa plenis inuitat aceruis.  
Cura parandarum quapropter sedula rerum,  
Sed iusta & nullis obnoxia fraudibus adsit:  
Quas ita possideas; ut cum tua lucra sequare  
Et proprias cumularis opes: tamen vsibus istas  
Deberi causisq; putes; Respublica vero  
Iudicio si quas, ut publica commoda reddit.  
Hac igitur Cives cum se virtute probari  
Et ratione sinunt: patriæ cum iura salutis  
Omnibus ante quidem priuati fructibus aui  
Consilijsq; ferant: equidem ditissima cunctis  
Exuperat Noriberga bonis: letosq; penates,  
Atq; redundantem cumulat prouentibus urbem.  
Deniq; communi se quisq; huc commodat usu;  
Huc spectat, cuncti ut felices viuere possint:  
Sintq; urbis Cives non tantum & mēbra: sed omnis  
Sint sibi causa boni: sint Libertatis auitæ*



Noribergicorum

*Custodes. quantumq; animis opibusq; valebunt;  
Tantum annitantur studiisq; ac Marte beata  
Maiorum facta, & Civilia iura tueri.  
Hanc sibi iam pridem crebro Respublica laudem  
Occupat euentu. Sola est cui Iuppiter istud  
Muneris indulget; conceptaq; vota secundat;  
Ac firmos inter consistere donat honores.*

C. ERAS-





C. ERASMI MICHA-  
ELII LAETI,  
NORIBERGICORUM  
LIBER TERTIVS.



*T* verò primis nituit circumdata muris  
Vrbs Noriberga; nouosq; in mœnia tran-  
stulit vsus

*Communes sectandi operas, partumq; tueri:  
Successu deinceps usa est in vota secundo,  
Et maiora capit simul incrementa, foresq;  
Sic foribus iungit simul ut gratissima tectis  
Aucta sit, & multo se forma extendat honore.*

*Aut quæ prima suis inducam laudibus? Urbem  
Anne ita magnificis enascier adibus; omni  
Quâ specie excellit iustisq; stat ardua muris?  
An verò tanta rem Maiestate tueri  
Publicam, & eximijs florentem viribus altè  
Surgere, & æternos proferre sub athera fasces?  
Nec dubium est supero referenda ea clara Tonanti  
Mune-*



## Noribergicorum

Munera: qui quantis mortalia facta triumphis  
Destinat, à primis decernit fontibus. uni  
Prospera cuncta Deo sunt adscribenda: manuq;  
Ipsius appensa est qua te sors lata sequatur.  
Aut quot structa quidē sunt oppida: qua tamen esse  
Penè obscura vides? vel si fortasse nitorem  
Sanè aliquem ostentant; alio tamen ordine valde  
Pressa iacent: sortemq; gemunt, priscaq; queruntur  
Se Libertatis spoliata hic legibus esse.  
Sunt alijs sua fata: ut nil se attollere possint.  
Latior aſt alijs nocuit fortuna: minor quòd  
Sedulitas plerunq; fiet, quibus inclyta rerum  
Conditio numeris sese explicet omnibus. aut quis  
Nesciat in quantos sese inferat Hasnia fructus;  
Si modo conniti, & studijs advertere curas,  
Solertesq; velit distendere in ardua nervos?  
Illa loco certè posita est, unde unica toti  
Commodet Europæ: Zephyrosq; amplexa modestis  
Eoi populis medianti cardine iungat;  
Distantesq; suo faceret coalescere lucro.  
Hac illa immensum ratione excreceret. at nos  
Atterit ipsa boni ratio; qua plurima nostros

Cum



*Cum fouet, hanc tenui sectamur acumine. rerum  
Ubertas rebus non consulit. Ast Noribergam  
Cura animi magnis inscripta laboribus Urbem  
Promouet; ingenua cum sollicitudine cunctos  
Explorat tractus fortuna; amplasq; sequendo  
Duitias cumulat, famamq; hac laude tuetur.  
Asperior locus est: sed iusta industria Cues  
Asserit, ac steriles solertia vincit arenas.*

*Moribus his igitur Respublica creuit. at illam  
Interea ratio geminis firmissima neruis  
Colligit; ac merito florentem vestit honore.  
Altera, Templorum certè est cultusq; Deorum,  
Et pietatis opus: cum Christo accedat, eiq;  
Et soli, & vero reparat iura salutis  
Deferat humana: pretium qui soluit, & Orco  
Imposuit felix aternas Victor haberas.  
Hanc Euangelij doctrinam, atq; inclyta verbi  
Cœlestis monumenta sibi Noriberga putauit  
Suscipienda: nigrum quando auersata Draconem  
Inferniq; greges, toto semouit ab usu  
Pontificum; verè cum iam documenta salutis  
Purgaret; nostrumq; adeò sparsisset in orbem,*

K



Noribergicorum

Leucorei pastor gregis & tutela LVTHERV S.  
Hoc Doctore statim ut gustum Respublica tanti  
Muneris accepit; pedibusq; manuq; repente  
Fertur in hanc curam: Christumq; amplexa fidemq;  
Afferuit; nullis, quæ multa fuere, periclis  
Territa: cum veniens Augustam Carolus urbem,  
Adduxit Fidei tractanda negocia nostra.  
Ex illo constans durat Respublica, cælo  
Defensante dijsq; animum firmantibus: ut nil  
Quod Christo aduersum fiet, admisisse feratur.  
Interea quibus vsa quidem est verbiq; ministris  
Eximysq; viris superæ præconibus aulæ,  
Rettulerint alij. nos, ne maiora sequamur,  
Et seriem longo ducamus ab ordine certa  
Impedit ratio. Theodori nomina Viti  
Et merita, & claræ sacros virtutis honores  
Posteritas mirata canet. iamq; illa per orbem  
Sparsa nitent; interq; manus interq; bonorum  
Censuras celebri versantur maxima laude:  
Iustaq; fama viro & bonitati premia reddit.  
Heu paucos animo tales: licet esse videri  
Præstantes doctiq; velint: quibus altus Apollo

Etsi



*Et si aliquid fortasse dedit, quod dixeris esse  
Haud paruum: tamen his prauamq; malamq; leuēq;  
Disposuit Stygio fortuna e semine mentem:  
Cum studio noceant; & acerbo plena veneno  
Pectora prae-textu bonitatis in omnia fundant.  
His metam sors & aqua furoribus atq; malignis  
Vsis ingenij statuet, cum sidera iustas  
Nequitys pœnas decretaq; premia reddent.  
Sed quid ego hæc? Viti nomen famamq; nepotes  
Et monumenta colant. peregrini industria Vatis,  
Vel nihil assequitur; vel non satis; unde sepulto  
Constet honos, meritq; inter sint nomina laudes.  
Defuncto successit, honesto maximus suo  
Mauritius; quo nunc Respublica præsule multum  
Utitur ingenio: rerum cui forma bonarum  
Cognita; nec leuiter nec quid molitur ineptè,  
Nec turpi cumulat monumenta domestica lucro.  
Palladijs sed enim cum floreat artibus artes  
Promouet, ac magna pietatis laude gubernat:  
Eximius studijs, mentem bonus; integer acri  
Ingenio; cui quid deceat, nouisse labori est.  
His igitur Noriberga viris similiq; bonorum*



## Noribergicorum

Vsa ministerio; doctrinam & pura salutis  
Semina conseruat; longosq; inferre sub annos  
Et retinere studet; custos, tutela, vigilq;  
Existens; ne quā Sathanas perrumpat, & hoc quod  
Sparsum est immangi grassatus strage necarit.  
Vtq; minus causa desit quam fida tuetur,  
Instituit firmatq; Scholas, conditq; Lycæa;  
In quibus ingenuæ certis Doctoribus artes  
Tradantur; stolidæ & via sit patefacta iuuenta,  
Vt sapiat: si quid sapere aut didicisse decorum  
Esse putatur, inest multis contemptus, & hoc quod  
Conamur, studiis meliores reddere; certè  
Quo deceat paucos animo acceptare videmus:  
Afficiere etiam curis; quas semper honestas  
Maturasq; bonos alieno nomine cernis  
Complecti. Sedenim nihil his Noriberga periculis  
Officio cedit. Studiosæ multa iuuenta  
Commoda partitur, doctosq; adhibere Magistros  
Contendit. fructu quæ res succedit honesto,  
Eq; suis multos ad frugem adolescere cernit.  
Aut ego quid Doctis impensa salaria dicam?  
Res pro more quidem maiorum Publica multos

Quos



Quos fouet, ac gremij veluti sub iure tuetur  
Acceptos; meritoq; loco dignatur; & omni  
Officio cumulat; primisq; & honoribus auget?  
Res in conspectu posita est. saltem inclyta magni  
Schoneri monumenta vide; quo maius haberi  
Nil potuit. tantum solida fuit artis in illo  
Ingenijq; Mathematicas dum sedulus artes  
Vindicat, ac cæcum reparatas spargit in orbem.  
Postea Schonero veluti genitore secuta est  
Disciplinarum soboles ingensq; feraxq;  
Atq; animis solers: placitis quæ adiuta Magistri  
Auxit opus, pulsissq; dedit spectarier umbris  
Artibus inductam studioq; & acumine lucem.  
Hoc decus æterna dignum Respublica Cedro  
Maioris fecit; quàm cæci lubrica Pluti  
Carpere sectando vestigia: spondeat omnes  
Hic quanquam fallax & opes in iurgia mittat.  
Cumq; sibi hanc retinendam etiã Respublica laudẽ  
Esse putet: nusquam cessat decernere Musis  
Premia. quæ certè tantarum maxima rerum  
Impensis etiam magnis possessio durat,  
Sacraq; non vili retinentur Numina lance.



Noribergicorum

Quin age, quis sacros memoret Æne ferat Æne Poëtas  
Eximiosq; alijs excultos artibus: hoc qui  
Aut Cives vixere loco; aut sensere beatæ  
Vrbis opes: dum Pegaseis æquat a Camænis  
Commoda percipiunt, studijsq; ea fulcra merentur?  
Helius hîc vitæ plerunq; Eobanus honestos  
Exegit scribendo dies: cui Phæbus Apollo  
Non molles tantum donabat fundere versus:  
Sed Laurum adiecit; primisq; in vatibus esse  
Precipuum dedit, & solida prestare Corona:  
Quam non stulticia est nactus: cum forsitan effrons  
Esset, & indigno captaret premia versu.  
Huic moderato igitur cum Laurum magna virentē  
Calliope inferret comitata Sororibus, una  
Sic monuit Clio. nostri cape muneris Hesse  
Principium hoc etiam: ne quid mortalia spectes  
Premia, & ingrato subdas sacra pectora mundo.  
Hac vinas iam laude; Deo quod teste Poëtam  
Te noscantq; colantq; tui: cui gloria latè  
Serpit: & ingenuis crescant tibi nomina Musis.  
Sic dixit: blandeq; virum complexa fragorem  
Induxit scriptis fatumq; æquavit honori.

Aut



*Aut quis Vernerum, cui sacra Mathemata latis  
Sunt studijs exculta viro, iam nesciat? ille est  
Qui varios doctrinae usus caelestis amœno  
Extulit ingenio; dum Conica pandit, & amplos  
Interea fructus ad commoda publica flectit:  
Visuiq; adeo radij fundamina monstrat.  
His alios addas, quos vel Noriberga clientes  
Vel studijs claros habuit. mihi multa virorum  
Nomina sunt ignota: quibus quod Phœbus Apollo  
Ingenium pinxisset, habent hoc vindice famam  
Quam sibi posteritas retinendam grata putarit:  
Anne Sebaldi etiam; anne Henrici plurima Rysi  
Obscura esse putas merita: haud obscura profectò  
Hac merita esse putes; quibus est ita deniq; Musis  
Consultum; ut multa Noriberga amplissima luce  
Splendeat, his studijs: dum nostris Græca latinis  
Aut ambo, aut certè Rysus sic copulat: inde  
Ut iam non tenues capiat Respublica fructus:  
Hocq; etiam celebrilatè cumuletur honore.*

*Deniq; & hæc aliquis putet argumenta beate  
Florentisq; adeo Noribergæ existere: quod cum  
Plurima largiri & studijs infundere possit*

*Perpe-*



## Noribergicorum

Perpetuoq; velit: nusquam tamen istud agendo  
Deficit. immenso constant impendia censu  
Et larga veniunt, veniant quæ munera, dextra.  
Non tamen aut animū Respublica contrahit; aut re  
Exhauritur. inest factis benedictio; quæ se  
Crescit, & exundant diti redeuntia Fisco.  
Sic simul ingenuis ac Phœbus Apollo Camœnis  
Consuluit; firmam iusserunt Numina sedem  
Ingenijs hanc esse bonis: unde omnis in omnem  
Penè etiam Europam: ceu magni maximarius  
Flumina, prouentus Doctorum existat: eoq;  
Musarum alueolo sibi mella fragantia totus  
Colligat, ac partis letetur fructibus orbis.  
Utq; etiam aethereo cum splendet Phœbus in orbe,  
Omnibus impertit lucem; radijsq; meando  
Seruit, & æternum fundit cum luce calorem.  
Sic Noriberga bonis enata Authoribus, ipso  
Sanè equidem cælo; non se sibi seruat. in omnes  
Venerit utilitas: quodq; educat ipsa potiri  
Sapè alios videas rebusq; insistere partis.  
Id certè agnoscant etiam qui lucra sequuntur  
Ex alijs: matremq; colant, qui pignora laudent.

Sed



*Sed quo Musa vehor? clarum diuine Melanthon  
Ipse introducens HELINGUM in sede locabas  
Hac pastoralis: cui nunc virtute sacroq;  
Præsidet officio: leuibusq; alienus ab iris  
Arixis, studioq; procaciter undiq; tete  
Et manes vexare tuos, & carpere dictis:  
Non hac ingratis par impietate, labores  
Ut nihil esse tuos, & scripta volumina dicat.  
Sed potius quate, qua Præceptore Luthero  
Hauferit, ingenuo seruata ea pectore reddit:  
Et puram verbi lucem sine nube tuetur.  
Sanè ego nil maius meliusue Melanthone multis  
Vel seclis vixisse reor: vel vivere posse  
Expecto. tantum studiis animoq; valebat  
Ac bonitate. nihil simulati pectoris, & nil  
Fuci inerat. recto pergebat tramite: rectè  
Cum docuit, rectè vixit: recteq; secabat  
Verbum. & quâ potuit, studuit prodesse, pieq;  
Profuit: ac multis portus fuit: una salutis  
Anchora; cuius opem varij implorare, molesta  
Cum se iactari nonnunquam sorte viderent;  
Et sibi non grato quassari lintea vento.*

L



## Noribergicorum

*Aut etenim ipse manum miseris supponit, eosq;  
Subleuat, atq; dato iussit credere nummo.  
Aut quos ingenijs prestare ac pectore vidit;  
Publica tutari quò res atq; oppida possent:  
Hos equidem magnis commendat Regibus. aut si  
Non etiam his; claras instructos mittit ad Urbes;  
Quos pietas foueat, læta dum stipe fruantur  
Et crescant sacris pars non extrema Camænis.  
His animi studijs atq; hac virtute Melanthon  
Charus erat. multis ratio est diuersa: sed illum  
Et Deus, & Musæ & vitæ assuefactio talem  
Finxerat. at hereo res est enata parente;  
Si cum tute sies doctus, bonus esse probere:  
Atq; habeas solidam benefacta ob plurima laudem.  
Hunc Noriberga virū quantum dilexerit, & quo  
Sit complexa animo, notum est. Deus excitat illos  
Qui sedes Musis & honesta salaria condant. (Vrbi  
Altera causa boni, est Regimen; quo maximus  
Constat honos, meritisq; venit sua gloria formis.  
Aut mihi quis rerum fastigia summa; quis omnes  
Explicit Imperij nervosq; ac commoda; tanta  
Vrbis ut æquatas complectar carmine laudes,  
Et celebrem molli ditissima mœnia versu?*



*Scilicet hæc Musis ipsis & Apolline prorsus  
Digna Deores est: vel si cui Phæbus Apollo  
Inspiret promptam, quæ sufferat omnia, mentem;  
Conatusq; iuuet, rerumq; in pondera mittat.  
Fas cælum vix esse finit mortalibus. aut quem  
Huc suus error agat, stultiæ in pectore motus:  
Ut quem cuncti etiam nequeant comprehendere, solus  
Apprendisse velit? superant quæ grandia vires,  
Ne subeas. at enim si quid tentasse ferare;  
Ne tu committas, ut perfecisse videri  
Nil etiam possis. vanum est cepisse: ubi cursu  
In medio cogat grauius subsistere pondus:  
Et procul à meta lassos soluisse iugales.  
Et tamen hoc etiam si quis certamine primos  
Urget equos; aliqua poterit fortasse videri  
Progressus; nusquamq; etiam cessasse labori  
Qui pariat veram coniunctaq; premia laudem.  
Interea pleno licet haud potiamur in omnes  
Successu numeros: aliquaq; ostensa retardet  
Maestas calamus; puppimq; auertere certet  
Cursibus: iccirco non tota est iure theatri  
Cedendum. certare iuuet, cum vincere laus sit,*



## Noribergicorum

Ergo ubi se forti cinxit Respublica muro,  
Et rerum statuit commercia prima: repente  
Legibus induxit formam: ne forsitan usquam  
Perderet egregios nocitura licentia Cives.  
Hoc posito rerum fundamine, protinus ordo  
Persuasus populo est: Patrumque verenda potestas  
Emersit; rebus qui ponant limina; quique  
Fortibus utantur iura in communia loris. (nont  
Hos penes omne quidem arbitrium; quo more guber-  
Quoque suos usu compendia in aurea mittant:  
Tranquillamque bonis seruarint Ciuibus Urbem.  
Hæc pars æthereo par est Jovi. is omnibus unus  
Imperat, ac cunctis decernit munia diuis,  
Decernitque modum: quo sese in facta Minores  
Exerere, & mundo sortes infundere possint.  
Haud aliter veteri Noriberga è more sacratos  
Ire Magistratus, iurique præesse ferendo  
Dicundoque videt. quibus hæc reuerentia honosque  
Ceu superis datur: ut nusquam plebs, inclyta Patrum  
Iudicet acta: nec inquiret qua denique causa  
Sint moti; ut tali ciues è lege gubernent,  
Præscribantque sue, quæ sint facienda, corona.

Vt



*Vt radijs igitur subiecti corpora mundi  
Vindicat à tenebris, aperitq; latentia Phæbus  
Spectariq; facit: Sic se Respublica, patrum  
Consilijs infert manifesta in lumina; nec quid  
Obscurat leges, & habent rata iura vigorem.  
Quæ res una salutem & publica commoda gignit,  
Gignit opes, animosq; fouet: tum pectora iungit,  
Fœderibusq; coire iubet, nexuq; beato  
Adscitis patriam coalescere gentibus urbem.  
Quin si quis merita, & tantorum facta parentum  
Aspiciat; mirari equidem iam desinet: hac quod  
Religione etiam ac populorum more colantur.  
Prudentes etenim motus & pectora nullis  
Effera stulticijs; operas, quibus omnia cunctis  
Officia impendunt; virtutis longa beata  
Agmina, & erectas in publica commoda mentes,  
Quis memoret? nihil hîc humile est; nihil obuium  
Consuetiq; hominû studio. sunt omnia celsa, (inani  
Sed moderata tamen. quid enim? quocunq; tueri,  
Atq; oculos deferre iuuat; nihil hocce virorum  
Confessu maius: nil quod quis dignius esse  
Imperio dicat, patriæ optatius urbi.*

L 3



## Noribergicorum

*Tum sua iustitiæ rigidas Clementia leges  
Temperat; ac animis innata Modestia seruit.  
Non fastus, non hos funesta Superbia turpi  
Obijcit Humanos probro. cumq; omnibus ante  
Muneribus cellant: sic illis vita modusq;  
Ducitur; in nullo tamen ut superare videri  
Aut vicisse velint. Virtus moderatur agendi  
Consilium, & dubios firmat sapientia gressus.  
Moribus his pacem retinent. Concordia Cives  
Unit, & haud fragili coalescunt pectora vinclo.  
Sicut in athereis igitur Sol motibus inter  
Sidera cuncta nitet. Sicut pulcherrimus auro  
Inclusus Jaspis. sicut noua sponsa marito  
Adducenda oculos in se conuertere totos  
Et retinere potest: sic patrum hic ordo, Senatus  
Inclytus, officiis & honesti muneris usus,  
Sedulitate, manu larga atq; affatibus ultrò  
Humanis; rerumq; adeò quæ ritè gerantur,  
Cura, atq; illato Pietati lumine totum  
Seq; suosq; etiam spectandos præbet in orbem.  
Aut quid quæso Fidem, sibi quam Respublica pactis  
Promissisq; adeò retinendam sacra putarit,*

*Hic*



*Hic fileam? si nil aliud iam grande fuisset, (scires  
Maximum id esse quidem & populis memorabile  
Quin aequat fortuna animos. Dij mœnia seruent;  
Hanc quæ virtutum segetemq; scholamq; chorumq;  
Seruant, ac timidis securant otia Musis.  
Cætera pars hominum, quos vel fortasse minores  
Vel plebem vocites, quam nacta est deniq; sortem  
Quemq; locum nullo violatum more tuetur:  
Et nihil in sacros inquit iusta parentes.  
Ceu fieri passim videas: ubi nulla minores  
Aut vitæ ratio, aut patrum reuerentia vero  
Continet officio. sed sicut inepta volatu  
Pica vagatur, & omnibus undiq; rostra susurris  
Inijcit, ac stultè quæ sunt ignota, moratur:  
Sic hominum plerique, quibus nihil omnibus insit  
Humani; stultè circum sua stulta feruntur,  
Et captant ignota: aliquidq; ut discere possint,  
Semper hiant: semper quarunt, semperq; deesse  
Quod fari possint, quod possint scire queruntur.  
Instabile & crudele genus; prauiq; boniq;  
Ex æquo Iudex: cui nil satis esse; nec esse  
Quicquam dulce potest. Secreta enoluerè certat,  
Prodere*



Noribergicorum

Prodere commissa, & decretis ludere: verbo  
Consensum præbere; sed hunc re tollere; fictum  
Moliri, & gelidas effundere in omnia sannas.  
Cui, nisi quod placuit, rectum est nihil. omnib. ansas  
E rebus primas, & lucra sequentia prendit.  
Utq; malo desit cuneo nihil; acta bonorum  
Rodit, & occulto violat rectissima dente.  
Omnibus his cumulum sceleratis moribus addit,  
Suspiciones. heu quantum studiūq; nefandi  
Actorumq; malorum, & atrocis in omnia dicti  
Esse necesse fiet; labem hanc ubi forsan erynnis  
Mentibus aspersit; qua vel suspecta videri  
Omnia recta velis: vel nil maioribus actum  
Esse putes; quod non aliquà conuellere dicto  
Aut culpæ queas: dum quæque ignota bonisq;  
Nunquam agitata, tuo fingis tamen acta cerebro,  
Et quæ falsa sient, conceptu vera figuras.  
Hoc animi vitio nunquam paretur honestis  
Legibus, & nusquam vera est Concordia. semper  
Insidet ingenijs quiddam, quod acumine mentem  
Distrahat, ac meritò quod saucia pectora turbet.  
Ast nihil hîc Noriberga luis. tibi militat orbi

Jncum-



*Incumbens cælum. tibi Juppiter ipse beati  
Imperij custos, fonsq; ordinis omnis, & omnis  
Causa & origo boni; tranquillam moribus Urbem  
Reddidit ingenuis: dum plebs, dumq; ordo minorum  
Ciuesq; status alij, nil prorsus honestis  
Maiorum monitis parendi iura negarint;  
Officijsq; nihil, quæ sunt mandata, recedant.*

*Utq; Magistratum colere ac reuererier omni  
Plebs studio satagit: sic se complexa benigno  
Promouet æqua modo; dum mutua commoda lucro  
Inserat, ac promptè communes auxerit artes.  
Inclyta cuiq; adeò cura est, & sancta voluntas  
Consuluisse alijs: seu rem, seu fortè requirant  
Consilium, aut fidas in honesta negocia dextras.  
Hic Ciues animus fraterna in fœdera ducit;  
Consensuq; ligans eadem cum velle videri  
Atq; optare queant: tum sanè id quisq; sequatur,  
Conatuq; velit, fidusq; optauerit: omnes  
Quod beet, ac aqua firmet communia lance.  
Hac igitur felix Vrbs est Noriberga bonorum  
Conditio: suo dum quisq; incumbere certat  
Officio, & vitæ metas nil transilit. inde*

*N*



## Noribergicorum

*Jura gubernandi patris tenet ordo; sed hinc se  
Cetera parentem plebs & communio reddit.  
Vtriusq; insistit Candor; quod utrosq; bearit  
Seruariq; fides: quæ sola his moribus unit  
Pectora; ut è solido constet Respublica nexu,  
Et sibi se firmet laudem & virtute sequatur.*

*Quin Urbi sua sunt clarissima lumina: cum se  
Ipsi etiam Cives cultas amplectier artes  
Mirariq; probant. vel cui res ista libello  
Et tenui constare potest? sua plurima fides  
Iam Bomgartneris succreuit fama: vetusta  
Quæ quanquam è serie perlata est usq; tamen nunc  
Virtutum radijs inclaruit amplior: una  
Cui frustra obijciant inuisas fata tenebras;  
Nec premat immani tentatam Liur Acantho.  
Usq; adeò hanc etenim doctrina & moribus Urbem  
Consilijsq; iuuant: ut quantum in mœnia surgat  
Quamq; diu patrios seruauerit inclytæ Cives:  
Tantum etiam Bomgartneris fautoribus omne  
Extulerit decus, & famam virtute sequatur.  
Hæc est officij merces: hæc premia veræ  
Laudis; & eternos inter pars firma triumphos.*

*Aut*



*Aut quantum sese iam Leffelholtica pandunt  
Nomina? Ciuili quæ cum sint cognita lucro  
Multiplicant longa non falsa encomia stirpi;  
Et prisca haud dubios dant surgere gentis honores.  
Vt nihil Imhofios, Halleros; nilue Tucheros  
Orichiosq; canam: quibus omnibus una vetusto  
Maiorum à ductu, ratio est: ut publica latè  
Commoda promoueant: quantumq; attollere sese  
Officijsq; fideq; queunt: tantum Urbis honores  
Nitantur solidis inscriptos legibus esse;  
Magnaq; non dubys suboriri commoda neruis.  
Utq; etiam rutulo splendescit Phæbus in axe;  
Cum medio cæli peruoluuntur orbe: profectò  
Sic virtus obscura quidem nequit esse. tenebras  
Per medias vadit: totosq; in lumina vultus  
Promouet, ac recto quæ sunt equalia laudat.  
Hocné igitur mirum est, sedem sibi Palladis artes  
Excultosq; viros & dedita pectora Musis,  
Delegisse loco: testantur multa recentis  
Historiæ monumenta; quibus Noriberga disertis  
Vatibus; & numero præstantum denique quanto  
Exornata fuit: dum pace & legibus omnes*

*M 2*



## Noribergicorum

*Inuitans nusquam sibi parcat sumptibus, ut re  
Ingenijs adsit, quæ crescere ad optima cernit.*

*Aut ego quid memorẽ quos nunc habet illa beatis  
Insignes studijs; Phæboq; docente peritos  
Artium, & Aonio cultos Helicone Poëtas?  
Quid Legum expertos, & claros ubere iuris  
Cognitione canam? qui qua vel laude, quibusue  
Vsis hac ipsa celebres versantur in Vrbe;  
Constiterit; si cui Noribergæ prompta iuuandi  
Est comperta manus: quæ prouidet omnibus omnes.  
Dum fouet, ac sacris imbutos artibus ornat.  
Hinc igitur multi egregij, multiq; petuntur  
Ornati magnis dicendi viribus: ut qui  
Nunc alijs prodesse velint; nunc Urbis honorem  
Defensare quidem orando, & ius dicere possint,  
Consulti: quo se numero Respublica latè  
In veros aliorum vsus ac commoda fundit.  
Sanè equidem eximios Holoandri Musa labores  
Et merita, haud reticenda putes. Fuit ille vetusti  
Et veri Iuris vindexq; & portus, agendo  
Qui nebulas operi magno discussit, eamq;  
Restituit lucem diuinis Legibus: ut iam*

Com-



*Communi fructu & multorum laude legantur.*

*Quid Medicos; hominū genus, at cœlestib. auctū  
Instructumq; opibus; rudibus comprehendere chartis  
Aut numerare velim? Studijs Respublica cunctis  
Largiter impendit: quo clari euadere possint  
Qui certare velint, animosq; laboribus addant,  
Et curis: quibus aut morum præclara paretur  
Temperies; vel doctrina sua constet honestæ  
Gloria, perpetuis quæ venerit amula Musis.  
Vnum est in Medicis quod forsitan esse dolendum  
Dixeris, è tantis nunc scindi motibus illos  
Quos animis fratres, quos iunctos arte deceret  
Communes huc ferre manus: ut tollier istud  
Infelix posset morborum semen, in omnes  
Quod latè populos, quod latè pullulat vrbes.  
Multis aucta modis afflictio crescit: & ipsis  
Multiplici veniunt numero sua tristia morbis:  
Dum non visa prius se forma ingesserit orbi;  
Vel nihil hæc etiam quæ sunt consuetæ moratur  
Pharmaca: at inuicta violenta ex arce repugnat,  
Multiplicatq; luem & catapotia languida ridet.  
Interea hunc hostem dum fert natura, genusq;*

*M 3*



## Noribergicorum

Ex alio plerunq; aliud ceu parturit: illi  
Mutua bella gerunt, odysq; feruntur, & acri  
Decertant morsu, famamq; aspergere sannis  
Et fœdare student. Paracelsi cœca probarit  
Quis placita? apperiat Doctrinam, & nuda tenebris  
Dogmata semotis tradat spectanda. bonas si  
Quas fortassis habet veris res visibus addat;  
Et rerum veris exponat vocibus. aut quid  
Commodi erit, si se deforment mutuo? ineptè  
Et magnum hic damnant detestanturq; Galenum:  
Et reliquas tollunt artes, tum maxime; in unum  
Dum Chaos infundunt quas ipsa potentia classes,  
Ipsa Deum virtus & mens æterna diremit.  
Et minus ista quidem sunt rectè expensa. quod ipsas  
Ad rerum causas, formasq; & originis omnem  
Pertinet affluxum: nihil hic decerno. labascunt  
Principia illa quidem, quæ rerum vera putari  
Principia esse decet: iam certi haud dixeris esse  
Quicquam etiam. minor est hominum solertia, quàm  
Naturæ leges æternaq; vincula soluat. (qua  
Hæc sua cum fuerint Paracelsi mira; negari  
Commoditas tamen ista nequit, quam plurimus igne  
Repperit



Repperit exculpto: dum multa examinat: ut quo  
Consistant vel iuncta gradu, vel ab ordine litem  
Ostendant, quantoq; vices è limite spectent,  
Cognoscat, sanè haud dubium est, quin ista per ignem  
Plurima monstrarit ratio, quæ dixeris esse  
Utilia. ast non ideo quæ recta fuissent  
Tradita, conuellat: rerum aut primordia nullo  
Confundat fructu. tamen hoc fortasse licebit  
Testari, multa superare hæc pharmaca laude,  
Et superare usu: si quis tamen ista sequendo  
Cognoscat prius; & post cognita, ritè parando  
Misceat, ac gradibus sub conuenientibus arctet.  
Interea certis accommodet usibus: atque huc  
Sollicitus spectet: ne spiritualia crassius  
Corporibus noceant, si forma excesserit: & non  
Se gelidis vitam putet asseruisse venenis.  
Nam quod ad ipsa quidè, quæ iam sunt nota venena,  
Attinet; ut cunque hæc deduxerit ignis; haberi  
Semper acerba velis, semper suspecta: tametsi  
Nescio blanditiem quam non ostendere possint  
Ceu flammis deuicta. Lupumne aspexeris; ut se  
In molles sinuat, dum colla impacta cathenis

Versat



## Noribergicorum

*Versat, & aucta metu sibi contrahit ora; volucres  
Et pandit gyros, lepidisq; aspectibus omnes  
Explicat in lusus vastissima guttura: quid si  
Hic libertatem reparet tamen, inq; profundas  
Delatus sylvas latè grassetur: ovesné  
Haud etiam attingat? vel, num natura catenis  
Sic domita est, ut non poterit redyffe videri,  
Dummodo & inuitet blandos occasio rictus  
Et procul amotis praeda censoribus instet  
Senserit agniculus; qui si quem luserit, inde  
Judicet. haud aliter vis est impacta Venenis  
Penè à natura: cui sic substantia virus  
Intulit; ut citiùs naturam euerteris, hanc quàm  
Tute facultatem & nocitura venena domando  
Exscindas penitus; remq; in contraria vertas.  
Id de illis dico, quæ primo à fonte venena  
Pernitiosa sient. Opium est fortasse venenum  
Longè aliter quàm Mercurius: qui, qualiter ipsum  
Cumq; pares, semper naturæ est hostis. ab illo  
Toxicon abstuleris; iam vix substantia; vix res  
Illius vlla manet. toti insunt dira venena  
Composito: sed sic, ut quantum fortè supersit*

*Ex*



*Ex illo quicquam, tantum insidiatur: eoq;  
Quo restat varios post multi ponderis ignes;  
Precipue nocet. at blandè tractabilis ipso  
Nil actuledit? Lupus est. expectat: in imum  
Demissus ventrem, nequeat cum vincier; inde  
Experiere, an non spacijs adiutus atroci  
Saniat, ac tacito celeret tibi funera morsu*

*Sed nihil ista sequor. res est Medicina, Deorum  
Arbitrio humanas inter sanctissima gentes:  
Quam quisquis violat; quisquis corrumpit, in ipsos  
Delinquit superos, Solemq; ex aethere tollit.  
Vellem igitur neutros contemnere recta. Galeno  
Pleraq; sunt quæ vera probes: Paracelsus & ipse  
Forsit an attulerit quiddam; quod commodet. hinc tu  
Disquiras quæ recta putes; quæ congrua vitæ  
Humana fuerint; quæ morbos aurea pellant,  
Sed sic, maiores ne viscera in ipsa reducant:  
Et quo firmarent vitæ primordia sternant.  
Nunc verò multis studium est contendere. pauci  
Submittunt animos Censuræ legibus. inde  
Corporibus languor: regnis iniuria; vitæ  
Pernities; rebus fraus; & suus extat in artem*

*N*



## Noribergicorum

Contemptus. pereunt animorum fœdera; mentes  
Disiunctæ solvunt, quas vel Natura vel usus  
Arctaret nervos & mutua commoda ferret.  
Nulli quod placidum est, gratum est. iniuria verbis  
Plus quàm rebus inest. tum multa calumnia multas  
Aggerat in flammæ. Dy dent; ut pellere morbos  
Ritè queant Medici, rectumq; ex arte sequantur.

Nec tamen his tantum sacras profitentibus artes  
Inclyta consuluit Respublica. maximus illis  
Hic etiam usus, & haud certè spernanda laborum  
Est merces: quæ forte manu accedente per omnes  
Tenduntur numeros, formamq; operando capeffunt:  
Et veniunt facili grata in certamina dextra.  
Ergo quis Artifices, operumq; ingentia laudet  
Incrementa satis? constant iam certa metallis  
Pondera; quæ formis cedunt, quascunq; vocentur  
In partes; capiuntq; agili nova nomina ferro  
Malleolisq; agitata suis: ubi lamina pulsu  
Tenditur, ac calido pariter mollescit ab igne.  
Quanta hîc ô superi Maestas? quanta laborum  
Eximiq; operis ratio est: ubi plurimus erit  
Argentoq; usus: rutulumq; inuectus in aurum  
Crescit



*Crescit honos; niueoq<sup>3</sup> venit sua gloria Stanno?  
Aut Horologijs, hic quæ miranda parantur  
Organa; quis iustam cumulado carmine laudem  
Addiderit: credo his fieri nil pulcrius: aut quod  
Maiori quisquam dignari nomine possit.  
Tantum artis, tantum est industriae & ordinis acres  
Cum digesta rotas & pondera machina voluit.  
Quid Pateras; gratosq<sup>3</sup> cyphos, aurata uide dicam  
Pocula? quæ torno veluti perfecta secundo  
Artificum studio veniunt persæpè sub usus  
Humanos, sacrosq<sup>3</sup> ferunt latè Urbis honores.  
Quin docta Noriberga operum studiosa Minerva  
Nec lycijs, nec aculebres augere moratur  
Duitias. lanæ pretium linoq<sup>3</sup> paratur  
Et vario sese dilatant stamina fructu.  
Sed nihil ista putes; si quæ maiora tueri  
Et cantare libet. Pictura est deniq<sup>3</sup> veram  
Quæ poterit laudem, & verum decus arte mereri.  
Omnibus una quidem, grauius quam versib. ornēt  
Diuini vates, nomenq<sup>3</sup> coloribus & rem  
Concilient: humili ne quid fortasse putetur  
Digna loco; magnos interdum culta Monarchas*



## Noribergicorum

*Versari, & rebus lucem dare sedula possit.  
Aut quid picturam nisi viam tute Poësin  
Dixeris esse? ubi quæ comprehendere facta notando  
Scribendoq; queas, diuina pictor ab arte  
Digerit in numeros, formamq; sequentibus infert,  
Atq; oculis spectanda locat: quo maius honesto  
Vix fieri ingenio, aut traduci in lumina possit.  
Sanè ego Dureri quoties vel specto Melancho-  
liam; vel quod quis Dureri haud esse negarit,  
Contemplor: non me prisca leuis aurula famæ:  
Sed magni motus animorum, & pectoris ingens  
Abstulerit calor; ut mirari ea corpora, latè  
Et celebrare velim. nusquam satiantur ocelli  
Intuitu: nusquam cessat fugientia sensus  
Prendere, & exiles in apertum euoluere ductus.  
Usq; adeò harmonicis proportio debita membris  
Eminet, ac gratos spectanti commodat artus.  
Hunc igitur Noriberga virum dum fouit, honori  
Consuluit; totum qui nunc amplissimus orbem  
Occupat, ac patriam decus hoc reuocarit in urbem.  
Quin neq; sola quidem pingendi industria clarum  
Reddidit Albertum: Theòremata certa libellis  
Intulit*



Intulit; ac quo se proferrent grammata ductu,  
 Quoq; modo; qua mensura, quoque ordine: tum qua  
 Lege Geometricis constarent corpora formis  
 Edocuit; monstratq; adeo quibus artibus, & cui  
 Conueniant manifesta loco: qua valle locanda  
 Sint quadam, ut oculis veluti subducta recedant.  
 Quæ curuo, quæue obliquo, quæ deniq; recto  
 Transuersoë situ tendantur. ubi integer auras  
 Musculus opplerit: quibus ille deinde lacunis (bris,  
 Tanquã absorptus, & inductis languescat ab um-  
 Et nusquam carnes, sed membra exanguia pandat.  
 Hæc sunt ingenio & dextra perfecta sagacis  
 Dureri: quo se Respublica iactet alumno  
 Et Cui: egregio docuit qui primus ab usu  
 Pingere, & antiquos reuocare in membra colores.  
 Post hunc multi etiam pictura incumbere; prorsus  
 Eximij artifices: quibus haud aduersa feruntur  
 Numina, nec vilis reddit in compendia quæstus.  
 Ipse equidem multis oculos patefecit; ut artem  
 Aspicerent: artisq; decus, iutissima scirent  
 Præmia, & aonijs partem esse hæc lumina Musis.  
 Extemploq; manum tabulis immittere; primum



## Noribergicorum

*In Latio quidam; mox Belga: deinde per Urbes  
Has etiam latè pingendi industria crevit;  
Atq; arti sese auxit honos. Durerus & acrem  
Permovit Lucam; quem tu Divine Melanthon  
Ante quidem multis pictorem ferre solebas,  
Et summum celebrare virum: cui, quicquid ab usu,  
Quicquid ab Ingenio & præclare legibus artis  
Accessisse queat; felici sorte putares  
Donatum, & numeris venisse ad pegmata iustis.  
Hic cum Leucorea vivebat Cuius in urbe,  
Funestum vidit bellorum fulmen: acerbo  
Quo sanè afflata est magno Germania luctu;  
Et gerit Hesperijs obnoxia tergora virgis.  
Valde autem Caesar Lucam dilexit: eoq;  
Victoris flectente animos Captivus haberi  
Paulò etiam melius iam Princeps cepit. honestū est  
Ira etiam moderari illum, cui vincere cælum  
Et fortuna dabat. Sed & hæc Fiducia Luca  
Profuit, ac grato cumulabat nomen honore.  
Illius ergo manus nota est, dum sedulus artem  
Pingendo excoluit: varios dum ritè colores  
Temperat, ac formis vitales inserit artus.*

*Huic*



*Huic Gnatus parili vestigia sublegit ausu,  
Ingenio solers, & honesta prouidus arte:  
Cuiq; etiam felix inuentio, multa figurat  
Multa nouis addit referenda in lucra tabellis.  
Vidimus ipsi etiam fontis quo Nympha sacra ti  
Pegmate dormiret: Perdix ubi stridula pennas  
Non iam mentitas; sed veras penè videndo  
Ostentat; magni tum Lucæ opus: amula quanquam  
Multa manus ductos imitetur sæpè colores,  
Et quæ aliena sient, fecisse domestica tentet.  
Aut quid Virgilium memorè, Respublica quo nunc  
Vtitur exculto pictore? ille omnibus instat  
Articulis, summa ne desit languidus arti  
Quam didicit, sed enim cum pingat multa venustè  
Corpora; tum graphicè quæ sunt perfectæ metallis  
Imprimit, ac varijs ornat coeuntia limbis.  
Sed quid ego hæc? superent Galli licet atq; salaces  
Belgarum populi: cunctos tamen unica vincit  
Italia, antiquo picturæ nobilis usu:  
Ingenijs felix, infelix moribus; arte  
Artificumq; manu, ac monumentis clara vetustis.  
Cui fortasse rexens cumulabat grata Michaël  
Nomina*



## Noribergicorum

Nomina, & in nostrum se promouet Angelus orbē:  
Quod referant alijs. Noriberga est unica cunctis  
Æqua bonis: quæq; hospitij nil iura negarit  
His; qui Civili pro Libertate bonoq;  
Communi doctasue manus, firmosue lacertos  
Exerere, ac operum veris splendoribus Urbem  
Exornare student. alijs placuisse videri  
Sæpè aliud possit. quæ publica commoda dicas,  
Nusquam maiori curantur laude. salutem  
Urbibus esse putes, si sint sine fraudibus Urbes:  
Communemq; nihil Craterem cymbia tollant.  
Cetera pars, terramue colunt; segetiq; paranda  
Inuigilant; aut semotis commertia terris  
Exercent; mercesq; vehunt; quibus inclytæ latè  
Regnat, & ingentes statuit Respublica quæstus.  
Interea formam si quis consideret Urbis,  
Excelsasq; domos, cultiq; palatia muri,  
Æquatusq; ædes radijs saxoq; polito;  
Ardua miretur tectorum culmina, pulcras  
Magnificasq; operum structuras: qualia paucis  
Quis monumenta locis spectare aut fingere possit.  
Mundicies insignis inest: seu fortè plateas,

Sen



*Seu solers rimere domos. interluit amnis  
Pegnitius: varijs geminam qui pontibus Urbem  
Iungit: & hoc faciles nexu dat utrinque meatus:  
Longior ut nusquam impediatur commercia rerum  
Circuitus: dum vel raro se accedere possent  
Ciues; vel nusquam se adeant, & mutua visent  
Limina, fraterno neq; se pro more frequentent.  
Utq; etiam sua sint securis otia, muros  
Antiqua posuit solertia gentis: honesta  
Gentis opus. quod qua soboles ratione tuetur,  
Constiterit: si quis vel gesta recentia spectet,  
Vel qui maiorum fuerit successus, honoret.  
Mœnia sic forti sunt vineta rigentia saxo;  
Ut nihil hostiles (ni sit manifesta Deorum  
Ira, & fatales inducant sidera casus)  
Permetuant quoscunq; ausus. Res publica facto  
Ac monitis; quod consilijs sapientibus, & re  
Auerti poterit; ne quid fortasse malorum  
Aut grauis euentus usquam se infundere possit;  
Auertit certè. at pietas dat maxima cunctis  
Ornamenta: uni populus cui seruit; & huic se  
Disciplina & quis comitem rationibus addit,*

O



## Noribergicorum

*Hæmuros causæ tutosq; ac fortia reddunt  
Mœnia. qua Diuim præit aurea cura, sequetur  
Prosperitas. Superis rem fortunantibus omnem  
In portu classem, subductaq; transtra putabis.  
At circum muros fossisq; ingentibus errant  
Viaces Cerui: quos cum Respublica magnis  
Incluta delitijs, ut sint spectacula, nutrit:  
Nec telis violari ullis, neq; vulnere sterni  
Permittit. Fluuio qui perluit oppida, diues  
Vtilitas petitur. Nec tantum fluctibus actas  
Demirere molas, quæ pars est magna; quibusq;  
Commoda certa graui Noriberga amplissima lucro  
Stipat, & haud tenues infert in scrinia census.  
Verum multo etiam magis, haud sentire loquentes,  
Et surdas plerunq; aures in dicta iocosæ  
Vertere, & obstruso mandata capefcere sensu  
Omnes: malleolo qui massas fortè sequenti  
Subijciunt; interq; incudum verbera ferrum  
Expoliunt; erisue globos sub forcipe versant.  
Nutibus insistent operæ. his labor omnis, & omnis  
Mandati ratio penè est æquata. sequuntur  
Aut oculos digitosue tuos, aut dicta figurant*

*E la-*



*E labijs motuq<sup>3</sup> oris: quo lumina cautè  
Inferre, & tacitam sat agunt apprehendere mentem.  
Tum segetes circum crescunt; primaq<sup>3</sup> siligo  
Existit bonitate: cui, quod Semen arenis  
Creditur, è tenui sed puro turgida culmo  
Copia succedit, latasq<sup>3</sup> exaquat aristas.  
At dulci minor hìc Baccho est prouentus habendo  
Hunc reliquis stipat Franconia partibus. Hortos  
Interea Noriberga colit: quos omnibus auctos  
Delitys habet: arboreos seu vellere fructus,  
Seu libet herbarum floresq<sup>3</sup> comasq<sup>3</sup> genusq<sup>3</sup>  
Carpere; & aëreos sub naribus abdere odores.  
Hac Urbi multò pars est gratissima: ceu qua  
Æstiuis etiam plerunq<sup>3</sup> caloribus umbras  
Nobilitas petit, ac viridi sub fronde moratur  
Insistens: operasq<sup>3</sup> iuuat, curasq<sup>3</sup> resoluit,  
Et renouat blando sibi gaudia plurima lusu.*



C. ERASMI MICHA-  
ELII LAETI.

NORIBERGICORUM

LIBER QVARTVS.



*Ltimares & prima; sacris dicēda Poëtis  
Fœminei restant cœtus: pulcerrima Mu-  
sis*

*Materies; si quem vel Phœbus Apollo, vel alti  
Ingēnij vigor hac tanta in certamina firmet:  
Ut nihil ob prauas minuat præconia rectis.  
Nos equidem tenui sequimur cum maxima versu,  
Deficimus. mores certè castosq; pudicosq;  
Et quæ sit veteri perculsa modestia Franco,  
Laudamus. Sancti sunt hæc præconia mundi:  
Digna Dijs, quos maiorum reuerentia sacros  
Indigetesq; suis sibi legibus esse iubebat:  
Dum mores pietate regunt, & moribus Urbes.  
Eia age quis tantos Heroas, & acta vetusta  
Gentis*



*Gentis honesta canet? grauitasq; fidesq; per istos  
 Seruata est populos: quantumq; antiqua tueris,  
 Simplicibus tantum constabant moribus. vsum  
 Non ex delitijs, sed ex virtute petebant  
 Signabantq; simul. quod erat satis, esse sinebant  
 Nature satis. hæc rebus moderatio lucem  
 Attulit, ac gratos æuo dedit iræ labores.  
 Cetera ceu pestem, miseræq; superflua vitæ:  
 Atq; animis aduersa pijs, inimica decoris  
 Moribus, ac nulli conformia prorsus honesto;  
 Sunt auersati. Virtus moderatur agendi  
 Arbitrium. Fastus vitæq; superbia longè  
 Pulsa abeunt. Rectos statuebant secula mores  
 Ista priora: nihilq; animis dissentit honestis.*

*Heu priscam sanctamq; fidem. iam militat orbis  
 Stulticia; et varios infert contentio luctus.  
 Scilicet ira Deum, & superi inclementia cœli  
 Inferniq; minæ, & furiarum flagra luesq;  
 Tartaræ; & multum vitijs onerata malignis  
 In nostros effusa dies Sentina, procaci  
 Imperio regnat: passimq; in vincula gentes  
 Mittit, & iniectis animo dominatur habenis,*



## Noribergicorum

*Aut qua prima queri; damnare uel turpia possis?  
Quæue insectari? culpæ? exorbitat orbis  
Totus; & in nullo sua sunt vestigia gressu.  
Aut quid? an Ebrietas? sed enim nihil ista putabis  
Esse mouenda. hulus ne tangas Musa fluente  
Iam fœdum sanie. cedas magnatibus; ut qui  
Quod uiuant, potent: quod potent, uiuere ducant.  
Quamuis haud solis res ista potentibus; una  
Una nocet cunctis hominum; qui pocla cyphosq;  
Pernitiem uitæ & carchesia blanda sequuntur.  
Sobria iam paucis cum Mens, tum corpora paucis  
Sobria perdurant: cunctis erratur; agitq;  
Huc plerunq; animos scelerata licentia, gratum  
Ut nihil esse putent: nisi quod blandissima Bacchi  
Munera commendent, Bromiūq; frequentia laudet.  
Ergo dexteritas & agendi sedula multis  
Cura deest. Fiunt haud recto plurima ductu,  
Et transuersa ruunt. Solis ea crimina Persis  
Jam nihil obijcias. etiam qui cetera rident,  
Hic se ridendos; hic se præbere vicissim  
Immundos uel suos, ingrata uel corpora cernis:  
In quibus humani remanet nihil. Ora molestos  
Eruant*



*Eruçant halitus: subsidunt lumina: latè  
Inuadit scabies: manibus tremor instat: inanem  
Arentemq; cutem mananti pustula tabo  
Occupat, ac gelidos subdit se pallor in artus.  
Quid uè loquelæ etiam formam depinxero? Coruos  
Esse putes, homines quos forsitan ante putabas.  
Sic crocitando aliquid strident: sic verba sonosq;  
Exagitant: fædos stillanti è gutture rictus  
Detorquent: animis spoliati dispare iungunt  
Expediunda gradu; nec se comprehendere possunt.  
His igitur studijs subuertitur omnis honesti  
Religio. Disciplinam rapiuntq; feruntq;  
Stulticia. nihil ingenui manet amplius: suo  
Iam sua pernities cumulat sub funera luctus.  
Hac plerunq; calens sese mercede Lyæus  
Venditat, ac iusta compensat turpia lance.  
Quos ergo Ebrietas, illa unica Lerna malorum,  
Serpentes vitæ aut monstrosi iurgia mundi  
Intulerit; si quis taceat, res ipsa loquetur;  
Et medio statuet cunctis spectanda theatro:  
Quò referant oculos; si qui vel discere, largè  
Vel plorare velint. tamen hæc quoq; parua putabis*

Si



## Noribergicorum

*Si reliquis collata legas. Quid vestibus inde  
Apriscis hominum seclis accesserit? ut se  
Fontibus extrudunt fluij; lateq; meando  
Incrementa petunt, cumulantq; in littora lymphas:  
Sic vitijs subnata, alijs noua crimina valde  
Crescunt, atq; usu capiunt sua robora; vires  
Multiplicant; partoq; nihil de iure remittunt.  
Et tamen haud alio prostant magis ordine; quam quo  
Vestimenta loces. Dij quid velturpis in illis  
Flagitij est: vel quàm non grata licentia? formas  
Extrudunt formæ; variantq; sequentia primas,  
Maiorumq; habitus sordere nepotibus audis.  
Hæc est stulticiæ effigies, quæ gentibus hisce  
Atq; istis propria est, totum sic sparsa per orbem  
Vt suspecta bonis sit tanta licentia: ne vel  
Hæc inconstantis ratio sit pectoris index:  
Vel non se Plutus cumulata verset in arca.  
Plerunque accidere; ut minus his sit in ære, quibus  
In vestimentis insumitur. annè subinde (plus  
Hic exhauriri vel rura ingentia cernis:  
Vel tolli, quicquid conflare in pignora possit  
Elatis? cum quod grandi fuit ære coemptum,  
Abijcias:*



*Abijcias: variesq̃, nouo quod protinus usu  
Damnes; ac alio temerè mutabis, eoq̃  
Non etiam multa fortassis luce fruaris?  
Hic color; hìc precium, hìc formarum plurima tete  
Cura premit. nusquam presentibus omnia rerum  
Deferimus momenta: alijs aliud placet, unde nouan-  
Arbitrium & patrios culpandi crescit amictus. (di  
Nunc tibi Parthenopes Latijq̃, haud improba regni  
Consuetudo placet: num tete Hispania, nunc te  
Celtarum mores; nunc te Germania cultu  
Delectat. Quin Albionas delatus in vrbes  
Inuenies fortasse aliquid quod vestibus addas,  
Corrumpasue tuis. Posuit iam Dania priscos  
Maiorum ritus; posuitq̃ Polonia, vel iam  
Nutat: & Vngaricis sua sunt contagia regnis.  
Hec est Europa non tantum summa; sed ipso  
E factò, eq̃ etiam populorum est more procaci  
Inuidiosa lues: Herebo quam fata marito  
Extulit in lucem furiarum maxima; cum iam  
Languida nequicquam meliora inducere mundo  
Tentaret Virtus, morumq̃ euersa periret  
Simplicitas: animisq̃ nihil nisi triste liberet.*

P



## Noribergicorum

Auctior ex illo succreuit tempore nostrum  
Quæ pestis grauib; corruptit legibus orbem.  
Et toto nihil est iam sani in corpore. iam se  
Mutua vulneribus perimunt noua vulnera. longis  
Succedunt breuia; angustis latissima; strictis  
Laxa; Colore etiam multum diuersa; reuinctis  
Fusa; togas tunica; tunicas toga pellit: habentq;  
Integra quæ scissis, quæ integris scissa minentur.  
Quid limbos, quid Meandros? variatio latè  
Ambit, & in medias infert se fimbria vestes.  
Deniq; quis Conchylio adaucta metalla, quis auro  
Intextam lanam, varietatè stamina narret? (bis  
Nec modus in numero est, & inest tamè aqua super-  
Pœna malis. quid enim? vario sudore parari.  
Ista vides; longisq; adeò corradier oris  
Quæ procul in nostrum mittant noua toxica mundis.  
At quibus interea precio est? an fortè superbis  
Regibus? an solis hæc ornamenta Tyrannis  
Esse dicata putes? olim Romana iuuentus  
Purpureis nihil vsa togis concessit ab isto  
Principibus cultu. num vestibus inclyta nostris  
Materies solis aptata potentibus huc se

*Inta-*



*Intulit; ut sacros decoret confecta Monarchas?  
Et nil mancipijs, nil vili maxima seruo  
Ornamenta sient, fœdisne oppercula Scortis?  
Scilicet hæc merces Regum est ignavia, & amplum  
Stulticiæ præcium, cum quod Magnatibus esse  
Donatum Superi, & concessum Numina vellent:  
Transferri in lixas, furesq; ac Scorta videbunt  
Nunc etiam: pensiq; nihil ceu ducier, hos quo  
Quisq; greges inter dominos spectarit amictu.  
Hinc sua mancipio est ita parta licentia, diti  
Augustos habitu & pretiosa veste Monarchas  
Ut superet; Lycijsq; auroq; intexta ferendo  
Ostentet, claraq; nates bombyce moretur.  
Huc sua detulerint depexis mollia Seres  
Fila comis. hæc est operis reuerentia, cuius  
Principio sacer usus erat: cum multa Deorum  
Pompas merito caperent altaria vestes:  
Blandaq; diuinos incingeret infula Mystas.  
Prima Sacerdotum fuerat vel cura vel usus:  
Inde est in Reges delata hæc forma; diuq;  
In precio tutela fuit. Possessio Magnos  
Hæc vetus ornabat; quos tum ceu magna solebat*



Noribergicorum.

Numina mirari formamq; stupescere vulgus.  
Hinc ubi per Satrapas inducta licentia quiduis  
Audendi, & latè facta est scissura; ruebat  
Simplicitas; cessitq; loco reuerentia: ne quis  
Quæ Regum fortasse sient, iam regibus esse  
Iusta velit. Scelerum quapropter sæpè ministros  
Et turpes vitæ laruas, ventriq; dicata  
Pondera terrarum, nebulones, alcinoosq;  
Et quib. haud pensi quicquam est; quo iure modo iue  
Sortiri ductus, aut sortes ducere possint:  
Splendidiùs vestiri etiam fortasse videres; (nos.  
Quàm claros parent quibus inclytæ regna, Tyrann-  
Hæc multos agit at cum fortè querela; necesse est  
Culpari luxum: fines reuocari, intra  
Quos pudor, & rerum constare licentia possit.  
Quæ disciplina si non pars efferat omnes  
Huc numeros aliquando, nihil censebitur ultra,  
Quod quis Virtutem, quod quis celebrarit honestū.  
Vsq; adeo vitæ mores; & moribus anni  
Præscribent; semperq; aderint quæ turpia damnes.  
Ast plorare quidem; sed non ea vulnera multi  
Reddere sana queant, hæc Regum cura fuisse  
Finiçio.



*Frjicio. sed enim patefacta est ianua stulta  
Etati; passimq; ruit, cum informia passim  
Sectando, nusquam virtutibus aqua vagetur;  
Et quodcunq; lubet, sibi posse licere putarit.*

*Nec tamen istud eo quisquam fortasse referri  
Senserit: ut si quid poterit decuisse Statusue  
Fortunasue virum, culpandum dixerim. in illud  
Collimet potius dicti censura; probari  
Aqua equis: minus at qua convenientia ducas,  
Hæc reprimi etiam, Musisq; aduersa notari.  
Ut diuersa quidem Statuum sunt iura: nec uno  
Omnibus est sors aucta gradu: sic dispere fas sit  
Cultu uti: cum stulticia est se attollere supra  
Fortuna vires: habituq; ostendere magni  
Nescio quid; cum sis rebusue aut ordine longè  
Inferior. Quanta est Regum moderatio? Quintum  
Carolus an ignoras? quo nullus Cesare maior  
Penè etiam vixit; quantum tria secula magnos  
Complecti, aut numeris includere maxima possint.  
Hoc quid simplicius tamen omni corporis usu  
Et cultus ratione fuit? non ampla catenis  
Congeries: non gemmarum ostentatio, rerum*



## Noribergicorum

*Explicit anfractus; lucemue induxerit orbi.  
Ast solers animi prudentia; nobilis alta  
Virtutis splendor: cunctis bene velle laborq;  
Propositumq;: atq; hac quæ sunt manifesta suisq;  
Digna malis, nullo defendere crimina motu:  
Privatoq; nihil Leges describere fructu:  
Hæc sunt quæ nomen pariant illustre; tuisq;  
Addiderint gradibus cultum: licet omnibus auro  
Non niteas tunicis; rigeat nec Chlæna metallis.  
Simplicitas sit grata viris primoribus: & sit  
Grata alijs etiam. tamen haud sis sordidus. & cum  
Officio præstas, quo præstes nomine; veste  
Nil deturpari commissa hæc munera velles.  
Quod si qua fieret ratione; haud esse profecto  
Te magnis dignum, te dignum hac sorte putarem.  
Id spectro, ut vestis sit congrua, sitq; modestis  
Concinnata modis: ut quæ deceatq; feratq;  
Ex sese laudem iustosq; ostendat amictus:  
Et nihil impensis fortunæ culmina vincat.  
Interea quantum superest vel laudis auitæ,  
Vel priscae virtutis (erit censura bonorum):  
Id studijs Noriberga colit; vel ritè colentes*

*Ornat,*



Ornat, & haud vili pensat pia facta bilance.  
Maxima Matronis sed inest sua gloria: quæ cum  
Ingenua mores habitusq; è lege gubernent;  
Simplicibus gratam reddunt iam vestibus Urbem;  
Hoc laudatæ etiam: charis quod sponte maritis  
Cum parere velint; tum nusquam iussa retractant:  
Sed bonitate viros; cælum pietate, bonorum  
Applausus hominum vera è virtute merentur.  
Heu paucas animi studiis ac moribus æui  
Iudicioq; pares. ratio est diuersa per omnes  
Penè etiam populos cæcumq; ita sparsa per orbem:  
Vt iam multa quidem officij metasq; locumq;  
Femina transiliat: nusquamq; quiescere certet;  
Dum miseros subigat strepitue manuæ maritos,  
Aut placidos turbet; pacemq; in iurgia mittat.  
Nec tamen iccirco rectasq; bonasq; decebit  
Culpari. Virtus quocunq; ex ordine sese  
Proferat, ac grato spectandam commodet usu:  
Laudetur sane, & rerum in fastigia scandat.  
Tum sit quisq; sua contentus sorte: nihilq;  
Stulticiæ precium supero incusabit olympo.  
Coniuge nil placida melius; nil maius honesta

Et



Noribergicorum

Et Sapiente: Deo quæ vel curante, vel ipsam  
Adducente venit. cæleste est munus, eiq;  
Desuper assistens Benedictio militat: ut qua  
Sola viro curas minuat, domuiq; salutem  
Dispenset, multisq; animos in fœdera vertat.  
Illa equidem fatis faber est, sobolemq; parenti  
Sufficit, ac nomen parat immortale Marito.  
Id fieri persæpè, viros in verba proteruos  
Apparere: sed hanc rugata frontis & ira  
Ceu tempestatem coniunx blandissima tollet  
Compescens, motusq; animorum & dicta serenans.  
Sed quid ego hæc? genio Noriberga est usa secundo  
Felicisq;: quod uxores gratasq; pudicasq;  
Et nil sectantes luxum sit adepta; quibus iam  
Est partus Virtutis honos; lateq; beatum  
Splendet & haud dubio cumulatur nomen honore.  
Quid memorem quali sobolem ratione parentes  
Institunt? Latis quo publica legibus arcet  
Crimina, quæ turpi nonnunquam more iuventam  
Frangere, & in lapsus animos inducere possent?  
Scilicet hæc vera est pietas. Miserisq; inopiis  
Mox etiam turba consultum est ampliter. Urbem  
Hæc



*Hæc equidem Virtus latè inter sidera tollit.  
Vnum est, quo sibi se Respublica clausit: vnum  
Quod vel mirari; vel cunctos dicere iusq;  
Et fas esse putes. Armamentaria quis non  
Miretur? quis non hæc instructissima laudet:  
Æternisq; adeò non versibus inferat Urbem?  
Cetera præteream. gemino Respublica fulcro  
Nititur, & duplices tutelæ crescit ob usus.  
Dextera Virtuti pars est. habet altera iusta  
Militiæ formam sacriq; iuuamina belli.  
Quæ facias, virtus monstrauerit inclyta: verum  
Euentu vt lato facias decreta, requiri  
Arma putes: quæ virtuti sua robora, vires  
Conatusq; adeo, & rerum fulcimina firment.  
Qui virtute quidem bellum fortasse relictæ  
Mouerit: Jcarijs ille obuia sidera pennis  
Captat, & infirmo sectatur grandia passu.  
Qui nudas in bella manus, & corpora nuda  
Obijciat; quanquam conetur magna, labascit  
Is tamen, & nullo tentauerit ardua fructu.  
Sive igitur bellum suadendo inducere certes,  
Sive urgenda manu, quæ sunt persuasa putabis:*

*Q Arma*



Noribergicorum

*Arma paranda scias. quo venerit obuius hosti  
Presidio instructus, qui Libertatis & Urbis  
Aut decus, aut muros, aut otia grata tueri  
Et proferre velit. Tibi largior, esse Deorum  
Tutelam. sed enim causis pia fata secundis  
Hoc addunt; vanam iustis sine viribus iram  
Esse: nec ut temerè cœpisti, ita fortiter omnes  
Expleris belli numeros; nisi bellica fortem  
Quacumq; accedas tete armatura sequatur.  
Hanc ergo à primis Noriberga amplissima rerum  
Finiçys curam, tum parto adiecit honori;  
Ut nihil hîc desit, quo vim repellere possis;  
Quacumq; insurgat patriamue existat in Urbem.  
Ergo quis immanem Colubrum; rigidosq; ferosq;  
Serpentes: vel quis Phalariscos tela vomentes  
Ignea, Bombardas; Scolopendros; Oxia, Varos  
Commemoret? plenis locus auctior iste Chimeris  
Luxuriat; nullisq; vacat, quia semper abundat.  
Quin nihil aspectu iucundius; altius usu,  
Nec precio maius Respublica tanta superbas  
Inter opes numerat. Thesaurum bellica præstat  
Machina; non gemmis, non Cræsi Principis una  
Diuitijs,*



*Diuitijs, rutulo non postponenda metallo.  
Hostibus iste metum incutiet: sed Ciuibus idem  
Securos reddet vitæ in compendia muros.  
Hæc sunt bellorum tanquam instrumenta: sed illis  
Quæ utuntur, longè fortissima pectora dicas,  
Audacesq; animos; sed cum ratione: quibus nil  
Præsidij è muris; ast ex virtute petendum  
Ducitur; & certis inscripta est gloria pugnæ.  
Non etenim sese includi, non cingier Urbe  
Gens inuicta sinit: sed nullis territa compos  
Occupat, ac hosti manifesto ex ense minatur:  
Cum progressa manus studioso conserit ausu  
Felicesq; infert aduersa in robora dextras.*

*Salve magnificis Vrbs culta laboribus, & re  
Optata felix: studijs iam diues honestis  
Ingenijq; bono: qua non præstantior ulla  
Altera Germanas inter caput extulit Urbes;  
Aut magis è tenui deduxit origine tantos  
Fortunæue gradus, firmiue palatia regni.  
Scilicet hic veræ cumulus virtutis, & equi  
Officij est, primis non tantum inducere cæptis  
Mansure laudis titulos: verum ardua factis*

*Q 2 Qua*



## Noribergicorum

*Quæ promissa sient æquare ingentibus: ut quod  
 Proposito cæptum est, dubio non fine sequatur.  
 Hæc est ætherei Benedictio certa parentis:  
 Qui quæ magna iubet suboriri acta, fouendo  
 Promouet: ac humiles inter sterilesq; myricas;  
 Interdum Cedros, interdum maxima Quercus  
 Robora, & ingentes succrescere præcipit Ornos.  
 Dî tibi dent claros inter Noriberga labores  
 Æternum spectare decus. tibi dextra secudent,  
 Numina prouentus: quantumq; ad maxima semper  
 Tendis, & inducto statuis tibi commoda lucro:  
 Tantum florenti studeas placuisse Mineruæ  
 Et Vates ornare tuos: qui Palladis artes  
 Sectati, cultas inducunt versibus Urbes,  
 Teq; adeo æterna celebratam laude coronant.  
 Utq; tibi nostras etiam moueatur in Arctos  
 Gloria; & hoc habeas clarum quoq; nomen in orbe;  
 Quo virtus, celsaq; adeo Constantia mentis  
 Florescat meritis populorum vocibus: hanc nos  
 Intulimus studiis operam: calamumq; secuti  
 Et famam, molli diduximus omnia versu;  
 Quæ prædidi nostris poterant nunc grata Camænis.*

*Id*



*Id si quid placeat; ceu posse placere, labori  
 Propositoque fuit: fructus fortassis adepti  
 Musa est nostra suos. Euentum fata gubernent:  
 Et faueat Lato diues Noriberga Poëta.*

## F I N I S.



## Emendanda,

\*\* linea 24. quòd. Ibidem, linea 29. pro (mortales) lege,  
 omnes. \*\* facie secunda, linea vltima, pro (Etsi autem) le-  
 ge, Interea. \*\* 3. linea, 16; hos sentes. \*\* 4. facie secunda,  
 linea 2. qui. Eadem; linea 26; sensit. fol. 57. linea 4. pretium.  
 linea, 6; dele (Nouandi.)

Si quæ alia inter legendum fortè Eruditus lector  
 deprehendat; pro suo candore  
 velit emendare &c.



FRANCOFORTI  
APVD HAEREDES  
CHRISTIANI EGENOLPHI,

EXPENSIS D. ADAMI LONICERI

M. Iohannis Cnippij Andronici secundi,

& Pauli Steinmayers. Anno

reparatae Salutis

humanæ,

*M. D. LXXIIII.*





62117 BLM 76

24

FRANCORTI  
AD HÆRDES  
CHRISTIANI EGENOLPHI


EXPENSIS D. ADAMI LOMIGER  
M. Johannis Cnipy Andronicæ secundæ  
& Pauli Scimayre Anno  
republicæ  
humanae

M. D. LXXIII.



BD 1987







De donder in qu

Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 669 4° copy 4